

নামের বল

শ্রীমৎ ১৮৭৮-১৯০৪-দেবশর্মা-

মূল্য এক টাকা।

হাওড়া
১১নং উমাচরণ বহুর লেন হইতে
শ্রীঅতীন্দ্র নাথ দে কর্তৃক
প্রকাশিত।

দ্বিতীয় সংস্করণ : সন ১৩৪৪

৩৭০ নং জাপার চিংপুর রোড
লক্ষ্মী প্রিন্টিং ওয়ার্কস হইতে
বি, যোষ ষারা
মুদ্রিত।

প্রকাশকের নিবেদন ।

এই পুস্তকখানি ১৩২৫ সালে গড়পার বান্ধব নাট্যসমাজের জন্ম গ্রন্থকার কর্তৃক রচিত হয় । উক্ত নাট্যসমাজ বহুবার সাফল্যের সহিত ইহার অভিনয় করিয়া শ্রোতৃবৃন্দের অঙ্গুলি প্রশংসা লাভ করিয়াছেন । এই নাট্যসমাজ ব্যতীত আরও কয়েকটি সম্প্রদায় ইহার অভিনয় করিয়াছেন । অভিনয় দর্শনে তৃপ্ত বহু ভদ্রমহোদয় গ্রন্থখানিকে মুদ্রিত আকারে পাইবার জন্ম অনেক অনুযোগ করা সত্ত্বেও নানাপ্রকার অসুবিধা বশতঃ এ পর্যন্ত গ্রন্থখানি মুদ্রিত করিবার সুযোগ ঘটে নাই । এতদিনে তাঁহাদের সে আশা পূর্ণ করিতে পারিয়া প্রকাশক ধন্য হইলেন । সাধারণ পাঠক ও সুধীমণ্ডলীর নিকট গ্রন্থখানি সমাদৃত হইলে প্রকাশক আপনাকে অধিকতর ধন্য মনে করিবেন । ব্যস্ততা প্রযুক্ত মুদ্রণ কার্যে ভ্রমপ্রমাদ অনেক থাকিয়া যাওয়া সম্ভব । তজ্জন্ম ক্রটি মার্জনীয় । শুদ্ধিপত্রে যথাসাধ্য ভ্রম সংশোধিত হইয়াছে । ইতি—

শ্রীঅতীন্দ্র নাথ দে ।

1

2

বায়ের বল

নাট্যোল্লিখিত ব্যক্তিগণ ।

পুরুষগণ ।

শ্রীকৃষ্ণ, বলরাম, মহাদেব, যুধিষ্ঠির, ভীম, অর্জুন, নকুল,
সহদেব, ধৃতরাষ্ট্র, ভীষ্ম, দ্রোণাচার্য্য, শকুনি,
অশ্বথামা, দুর্ষোদন, দুঃশাসন, কর্ণ,
শল্য, ইন্দ্র, বিশ্ববুদ্ধি
ও দূত ।

স্ত্রীগণ ।

দ্রৌপদী, বিদ্যা, শক্তি, দেববালাগণ
ও সখীগণ ।

নামের বল ।

প্রথম অঙ্ক ।



প্রথম দৃশ্য ।

অঙ্ক ক্রীড়াগার ।

(শকুনি, দুর্ষ্যোধন, ধৃতরাষ্ট্র, ভীষ্ম, দ্রোণ, যুধিষ্ঠির, ভীম, অর্জুন,
নকুল, সহদেব, দুঃশাসন ও দূত ।)

শকুনি ।

ক্ষুদ্র অস্থি খণ্ডত্রয় !

ক্ষুদ্র এক মানব হৃদয়

কপটের ক্রুর অত্যাচারে

তাজিয়াছে সংসার আগার ;

সাক্ষ্য তোরা তার ।

পিতা তিনি জন্মদাতা মোর,

তঁারই রক্ত বহে ধমনীতে

তঁারই আত্মা জীবাত্মা আমার ;

তোরা অস্থি তঁার ।

তাঁর মর্মান্বিত জলন্ত অক্ষরে
 আছে লেখা তোদের হৃদয়ে,
 জলন্ত অক্ষরে আছে খোদা
 হৃদয়ে আমার ।
 যদিও নিজীব তোরা,
 কিন্তু যেই জীব
 রেখেছিল জীবন্ত তোদের
 সেই জীব শোভে এই জীবে ।
 সেই ছলা, সেই উৎপীড়ন,
 সেই নৃশংসতা, সেই বর্করতা,
 সেই সব আজও রয়েছে সজীব ।
 কেন তবে রহিবি নিজীব তোরা ?
 প্রতিশোধ নিতে কেন রব বিরত আমরা ?
 অকৃতজ্ঞে উপেক্ষা করিয়া
 অকৃতজ্ঞ কেন হব ?
 সত্য বটে অরি বলবান ।
 ধনজন বিপুল বৈভব
 দিবারাতি রক্ষা করে তায় ।
 কিন্তু কিবা আসে যায় ?
 এক ভানু উদিয়া যেমতি
 লক্ষ লক্ষ তারাদলে করে জ্যোতিঃহীন,
 একা আমি এক বুদ্ধিহলে
 শত অরি সেইরূপ করিব সংহার ।

তোরা মাত্র সহায় আমার ।
 তোদের সহায়ে লব প্রতিশোধ
 প্রতিরোধে নাহি হেন জন ।
 দুর্ঘ্যোধন ! পাপ দুর্ঘ্যোধন !
 কপটতা করিয়া আশ্রয়
 বধিয়াছ পিতারে আমার,
 কপটতা করিয়া আশ্রয়
 লব আমি প্রতিশোধ তার ।
 এই পুণ্য অস্থিখণ্ডত্রয়
 বারত্রয় করি সঞ্চালন,
 প্রজ্জ্বলিত করিব অনল ;
 ফলাফল দেখ্‌ তার ।
 ক্ষুদ্র কীট তুই,
 পারি তোরে চরণে দলিতে,
 কিন্তু তৃপ্ত নহি তায় ।
 যেই ক্ষত্র,
 তোর সম কলঙ্কীরে দিয়াছে জনম,
 যাচি আমি প্রায়শ্চিত্ত তার ।
 যে ভারত তোর মত সূতে
 প্রসবি দারুণ পাপে হয়েছে পঙ্কিল,
 যাচি আমি প্রায়শ্চিত্ত তার
 প্রতিহিংসা প্রতিশোধ মহাব্রত মোর ।
 আজি অক্ষয়ীড়া ছলে

ক্ষুদ্র এই অস্থিখণ্ডত্রয়,
 ঘেষ, হিংসা, গৃহভেদ
 উদগারিবে তিনরূপ হলাহল ।
 ফলে তার যে অনল হবে প্রজ্জ্বলিত—
 সে অনলে দগ্ধ হয়ে যাবে,
 ক্ষত্রকুল নিঃশেষিত হবে,
 যুগ যুগান্তর ধরি
 সে অনল ভারত জুড়িবে ।
 আজি হতে যুগ যুগান্তর
 শান্তিবারি করিয়া শোষণ
 ভারতের প্রতি গৃহে গৃহে
 হলাহল উদগারিবে আত্ম বিচ্ছেদের ।
 মহাপাপ—
 এই মহা প্রায়শ্চিত্ত তার ।

(দুর্ঘোষের প্রবেশ)

দুর্ঘোষ ।

হে গান্ধার রাজ !
 আসিছেন নৃপতিবৃন্দ পিতৃদেব সহ
 অক্ষক্ষিপ হেরিতে তোমার ।
 ভীষ্ম, দ্রোণ, কর্ণাদি বীর
 দুঃশাসন আদি ভ্রাতৃবর্গ মোর
 সবে আসি মিলিবে এখনি ।
 যুধিষ্ঠির, বৃকোদর আদি
 অবিলম্বে আসিবে হেথায় ।

সাবধানে ক'ব অক্ষক্ষেপ
 সম্পদ সম্মান গর্ভ মোব
 তব কবে কবিছে নির্ভব ।
 বেথ মুখ জিনি বিপুদলে
 তুমি মাত্র সহায় আমার ।
 শকুনি । হে বাজন ।
 পণ মম ব্যর্থ নাহি হবে ।
 একবার পাইলে সং গ্রামে
 পাণ্ডবেবে কবির ভিগাবী ।
 হিতকামী মম সম কেবা আছে তব ।

(ধৃতরাষ্ট্র, ভীষ্ম, দ্রোণ, যুধিষ্ঠিবাदि পাণ্ডবগণের প্রবেশ)

ধৃতরাষ্ট্র । এস এস কব সবে আসন গ্রহণ ।
 এস বিজ্ঞ যুধিষ্ঠিব,
 সর্বাশ্রয় প্রিয় তুমি মোব ।
 এস বীর বৃকোদব,
 এস বনশুভ্র, এস সবে
 এস ভীষ্ম, দ্রোণ হে বীর মণ্ডলী
 দাতকীডা হেবি কুতূহলে ।

যুধিষ্ঠিব । মহাবাদ ।
 কপটতামব দাতকীডা অতি দোষাবহ
 অনিচ্ছায় তব অনুবোধে
 হয়েছি স্বীকার

নাহি গনি জয় পরাজয় ।
 হইলে আহুত
 নিবৃত্ত না হব,
 এই নিত্য ব্রত মোর ।
 বল এবে কার সনে করি অক্ষক্ষেপ ?
 দুর্ঘোষন । হে ধর্ম রাজন্ !
 মাতুল শকুনি প্রতিনিধি মোর ।
 রত্ননিধি যোগাইব আমি ।
 যুধিষ্ঠির । হে বিদ্বন্ !
 অসঙ্গত প্রতিনিধি সনে ক্রীড়া ।
 ভাল, এসেছি যখন,
 উপরোধে তব হইলু স্বীকার ।
 অঙ্গীকার—
 কাঞ্চন খচিত এই রত্নহার মোর ।
 তব পণ কিবা সুর্যোধন ?
 দুর্ঘোষন । মম পণ রত্নধন অগণন দিব ।

(অক্ষক্রীড়া)

শকুনি । দেখ ধর্মরাজ !
 জিনিলাম হার তব ।
 যুধিষ্ঠির । ভাল, এইবার পণ
 ধনরত্ন হিরণ্য ভূষণ,
 যত কিছু আছে মোর ।

কুনি ।

(অক্ষকীড়া)

ধনরত্ন জিনিলাম তব ।

কহ ধর্মরাজ কিবা পণ আর ।

যুধিষ্ঠির ।

অশ্বরথ, অস্ত্রাগার,

দাসদাসী, সমর বাহিনী,

রাজ কর্মচারী, পশুশালা,

নাট্যাগার, প্রমোদ কানন

এইবার পণ হে ধীমান ।

কুনি ।

(অক্ষকীড়া)

ধর্মরাজ !

হের আজি কুরু সভা মাঝে

জিনিলাম সর্বস্ব তোমার ।

যুধিষ্ঠির ।

রাজ রাজন্যবর্গ প্রজাগণ সহ

রাখি পণ,

হে মধুসূদন হোক যেন ইচ্ছা তব ।

কুনি ।

(অক্ষকীড়া)

ধর্মরাজ রাজ্যহীন এবে তুমি ।

হের অক্ষ ঘোষে মোর জয়

রাখ পণ কিবা আছে আর ।

যুধিষ্ঠির ।

ছল অক্ষক্ষেপ !

কিফল আক্ষেপে !

বিপক্ষে কুটিল শনি মোর ।

অগণন রত্নধন,

স্বর্ণ-প্রসবিনী শ্যামলা-ধরণী,
সমর-বাহিনী অরিত্রাস
একে একে হারিলাম সব ।
কিবা আছে আর ?
যশঃমাত্র সম্পদ আমার
সে ধন না হারাইব থাকিতে জীবন ।

ভীষ্ম ।

ধর্মরাজ !
মম মতে
আজিকার মত ক্ষান্ত হও অক্ষক্ষেপে
কাজ নাই ছল অক্ষ চালি ।

দুর্যোধন ।

সেই ভাল ধর্মরাজ ।
অধর্মেরে করিয়া আশ্রয়,
ক্ষত্রধর্ম দিয়া জনাঙ্গুলি
যাও চলি দ্যুতে ঠেলি পায় ;
বহু ধর্ম করেছ অর্জন
অধর্মের শেষ এইবার ।

যুধিষ্ঠির ।

হারিতেছি যবে প্রতি ক্ষেপে,
তখনই বুঝেছি ভাই
আছে ছল ইহার ভিতর
কিন্তু তা বলিয়া ভেব নাক সুর্যোধন
ধর্মরাজ নাম ধরি,
ধর্মে ঠেলি পায়
অধর্মে করিব সেবা ।

যা আছে অদৃষ্টে
না ত্যজিব অক্ষুণ্ণ
ভাগ্যালিপি কে করে খণ্ডন ।
শকুনি । এবে কিবা পণ তব ?
যুধিষ্ঠির । প্রাণের সোদর সহদেব
কার্ত্তিকেয় সম রূপে গুণে
তার সনে প্রাণের নকুল
অরি কুল আকুল সমরে যার
ব্যাকুল পরাণে
রাখিলাম প্রতিকূলে পণ ।
ভীষ্ম । হায় হায় এ কি বিপর্যয়
অমৃতে উঠিল হলাহল ।
শকুনি । (অক্ষক्रीड़ा) মহারাজ জিনিলাম দুটি ভাই তব
বল এবে কিবা পণ আর ।
যুধিষ্ঠির । রিপুত্রাস গাণ্ডীব যাহার
বর্ষে তীর বারিধারা সম,
শৌর্য্য বীৰ্য্য ব্যাপিত ধরণী
নারায়ণ ভূভার হরণ তরে
স্থাপিয়াছে সখ্য যার সনে,
যার লক্ষ্য ভেদে
লক্ষ্মী-স্বরূপিনী কুব্জায় লভেছি মোরা,
সেই কৃষ্ণ সহচর অর্জুন সোদর
এবে পণ গুনহে ধীমান

শকুনি ।

(অক্ষকীড়া)

ভাগ্য বলবান ।

সমর প্রাস্তরে দেব নরে ডরে

ভুবন বিজয়ী ধনুর্ধারী

পাণ্ডকুল গৌরব কোঁরব ত্রাস

সব্যসাচী ধনঞ্জয়ে জিনিহু কোঁশলে ।

দুর্যোধন, অর্জুন বিজয় সাধ

পুরিল তোমার ।

যুধিষ্ঠির ।

(স্বগতঃ) বহু দূর হইয়াছি অগ্রসর

আর নাহি পিছাইতে পারি ।

হে শ্রীহরি তোমার চরণ স্মরি

বৃকোদরে রাখিব হে পণ ।

(প্রকাশ্যে)

শুন সুর্যোধন

মহাবীর মধ্যম পাণ্ডব বৃকোদর

অযুত মাতঙ্গ বলশালী,

পদক্ষেপে কম্পিতা ধরণী,

গদাঘাতে শৈল ধূলিশায়ী,

ভূজবলে ভুবন উপাড়ে,

কম্পিত কোঁরব যার ডরে,

সেই প্রাণের সোদর গদাধর সহ

নিজে আমি পণ এইবার ।

শীম ।

করযোড়ে নিবেদি অগ্রজ,

হারায়েছ সকল সম্পদ,
প্রিয়তম প্রাণের অনুজ্ঞায়
বাঁধিয়াছ কোঁরবের দাসত্ব শৃঙ্খলে ।
একমাত্র বাকী আমি ।

আমারে হারালে
ভ্রাতৃদলে উদ্ধারিবে কেবা ?
কিবা পণ রাখিবে গো অতঃপর ?
যাচি আমি নিবার এ অক্ষক্ষিপ ।

যুধিষ্ঠির ।

বৃকোদর !
পারি প্রাণ ত্যজিতে এখনি
প্রাণাপেক্ষা প্রিয়
তোমাদের পারি ত্যজিবারে,
ধর্ম্মে না ছাড়িতে পারি ।

দুর্যোধন ।

শঙ্ক ত্যজ মধ্যম পাণ্ডব
ধর্ম্মরাজ জিনিবে এবার ।

ভীম ।

শঙ্ক করি তোমাদের লাগি ।
অধর্ম্মের অত্যাচারে
ধর্ম্ম পাছে হয়ে উত্তেজিত
কুরুকুল করেন নির্ম্মূল
এই শঙ্ক দুর্যোধন ।

শকুনি ।

ধর্ম্মরাজ !
স্বর্গগতি জেন ধর্ম্মের ।
স্থূল বুদ্ধি মানবের নাহি অধিকার

- প্রবেশিতে সেই সূক্ষ্ম পথে
ধর্ম রাখ করি অক্ষক্ষেপ ।
- যুধিষ্ঠির । শুনে সূখী ধর্মবাণী
তোমাদের মুখে !
চাল অক্ষ মাতুল শকুনি ।
- শকুনি । (অক্ষক্রীয়া) জিনিলাম বৃকোদরে ।
কহ হে সত্বর
কিবা পণ রাখিবে এবার
- যুধিষ্ঠির । কিবা আছে আর !
ত্রিদিব-সুন্দরী দ্রুপদ-নন্দিনী,
শ্যামাঙ্গিনী পাণ্ডব ঘরণী,
লক্ষ্মী-স্বরূপিনী পাণ্ডবের হৃদি অলঙ্কার,
কৃষ্ণ-সহচরী কৃষ্ণায় রাখিলু পণ ।
- শকুনি । (অক্ষক্রীড়া) জিনিহু অমূল্যরত্ন ক্ষুদ্র অক্ষক্ষেপে ।
দুর্যোধন !
কর এবে যেবা অভিরুচি ।
- দুর্যোধন । (দূতের প্রতি) যাও, লয়ে এস কৃষ্ণায় সভায় ।
(দূতের প্রস্থান)
- দ্রোণাচার্য্য । এ নহে উচিত মহারাজ ।
- ধৃতরাষ্ট্র । দুর্যোধন ছাড় এ কল্পনা ।
কুলের ললনা
সভা মাঝে আনিবে কেমনে ?
- দুঃশাসন । দাসীবৃন্দ আসে যেমতি ।

ভীম ।

সহদেব ! সহদেব !
চিতানল কর প্রজ্জ্বলিত ।
আজি যেই করে অক্ষক্ষেপ ছলে
পাণ্ডুকুলে মাখাইল কালি
উপাড়ি পোড়াব চিতানলে ।
জ্যেষ্ঠ বলি না করিব ক্ষমা ।

অর্জুন ।

ক্ষান্ত হও মধ্যম পাণ্ডব ।
হেরি অধীরতা তব
রিপুদল হাসিছে উল্লাসে ।
চিরদিন জ্যেষ্ঠ অনুগামী মোরা
পিতৃসম জ্যেষ্ঠে মান তুমি,
আজ একি তব আচরণ ?
ভুলিলে কি জ্যেষ্ঠের সম্মান ?

ভীম ।

জ্যেষ্ঠের সম্মান তরে
পারি শিরে বহিবারে অরির পাদুকা,
জ্যেষ্ঠের সম্মান তরে
পারি ত্যজিবারে ভীম গদা সম,
পারি সংযমিতে সিংহক্রোধ
শৌর্য্য বীর্য্য প্রতিশোধ তুষা ।
জ্যেষ্ঠের সম্মান তরে
পারি ছেড়ে দিতে রাজ্য ধন,
পারি ক্রীতদাস সম
বহিবারে কুরুর আদেশ,

বল যদি পারি বক্ষচিরি
 রক্ত ঢালি ধোয়াইতে
 দুর্ঘোষন পদ ।
 তাও পারি ; কিন্তু,—
 আসিবে পাঞ্চালী
 কাঙ্কালিনী সম স্নান মুখে
 লাক্ষিতা লুণ্ঠিতা দলিতা-ফণিনী,
 অনাথিনী সম
 নাথ যার পঞ্চজন ।
 আসিবে বীর নারী ঘৃণা ভরে
 বন্ধ সিংহীর মত ছাড়িবে নিশ্বাস,
 ঘৃণা ভরে কাপুরুষ ভাবি
 চাহিবে আমার পানে,
 অথবা কাতরে
 লুটাইয়া ধরণী ধূলায় করিবে প্রার্থনা
 ওহো প্রতিহিংসা ভরে !
 আরেরে গাণ্ডীবী,
 কেমনে সহিবি তাহা ?
 কেমনে গাণ্ডীব তোর
 রহিবেরে ধরণী চূড়িয়া
 নিস্তেজ ফণিনী সম ?
 কেমনে এ ভীম বাহুদ্বয়
 মৃত করিওও সম

রহিবে পড়িয়া নিশ্চল নিশ্চল ?
 ওহো মুঞ্চ তোরা বুদ্ধি ভ্রষ্ট,
 কি অনল উঠিবে জলিয়া পাঞ্চালীর হৃদে
 নাহি চক্ষু দেখিবারে ।
 যাই—যাই—আমি
 অনাথিনী ক্ষুপদ-নন্দিনী বিহ্বলা কাতরা
 উৎপীড়িতা অরি অত্যাচারে,
 বিমদ্বিতা পাণ্ডবের নারী অনাথিনী ।
 যায় যাক্ ধর্ম
 যাক্ জ্ঞান পুণ্য যশঃ মান,
 লয়ে অনাথ শরণ নাগ মুখে
 যাই আমি অনাথে রক্ষিতে ।

(ভীমের প্রস্থানোচ্চোগ ও অর্জুন কর্তৃক ধারণ

অর্জুন ।

হে অগ্রজ !
 অনাথ শরণে স্থরি
 যেতে চাহ অনাথিনী কৃষ্ণায় রক্ষিতে ?
 অনাথ শরণে স্থরি
 রহ স্থির পর্ষতের সম ।
 অনাথ শরণ সখা মোদের
 অনাথ শরণ সখা দ্রৌপদীর ।
 এস দেখি আজ
 অনাথ শরণ
 কেমনে রাখেন অনাথেরে ।

ছাড় বীর্ষ্য ছাড় দস্ত তেজ,
 ছাড় অস্ত্র, ছাড় হৃদয়ের যত কিছু ;
 হৃদয়ের যুদ্ধ ইহা নহে ত অস্ত্রের ।
 হয়ে উর্দ্ধ বাহু,
 চাহি উর্দ্ধে গগনের পানে
 আগ্নুত নয়নে আঁকুল আস্থানে
 এস ডাকি হে অগ্রজ,
 সখা মম অনাথ শরণে ।
 কোথা হে শ্রীমধুসূদন !
 করুণা নয়নে প্রভু চাহ একবার
 অনাথিনী পাণ্ডব ঘরণী প্রতি ।
 অনাথ শরণ ! তুমি বিনা
 অনাথেরে কে রাখিবে আজি ।

ভীম ।

(অস্ত্র ত্যাগ করিয়া) তবে তাই হোক ।
 কৃষ্ণ সখা ত সবার
 কৃষ্ণ নাম সখা মম ;
 লয়ে অনাথ শরণ নাম
 রব ভগ্ন গিরিশির সম নিথর নিস্তর ।
 যদি আসে যদি তাই হয়
 যদি সম্মম কৃষ্ণার হয় বিমর্দিত
 নাম সহ হৃদয় উপাড়ি
 নাম শূন্য হবে বৃকোদর ।

(পাণ্ডবগণের প্রস্থান)

দ্বিতীয় দৃশ্য]

শামের বস

দুর্যোধন ।

করুক চীৎকার ক্ষণকাল,

চল কুরুবীর-বৃন্দ

ক্ষণতরে লভিগে বিশ্রাম ।

(কুরুপক্ষীয় সকলের প্রস্থান) ।

দ্বিতীয় দৃশ্য ।

অস্তঃপুর ।

দ্রৌপদী ও সখীগণ ।

দ্রৌপদী

বুঝিতে না পারি

কেন এত অধীর অন্তর ।

যেন ভাবী অমঙ্গল ছায়া

গ্রাসিছে হৃদয় মোর ।

অনিচ্ছায় ধর্মরাজ

ধর্ম অনুরোধে, অধর্মের সনে

নিয়োজিত অক্ষ সঞ্চালনে ।

ক্রুর মতি কুরুকুল

চিরদিন প্রতিকূল তারা,

তাইলো আকুল প্রাণ

ছলে বুঝি প্রমাদ ঘটায় ।

(দূতের প্রবেশ)

দূত

প্রণমি-জননী

অপরাধ-নিওনা দাসের ।

দ্রৌপদী । .কহ কি বারতা লয়ে
পশিলে এ অস্তঃপুরে ?
দ্রৌপদীর কাছে কার কিবা আছে আবেদন ?

দূত ।
আদেশ জননী,
নহে আবেদন ।
মহারাজ দুর্ষ্যোধন,
অক্ষপণে হইয়া বিজয়ী,
রত্নধন, সাম্রাজ্য সম্পদ,
জিনেছেন পাণ্ডবের সব ;
আদেশ তাঁহার তব প্রতি
সভা মাঝে যাইতে আমার সনে ।

দ্রৌপদী ।
এ আদেশ পূর্ণ উচ্চারণ
করিবারে অবসর পেলে দুর্ষ্যোধন ?
শির তার এখনও চুমেনি ধরণী ?
অর্জুনের বজ্রভেদী তীর
জিহ্বা তার আনেনি উপাড়ি ?
বৃকোদর সভা গৃহ ছাড়ি
কোন্ কার্যে ছিল নিয়োজিত ?
কি কহিলা ধর্ম্মরাজ ?
কি কহিল ভীষ্ম, দ্রোণ, সভাস্থ সকলে ?

দূত ।
বৃকোদর, গাণ্ডীবী অর্জুন,
সহদেব, নকুল, ধর্ম্মরাজ,
ভীষ্ম, দ্রোণ আদি রথী দল,

ধূতরাষ্ট্র, বীরেন্দ্রমণ্ডলী প্রভৃতি সকলে,
 ছিল উপস্থিত,
 নীরব নিথর জলধি যেমন
 ঝঙ্কারে বহিবার আগে ।
 শুধু কোরবের উচ্চ হাস্যরোল
 ভেঙ্গে ছিল নীরবতা ।
 পিঞ্জরের পীড়িত ব্যাঘ্র সম,
 বৃকোদর গভীর গর্জনে
 সম্বাসিত করেছিল সবে ।
 কিন্তু কি করিবে ;
 অঙ্গীকারে বদ্ধ ধর্মরাজ ।
 জ্যেষ্ঠের আদেশ পাণ্ডব করে না হেলা ।

দ্রৌপদী ।

যাও দূত,
 জানাও বারতা মোর সভাস্থ সকলে ;
 ধর্মরাজ একাকী নহেন পতি মোর,
 আছে চারি স্বামী আর ;
 ধর্মরাজ একাকীর নাহি অধিকার
 আমারে রাখিতে পণ ।
 অসঙ্গত পণ,
 অসঙ্গত কোরব বাসনা ।
 পাণ্ডব ললনা
 ঘৃণাভরে উপেক্ষিলা আদেশ তাহার ।
 যথা আজ্ঞা মাতা । (প্রস্থান)

দূত ।

দ্রৌপদী । সামান্য নারীর মত
 বিপদেতে না হব কাতরা,
 সম্পদ বিপদ জীবনের চির সহচর ।
 আমি যদি হইলো অধীরা,
 হেরি কাতরতা মোর
 পঞ্চস্বামী হইবে কাতর,
 বিপদেতে বিপদ বাড়িবে ।
 আজি পঞ্চস্বামী মোর
 কুচক্রীর ছলে জ্ঞানহারা ।
 বুদ্ধিমতী রমণীর মত,
 ধীর স্থির বুদ্ধির সহায়ে,
 চাহি উতরিতে বিপদ সাগর ;
 হোক বিপদ ছস্তর
 তিলমাত্র নাহি গণি ভায় ;
 ভব কর্ণধার সহায় আমার,
 স্মরি শ্রীচরণ তাঁর,
 অনায়াসে পাব পরিত্রাণ ।
 পাণ্ডুবধু আমি,
 নিশ্চয় রাগিব পাণ্ডুকুল মান ।

(দূতের পুনঃ প্রবেশ)

দূত । প্রণাম জননী,
 মহারাজ দুর্ঘোষন করিল আদেশ,
 পাণ্ডবেরা ক্রীতদাস তাঁর ।

ক্রীতদাসী এবে তুমি,
 অবিলম্বে চল সভা মাঝে ।
 দ্রোপদী । কি কহিলা সভাস্থ সকলে ?
 দূত । নতমুখে রহিল সকলে,
 কেহ না কহিল কথা ।
 দ্রোপদী । যাও দূত যাও পুনঃ
 কহ গিয়া দুর্ঘোষনে,
 পণক্রীত ধর্মরাজ যবে,
 কুলবধু রাখিবারে পণ,
 কিবা তাঁর আছে অধিকার ?
 নীতি যদি না জানে বর্ষর,
 কহ জিজ্ঞাসিতে দ্রোণে,
 ভীষ্ম পিতামহে, ধৃতরাষ্ট্রে,
 সভাস্থ রাজন্যবর্গে,
 কোন্ যুক্তিবলে
 কহে ক্রীতদাসী মোরে ?
 আরও বলো ধৃতরাষ্ট্রে,
 পিতৃতুল্য আমি জানি তায়,
 কুলবধু গেলে সভা মাঝে
 উজ্জল কি হবে মুখ তার ?
 দূত । যথা আজ্ঞা মাতা । (প্রস্থান)
 সখি । বার বার দুরাচার পাঠাইছে দূত,
 বার বার করি প্রত্যাখ্যান,

বাড়াইছ রোষ তার ;
 বুঝি আজ ঘটবে প্রমাদ ।
 যবে অক্ষকীড়া লাগি
 ধর্মরাজে করেছে আহ্বান,
 তখনি জেনেছি ঘটবে প্রমাদ ।
 যা হবার হবে নহি লো শঙ্কিতা—
 (নেপথ্যে ফিরিয়া)
 হের উগ্রমুখে আসে দুঃশাসন,
 দস্তভরা পদক্ষেপে,
 রক্ত আঁখি রক্তময় রোষে ;
 বুঝি করিবে লো অত্যাচার কোনও
 যাও ত্বর। অন্তরালে চলি । (সখিগণের প্রস্থান)

(দুঃশাসনের প্রবেশ)

দুঃশাসন । বার বার পাঠাইল দূত মহারাজ
 বার বার কর প্রত্যাখ্যান ।
 এত দর্প কিনের কারণ ?
 জান নাকি ক্রীতদাসী এবে তুমি ?
 ত্যজি রাজ সিংহাসন,
 চল এবে সেবিবে চরণ,
 ভানুমতী ডাকিছে তোমায় ।
 দ্রৌপদী এত সাধ যদি তার চরণ সেবায়,
 যাও দুঃশাসন কহ গিয়া তারে,

আসিয়া হেথায় মোর সেবিয়া চরণ,
 শিখাইতে পদসেবা মোরে ;
 জানি তারে নিপুণা উহাতে ।

দুঃশাসন । আরে লো উদ্ধতা !
 গর্বফীতা এখনও পাঞ্চালী তুই ?
 আয় স্বরা আয় চলি,
 কেশে ধরি লয়ে যাব বিলম্ব করিলে

দ্রৌপদী । মূর্খ দুর্ব্যোধন,
 তদপেক্ষা মূর্খ তুমি ।
 তাই পশি অন্তঃপুর মাঝে,
 অসহায় অবলার কাছে
 দেখাইছ পাশব বিক্রম ।
 কিন্তু রেখ মনে—
 যার গৃহে পশি করিতেছ দস্ত এত,
 পদক্ষেপে তার
 শত শত বীর হয় ধূলিসাৎ ।

দুঃশাসন । দাসী হয়ে এত দর্প !
 আরে দুর্কিনীতা,
 যার দর্পে হয়েছ দর্পিতা,
 চল রাজ সভা মাঝে,
 দেখিবে ভিখারী সম
 নতমুখে ফেলে অশ্রুজল ।
 চল্ চল্ বিলম্ব না সহে আর ।

দ্রৌপদী । ছি ছি ছুঁয়োনো ছুঁয়োনো,
 রজস্বলা আমি,
 এক বস্ত্রে আছি আচ্ছাদিত ।
 রজস্বলা কুলের কামিনী
 পরশিতে বাঁধে না সময় ?

দুঃশাসন । ব্যাভিচারিণী লো তুই,
 পঞ্চস্বামী কর উপভোগ ।
 কুলটা পাঞ্চালী,
 নাহি জানি কিসে কুলের কামিনী বলে তোরে ।
 ছিল পঞ্চস্বামী, শত ভ্রাতা হবে শত স্বামী,
 খেদের কি আছে তোর ;
 চল্ চল্ সভা মাঝে । (দ্রৌপদীর কেশ ধারণ)

দ্রৌপদী । কোথা ধর্মরাজ ! কোথা বৃকোদর !
 কোথা হে নকুল ! কোথা সহদেব !
 কোথা হে অর্জুন !
 কোথায় অর্জুন সখা বিপদবারণ,
 দেখ দেখ দ্রৌপদীর কি দুর্দশা
 তোমরা থাকিতে ।
 (দ্রৌপদীর কেশাকর্ষণ করতঃ দুঃশাসনের প্রশ্নান) ।

তৃতীয় দৃশ্য ।

রাজসভা ।

ধৃতরাষ্ট্র, ভীষ্ম, দ্রোণ, শকুনি, দুর্যোধন, যুধিষ্ঠির, ভীম, অর্জুন, নকুল,
সহদেব, দুঃশাসন, দ্রৌপদী ও বিশ্ববুদ্ধি ।

(বেগে বিশ্ববুদ্ধির প্রবেশ)

বিশ্ব । মহারাজ ! মহারাজ ! সর্বনাশ হ'ল ।

ধৃতরাষ্ট্র । ব্যাপার কি ?

বিশ্ব । আজ্ঞে আপনার গুণধর পুত্র দুঃশাসন একজন মেয়ে
মাল্লুষের ঝুটি ধরে হড় হড় করে টেনে নিয়ে আসছে, আর
সে পাণ্ডবদের নাম ধরে চীৎকার করছে । (ভীমের প্রতি)
দোহাই বাবা—আমি কিছু জানি না বাবা । সেই বেটা
বেল্লিক দুঃশাসন ।

দুর্যোধন । সাবধান মূর্খ ব্রাহ্মণ ।

বিশ্ব । খুড়ি ভুল হয়েছে ; (দুর্যোধনের নিকট যাইয়া) তা ত ঠিকই
হয়েছে, ঠিকই হয়েছে, রাজবুদ্ধি কিনা, বুঝতে পারি নি ।
বাহবা মহারাজ, কুমার দুঃশাসনের বুদ্ধির কি চটক ।

(দ্রৌপদীর কেশ ধরিয়া দুঃশাসনের প্রবেশ)

দ্রৌপদী । কোথা ধর্মরাজ, কোথা বৃকোদর, কোথা হে গাণ্ডীবী,
দেখ অঁাখি মেলি,
তোমাদের কুলের কামিনী
তঙ্করেতে করিছে হরণ ।

ভীম

ভয় নাই পাঞ্চালী !

(উখান ও অর্জুন কর্তৃক নিবারণিত)

আরে রে গাণ্ডীবি !

এখনও গাণ্ডীবি তোর

করিবে না বজ্র উদগীরণ ?

এখনও কি বৃকোদর গদা

মাথিবে না কুরুরক্ত গায় ?

এখনও কি ছার কুরু সভা

ভীম পদে হবে না দলিত ?

অর্জুন ।

হে মধ্যম !

পণবন্ধ মোরা পঞ্চজন ;

কি ফল বিফল আশ্ফালনে ?

জানি, ইচ্ছা মাত্র তুমি,

পার কুরুকুল করিতে নিশ্চুল,

জানি, তব গদাঘাতে

শৈল খসি পড়ে ভূমিতলে,

জানি, গাণ্ডীবি আমার

পারে উপাড়ি আনিতে গ্রহমালা,

জানি, রজস্বলা পাণ্ডব মহিলা

অসহায়া করে আর্তনাদ,

কিন্তু কি করিব,

বিধির বিপাকে হয় পণবন্ধ মোরা ।

আজ যদি পণভঙ্গ করি,

ধরি অস্ত্র পাঞ্চালীর লাগি,
 ভবিষ্যতে গাহিবে জগৎ,
 পণভঙ্গ মহাপাপে নিমগ্ন পাণ্ডব ;
 ধর্মরাজে কহিবে অধর্মচারী ।
 এ সকল স্মরি, ধার্মিক অগ্রজ যবে
 ছাড়িবে হে দীর্ঘশ্বাস,
 বজ্রসম বাজিবে হৃদয়ে ;
 হৃদয় উপাড়ি পারিব না সাধনা করিতে ।
 কহি তাই ধীরভাবে সহ অত্যাচার ।

ভীম ।

আরে রে অর্জুন !
 করি আঁখি উন্মীলন
 দেখ্ চাহি পাঞ্চালীর মুখ ;
 দেখ্ বিকল-বসনা পাণ্ডব-ললনা,
 দীনা হীনা অনাথিনী সম
 আঁখি নীরে প্লাবে বক্ষঃস্থল,
 দেখ্ পাদচুমি কেশপাশ তার
 দুঃশাসন করে আকর্ষণ !
 দেখ্ কাতর নয়নে,
 চাহি মুখপানে মো সবার
 কাতরে ডাকিছে—
 কোথা ভীম, কোথা হে গাণ্ডীবী বলি ;
 দেখ্ কোমল চরণ বিদারিয়া
 বহিছে রুধির ধারা !

দেখ রজস্বলা সরম বিহ্বলা
 নারী তোর, তঙ্করের করে !
 উঃ অসহ—অসহ !
 বল্ বল্‌রে গাণ্ডীবী
 কোরবমণ্ডলীসহ ছল দ্যুতগৃহ
 উপাড়ি নিক্ষেপি সিন্ধু নীরে ।
 দ্যুতক্রীড়া চিহ্ন নাহি রবে,
 এ কাহিনী না হবে প্রচার ।
 ভাই জানি আমি,
 তোমাতে সম্ভবে সব ।
 কিন্তু যদি আবেগের বশে
 ধর্ম্মে আজি করি অবহেলা,
 ধর্ম্মের সারথি
 যত্নপতি পাণ্ডবের গতি
 আসি, কাল জিজ্ঞাসিবে যবে,
 হে পাণ্ডব, রমণীর কাতর ক্রন্দন
 ছিঁড়েছে কি ধর্ম্মের বন্ধন ?
 বল হে তখন কি দিব উত্তর ?
 যেই ধর্ম্মবলে, নারায়ণ
 চির বাধা পাণ্ডবের দ্বারে,
 কামিনীর কাতর চাহনী,
 হরিবে কি সেই ধর্ম্মবল ?
 কামিনীর অশ্রুজল,

অর্জুন ।

ধর্মচ্যুত করিবে কি আজি পাণ্ডবের ?
 ঋণিকের রোষ পরবশে,
 ধর্মে ভুলি, করি যদি অধর্ম আচার,
 দুর্গতির না রবে অবধি ।

ভীম

যা—যারে—পাঞ্চালী
 ভুলে যা পাণ্ডবে ।
 মরিয়াছে পঞ্চস্বামী তোর—
 মৃত ভীম, মৃত ধর্মরাজ,
 মৃত তোর প্রিয় ধনঞ্জয় ।
 কাঁদ কাঁদ প্রাণভরে,
 ডাক যুক্তকরে, অনাথের নাথ জগন্নাথে ।
 কোথা হে মুরারে, পাণ্ডবের প্রিয়সখা !
 দেহ দেখা ডাকিছে পাণ্ডব প্রিয়া,
 দাও আজ আশ্রয় চরণে,
 উদ্ধারিয়া রাখ হে সম্মান ।

দুর্যোধন ।

বৃকোদর !
 ধর্মপত্নী নহে ত দ্রৌপদী,
 পঞ্চজনে কর উপভোগ,
 নাহি জানি কুলের কামিনী বলি
 কেন তবে এত গাত্রদাহ !
 হুঃশাসন ! আন আন দ্রৌপদীরে ।
 এস লো দ্রৌপদী, আজি হ'তে কোঁরব কাননে
 চিরদিন রহ কেলিরতা ;

কৌরব সম্পদ তুমি এবে ।
 দ্রোপদী । যদিও বীরেন্দ্র-বিজয়ী পঞ্চস্বামী মোর
 ধর্ম ভোরে বন্ধ হস্তপদ,
 আছে সভা মাঝে বহু বিজ্ঞজন,
 ভীষ্ম পিতামহ,
 দ্রোণাচার্য্য গাণ্ডীবীর গুরু,
 রাজগ্য সামন্তবর্গ যত,
 পাণ্ডু কুলবধু সবার চরণে
 নিবেদন করিছে কাতরে,
 দেহ মোর প্রশ্নের উত্তর ।
 সকলে । কহ মাতা কিবা আছে আবেদন ?
 দ্রোপদী । ধর্মরাজ একাকী নহেন স্বামী মোর ;
 আছে তাঁর কিবা অধিকার,
 আমারে রাখিতে পণ ?
 দ্রোণাচার্য্য । অসঙ্গত অত্যাচার কুলনারী পরে,
 না রব এস্থলে আর । (প্রস্থান)
 দ্রোপদী । কই, কেহ নাহি দাও সতুত্তর ?
 ভাল, আছে মোর অন্ত আবেদন ।
 ধর্মরাজ আপনি বিক্রীত পণে আগে,
 তবে তাঁর কুলবধু পরে
 কিবা ছিল অধিকার রাখিবারে পণ ?
 দাও সতুত্তর—
 নীরব রাজমণ্ডলী কেন ?

ছি-ছি ধিক্ তোমাদের সব,
 কলঙ্ক শশাঙ্ককূলে ।
 অসহায়া কুলের কামিনী হয়ে উৎপীড়িতা,
 যাচি স্ত্রবিচার,
 কোরবের ভয়ে রহ নিরুত্তর ?
 দুর্ঘোষণ । পণে জিনিয়াছি রত্ন ;
 কার কিবা আছে অধিকার,
 করিবারে প্রতিবাদ ।
 দুঃশাসন ! উলঙ্গিনী করি
 লয়ে এস ক্রপদ-নন্দিনী ;
 সাদরে বসাই উরুপরে ।
 ভীষ্ম । ক্ষান্ত হও বর্ষের দুর্ঘোষণ !
 গেল ধর্ম্ গেল কুরুকুল ।
 দুঃশাসন । দে পাঞ্চালী দে ছাড়ি বসন ;
 পাণ্ডব-ললনা হয়ে বিবসনা,
 কোরব ললনা হও এবে । (বস্ত্রাকর্ষণ)
 ধৃতরাষ্ট্র । ক্ষান্ত হও অনৃত কুমার ।
 দ্রৌপদী । ধৃতরাষ্ট্র, তাত তুমি,
 কন্যা তব রাজ সভা মাঝে হয় বিবসনা,
 রাখিবে না কন্যার ধরম ?
 দেখ—দেখ সবে,
 ছি-ছি ক্লীব কি তোমরা ?
 নাহি কি গো কাহারও পৌরুষ ?

শুন পুরুষ যতেক আছ সভা মাঝে,
 জারজ সম্মান যদি নাহি হও কেহ,
 মুদ আঁখি স্মরি সবে আপন মাতায় ।
 কুলের কামিনী হইছে বসন হীনা—
 কোথা—কোথা হে পাণ্ডব-সখা অনাথ-শরণ !
 কোথা পীতাম্বর মদনমোহন,
 ব্রজের বসন চোর হরি,
 সখি তব হয় বিবসনা রাজ সভা মাঝে,
 আজি যোগায়ে বসন,
 লজ্জা রাখ লজ্জা-নিবারণ !
 আর পারি না রাখিতে—
 বিঘূর্ণিত শির, জ্ঞান স্তিমিত প্রায়,—
 তুমি দেখ—তুমি দেখ
 জীবনবল্লভ জগন্নাথ !
 (উভয় বাহু উত্তোলন করিয়া)
 আহা মরি মরি, স্নিগ্ধ শাস্ত
 ঢল ঢল রূপের সাগর, শ্যাম কলেবর,
 প্রেমে গড়া প্রাণ বিমোহন !
 নবীন মুরতি, চতুর্ভুজ,
 শঙ্খ-চক্র-গদা-পদ্ম-ধারী,
 ফুল ফুল হার শোভিত বিশাল বক্ষে,
 প্রেমময় মধুর বিনয় আঁখি,
 হাস্যরস পূর্ণ গুণধর,

চন্দন চর্চিত প্রশান্ত ললাট,
 মণ্ডিত স্কন্ধ কেশে,
 জ্যোতির্ময় কিরীট মণ্ডিত শির,
 ধীর স্থির গৌরব উজ্জল,
 মনোহর মুখশশী—
 জগৎ জীবন, যোগীর আরাধ্য ধন,
 কনক নূপুর মণ্ডিত চরণ
 রাখ হৃদি পরে !

আঃ—জুড়াল জীবন ।

ভীষ্ম ।

ধন্যা ধন্যা পাণ্ডব-ললনা
 নারায়ণ যোগান বসন !
 কুরুকুলে নাহি শ্রেয়ঃ আর
 সতী কোপে কুরুকুল হইবে নিস্কুল ।

শ্বতরাষ্ট্র ।

আরে আরে অনৃত কুমার,
 আমার সাক্ষাতে কুলনারী পরে,
 একি রীতি তোর ?
 ক্ষান্ত হও এখনি বর্ষর ।

বিশ্ব ।

বাঃ বাঃ চোক নেই, কিঙ্ক মহারাজের চকুলজ্জ। টুকু আছে
 বাঃ বাঃ ।

শ্বতরাষ্ট্র ।

মা গো !
 পাণ্ডব কোঁরব ভিন্ন নয় মোর কাছে ;
 তুমি মম কুলের ভূষণ,
 বাড়াইলে কুলের গৌরব ।

- ধন্য আমি,
পাইয়াছি নারীরত্ন কুলবধুরূপে ।
চাহ বর, যা চাহিবে দিব ।
- দ্রৌপদী । তাত ! দাসীপরে অপার করুণা তব ।
নারায়ণ রেখেছেন মান,
নাহি অণু কামনা আমার ;
তবে যদি সম্ভানে তুষিতে এত সাধ,
দেহ বর, পঞ্চস্বামী মোর পণমুক্ত হন ।
- ধৃতরাষ্ট্র । তথাস্তু, চাহ অণু বর,
এ দানে না হইলু সম্ভাষ ।
- দ্রৌপদী । দাও তাত, তবে ফিরাইয়া রাজ্য, সুখ, ঐশ্চর্য্য, সম্পদ,
যাহা কিছু ছল অক্ষক্ষেপে
জিনিয়াছে তনয় তোমার ।
- ধৃতরাষ্ট্র । তথাস্তু, অণুবর করহ প্রার্থনা ।
- দ্রৌপদী । নাহি দেব অণু কিছু প্রার্থনা আমার ;
তব রূপাশ্রমে পণমুক্ত পঞ্চস্বামী মোর,
পাইয়াছি রাজ্যধন, চলিত্ত এখন
শ্রীমধুসূদন করুণ কল্যাণ তব ।
কিন্তু পিতা,
তনয়ারে করগো মার্জনা,
পাণ্ডব-ললনা চাহে প্রতিবিধিৎসিতে ।
যেই কেশ ধরি, দুঃশাসন করি আকর্ষণ,
আনিল সভার মাঝে,

সেই কেশ—

পাঞ্চালী না বাঁধিবে গো আর ।
 যতদিন দুঃশাসন রহিবে ধরায়,
 রবে মুক্তকেশী, দিবানিশি পাণ্ডব-শ্রেয়সী,
 উড়াইয়া কৃষ্ণ কেশরাশি,
 স্বামীকূলে করাবে স্বরণ—
 মরেনি মরেনি দুঃশাসন,
 হয়নি গো ব্রত উদ্যাপন,
 অসম্পূর্ণ পণ,
 বিমুক্ত-কুন্তলা তাই পাণ্ডবের বালা ।

(প্রস্থান)

ভীম ।

ধন্য ধন্য লো পাঞ্চালী !
 অপূৰ্ব দেখালি,
 মরা ভীমে বাঁচাইলি আজি ।
 টুটেছে বিষাদ, গেছে অবসাদ,
 পাইয়াছি নূতন জীবন স্বাদ—
 পণ তোর দিয়েছে লো নূতন জীবন ।
 শুন শুন সভাস্থ সকলে,
 আজি লৌহময় গদা স্পর্শ করি,
 দেব নরে সাক্ষ্য রাখি,
 প্রতিজ্ঞা করিছে ভীম,
 দুঃশাসন বন্ধ বিদারিয়া
 করিব গো তপ্ত রক্তপান ;

সেই রক্তে রঞ্জিত করিয়া করছয়,
 দ্রোপদীর মুক্তকেশ করিব বন্ধন ।
 যেই উরু দেখাইয়া পাপ দুর্ঘোষন,
 দ্রোপদীরে কৈলা অপমান,
 সেই উরু, গদাঘাতে করি বিচূর্ণিত,
 ঘুচাইব পাঞ্চালীর মনের কালিমা ।
 থাক্ থাক্ এলোকেশী,
 পাণ্ডব-প্রেয়সী
 থাক্ এলোকেশী ততদিন ।
 পাণ্ডবের হৃদয় শিবিরে
 উড়ান পাঞ্চালী কৃষ্ণকুন্তল কেতন,
 কোঁরব কধিরে সেই ধ্বজা করিয়া রঞ্জিত,
 উড়াইব লোহিত নিশান । (প্রস্থান)

দুর্ঘোষন
 দূর হও মূৰ্খ অর্ধাচীন,
 বণ্ডসম করিয়া চীৎকার
 কর্ণরক্ত করেছে বধির ।

ভীষ্ম
 দুর্ঘোষন !
 নাহি প্রয়োজন অক্ষ বিক্ষেপনে,
 পাপ ক্রীড়া করহ রহিত,
 আহত হইবে স্ননিশ্চয় ।

ধৃতরাষ্ট্র ।
 কাজ নাহি আর অক্ষক্ষেপে
 সভা ভঙ্গ হোক আজিকার যত ।

(সকলের প্রস্থান)

চতুর্থ দৃশ্য ।

কুটির সম্মুখ ।

বিদ্যা ও বিশ্ববুদ্ধি ।

বিদ্যা । মিনুসে আজ তিন দিন বাড়ী ছাড়া, গেল কোথায় । রাজ বাড়ী ঘাই বলে পরশু বেরিয়েছে, আজও তার দেখা নেই, গেল কোথায় ? এমন ত কখনও করেনি, যেখানেই থাক রাত্তিরে ঠিক ঘরে এসে হাজির হবে ; এবার এমন করলে কেন ? তার ত বারটান দোষ নেই, তবে রাজা রাজড়ার সঙ্গে বেড়ায় তা হতেই বা কতক্ষণ, হতেই বা কতক্ষণ । ঠিক হয়েছে, যখন তে-রাত্তির বাড়ী ছাড়া তখন নিশ্চয়ই হয়েছে । তা আসুক আগে তারপর বুঝব ; সহজে ছাড়ব ? ভাল রকম দেখব তবে আমার নাম বিদ্যা । এ্যাঁ ! তিন কাল গিয়ে এক কালে ঠেকেছে বললে হয়, এখন কিনা বারটান, লোক শুন্লে বলবে কি ? আমার মরণ হলে বাঁচি । ওগো মা গো—তুই কোথায় গো—(ক্রন্দন)

(বিশ্ববুদ্ধির প্রবেশ)

বিশ্ব । (ক্রন্দনের সুরে) ওগো আমার বিদ্যের কি হলো গো ! ওগো তোরা সব আয় না গো—

বিদ্যা । ওগো বাবা গো—(ক্রন্দন)

বিশ্ব । (পাছা চাপড়াইতে চাপড়াইতে) কেন গো, কি হলো গো—

বিদ্যা । আঃ আমার মুখে আগুন, এই যে পুরুষ এসেছেন, বলি এমন করে কান্না হচ্ছে কেন ?

বিশ্ব । তুমি কেন কাঁদছিলে ?

বিজ্ঞা । তুমি আজ তিন দিন বাড়ী ছাড়া—কাঁদব না, হাজার বার কাঁদব ।

বিশ্ব । ঠিক ত ঠিক ত । দেখ বিজ্ঞেধরি ! বলতে কি আমার বড় ভয় হয়েছিল । তোমার কাশা শুনে ভেবেছিলুম, বুঝি তুমি বিধবা হয়েছ, আর বুঝি তুমি মাছ খেতে পাবে না, আলতা পরতে পাবে না ।

বিজ্ঞা । এখন গ্নাকরা ছাড়, বল দেখি আজ তিন দিন কোথায় ছিলে ?

বিশ্ব । যাঃ—আসল কথা বলতে. ভুলে গিয়েছি, দেখ বিজ্ঞে, আমি একটা বিজ্ঞে শিখে এসেছি । এস ! এ দিকে এগিয়ে এস দেখি ।

বিজ্ঞা । আর তোমার বিজ্ঞে দেখিয়ে কাজ নেই ।

বিশ্ব । কাপড়, কাপড়, ভাল ভাল কাপড় । দেখ বিজ্ঞে তোমরা যে কাপড়ের কল, মাইরি তা আমার একদম জানা ছিল না ।

বিজ্ঞা । কাপড়ের কল কি গো ?

বিশ্ব । আর গ্নাকামিতে কাজ নেই চাঁদ, এগিয়ে এস না ।

বিজ্ঞা । (অগ্রসর হইয়া) কি বল না ?

বিশ্ব । ভাল, ভাল শাড়ী, দশ হাতি, বিশ হাতি, পঞ্চাশ হাতি, ভাল ভাল কাপড়—হাঃ হাঃ হাঃ ! পেটের ভিতর ধোপার বস্তা গুদামজাত করে আমাকে ত্যাগ কর । এস যাদু, এস যাদু, এস, দাও—তোমার আঁচল দাও । এই আমি কাপড় দে কাপড় দে করে চেঁচাই, আর তুমি হাত জোড় করে উপর দিকে চেয়ে, বাবা নারায়ণ কাপড় দাও, কাপড় দাও করতে থাক ।

তার উপর চোক দিয়ে যদি দুফোটা গরম জল ফেলতে পার, তা হলে একেবারে বেনারসী ।

বিজ্ঞা । ও বাবা, সে কি গো !

বিশ্ব । এই নয় বাছা বিশ্বাস কর না । দেখই না, নাও বল নারায়ণ কাপড় দাও । (বস্ত্রাকর্ষণ)

বিজ্ঞা । নারায়ণ কাপড় দাও ।

বিশ্ব । দেখ যদি ভাল ভাল কাপড় বেরোয়, আমি সব বেচে ফেলব ।

বিজ্ঞা । তা আমাকে ছুজোড়া দিতে হবে ।

বিশ্ব । ছুজোড়া বইত নয়, তা দেব । বাকি সব বেচে ফেলব ।

বিজ্ঞা । আর পিসিকে ছুখানা ।

বিশ্ব । আচ্ছা আর ?

বিজ্ঞা । আর সই মায়ের বকুল ফুলকে একখানা না দিলে ত ভাল দেখায় না ।

বিশ্ব । তাত বটেই, আপনা-আপনির মধ্যেই ত ।

বিজ্ঞা । আর বোনপো বউয়ের ?

বিশ্ব । বলি দিয়ে খুয়ে যা থাকবে, তা বেচতে দেবে ত ?

বিজ্ঞা । বেচে সে টাকা কিন্তু তুমি পাবে না ।

বিশ্ব । রাম রাম, সে সব তোমার গো তোমার ! নাও এস, এখন চোখ বোজাও, হাত জোড় কর, বল—নারায়ণ কাপড় দাও—খুব জোরে ।

বিজ্ঞা । নারায়ণ কাপড় দাও—নারায়ণ কাপড় দাও ।

বিশ্ব । (বস্ত্রাকর্ষণ করতঃ) হেঁইয়া মারি কাপড় ছাড়, কাপড় ছাড়, চোঁচা, চোঁচা—

বিজ্ঞা । ও মা নেংটা হয়ে গেলুম যে ।

বিশ্ব । রাস্তা সাফ না হলে বেরবে কোথা থেকে ? চোঁচা, চোঁচা, বল—
নারায়ণ কাপড় দাও ।

বিজ্ঞা । তাই ত এত চোঁচালুম, কই কিছু ত বেরুল না, এই বুঝি তোমার
বিলে ?

বিশ্ব । (সবিস্ময়ে) তাই ত কি হলো বলো দেখি ? আমি যে
স্বচক্ষে দেখে এলুম ।

বিজ্ঞা । কি দেখে এলে ?

বিশ্ব । এই আমাদের পাণ্ডবদের পাঁচ ভাতারী রাণী আছেন । পাশা
খেলে, দুর্ঘোষন তাকে জিতে, রাজ সভায় ধরে নিয়ে এল ।
তারপর বিদ্যো বলব কি ! দুঃশাসন, ঠিক আমি যেমন করছিলুম
না, ঐ রকম করে তার কাপড় ধরে যত টানে তত বেরোয়,
কাপড়ে কাপড়ে রাস্তা ঘাট বোঝাই হয়ে গেল ।

বিজ্ঞা । সত্যি ?

বিশ্ব । তোমার দিবি্য করে বলছি, সব সত্যি ।

বিজ্ঞা । আহা-হা, সে যে পাঁচ ভাতারের মাগ গো ।

বিশ্ব । তাই ত আপশোষ করছি, বলি বিদ্যের আমার যদি পাঁচটা
স্বামী থাকত, তাহলে কাপড়ের কষ্টটা বোধ হয় যেত ।

বিজ্ঞা । তারপর কি হলো ?

বিশ্ব । তারপর পাণ্ডবেরা আবার পাশা খেলে ছল করে সব
হেরে গেল । হেরে, কাল সেই রাণীটাকে নিয়ে বনে
চলে গেল ।

বিজ্ঞা । বনে গেল কেন ?

- বিশ্ব । কাপড় বেচবে আর খাবে । তুমিও যেমন, অত রাজ্যি টাজ্যি কে করে ।
- বিজ্ঞা । তোমার হাতে পোড়ে আমার কোন সুখই হল না ।
- বিশ্ব । (ক্রন্দনের সুরে) তাত হয়নি, তা যাই দেখি আর চারজন যোগাড় করে নিয়ে আসি ।
- বিজ্ঞা । দেখ তামাসা রাখ, সে কি আর এখন হয় ?
- বিশ্ব । হয় না, তবে আর কি হবে ?
- বিজ্ঞা । তা তুমি জোড়াকতক চেয়ে আনতে পারলে না ।
- বিশ্ব । যা—সব শিখে এলুম ; ওইটুকু ভুল হয়ে গেছে । যদি এই বেলা,—এখনও বোধ হয় বনে ঢুকতে পারেনি (গমনোচ্ছত) আমি চলুম তবে ।
- বিজ্ঞা । চলে ? তা দেখ—
- বিশ্ব । আবার পেছু ডাকলে কেন ?
- বিজ্ঞা । এই বলছিলুম কি মোটা কাপড় পরতে পারিনি একটু মিহি দেখে বিয়ুতে বল ।
- বিশ্ব । তাই বলব, তাই বলব—(অগ্রসর)
- বিজ্ঞা । আর শুন্ছ—
- বিশ্ব । আবার পেছু ডাকে ।
- বিজ্ঞা । আর বলছিলুম কি, এত কাপড় বিয়ুতে পারে, বলি গয়না বিয়ুতে পারে না, একবার জিজ্ঞাসা করে দেখ না ?
- বিশ্ব । আর মাইরি বিজ্ঞে, তোমার কি বুদ্ধি ! যেন সাক্ষাৎ মা সরস্বতী । অত রাজারাজড়া, কারুর কি ছাই একথা মনে হল না । তা দেখি যদি দম দিয়ে বার কর্তে

পারি। এসে তোমার চারটে বিয়ে দেবই দেব। যাই
তবে।

বিজ্ঞা। ওগো!

বিশ্ব। আবার কেন, কাপড় হল, গয়না হল, আবার ওগো!

বিজ্ঞা। এই দেখ—এক ছড়া চিক ভাল দেখে নিও। ও পাড়ার ময়রা
বউ কত ঠাট্টা করছিল।

বিশ্ব। তা দেবো, আমি চলুম। আর পেছু ডেক না। (অগ্রসর)

বিজ্ঞা। আর মুক্তুর মালা এক ছড়া—

বিশ্ব। আচ্ছা—আচ্ছা।

বিজ্ঞা। মাথার গোটাকতক হীরের ফুল—

বিশ্ব। আচ্ছা।

বিজ্ঞা। বানা জোড়াটা ভাল নিও—

বিশ্ব। আচ্ছা।

বিজ্ঞা। অনন্ত, তাবিজ, যশম—

বিশ্ব। আচ্ছা—আচ্ছা—আচ্ছা। (প্রস্থান)

বিজ্ঞা। ঐ যা মাপ দেওয়া হ'ল-না সব টিলে হয়ে যাবে। (ক্রন্দনস্বরে)

ওগো বাবা গো! ওগো দাঁড়াও গো! আমার হাতের মাপ
নিয়ে যাও গো। (প্রস্থান)

পঞ্চম দৃশ্য ।

বারকা ।

শ্রীকৃষ্ণ ও বলরাম ।

শ্রীকৃষ্ণ ।

কর্তব্য কঠোর ।

ক্ষুদ্র জীব ভবে, যবে ক্রীড়া করি

প্রকৃতির অঞ্চল ধরিয়া

প্রতি কৰ্ম তরঙ্গিত করে,

প্রতি কৰ্ম লয়ে যায় দূরে ভাসাইয়া

পূর্ণ হতে ক্ষুদ্রত্বের অসীম গহ্বরে ।

পূর্ণ আমি ছুটি পাছু পাছু তার,

ফিরিয়ে আনিতে তারে

পূর্ণত্বের আবাসেতে পুনঃ ।

ক্ষুদ্র সুখদুঃখময় ভোগপুঞ্জ দিয়া

ভুলাইয়া লয়ে যাই জীবে অমৃত সন্ধানে ।

সত্যামৃত আনন্দ অপার,

পূর্ণানন্দ সত্ত্বা মোর,

রহে স্নেহ বন্ধুঃ পাতি, তুলে নিতে জীবে

চিরতরে আপনার অদ্বীভূত করি ।

সুখে দুঃখে, বিপদে সম্পদে,

কঁাদে জীব, হাসে কত উল্লাসে বিষাদে,

হেরে আপনায় মহান বা ক্ষুদ্র কভু ।

দেখে না ফিরিয়া,

আমি কত হাসি কত কাঁদি
 তাহাদের হাসি কাঁদা লয়ে ।
 আমি অন্তর জীবের,
 জীব অন্তর আমার ;
 মুহুর্তের তরে আশাশুভ্য নহে জীব ।
 যবে জ্ঞান-আশি লভে জীব,
 ঈশং অমৃতসত্ত্বা উদ্বোধিত হয় যবে হৃদে,
 চাহে জীব দিতে মোরে ভালবাসা ।
 ওহো ! তখনও বোঝে না তাহারা,
 কত ভালবাসি আমি তারে ।
 পূর্ণ আমি দাস সম ফিরি পাছু পাছু তার,
 স্নেহাদরে রাখি ডুবাইয়া,
 বুকে করে লয়ে যাই, যাহা তার নিত্য আকাঙ্ক্ষিত ।
 বুলি, ভাল মতে বুলি
 কত তুমি ভালবাস জীব ।
 প্রতিদিন প্রতি জীব হৃদে
 দেখি তব ক্রুর ভালবাসা ।
 আজও দেখি নু কৃষ্ণ,
 আদরের প্রিয়তম ভক্ত তব,
 হইয়া অরণ্যবাসী কাঙ্গালের মত,
 কত ভালবাসা তব করিতেছে ভোগ ।
 শুনেছি নু, ভারত উদ্ধার আশে,
 সাধুতার করিতে রক্ষণ,

বলরাম ।

দুষ্কৃতির করিতে বিনাশ,
 আসিয়াছ অবনীতে,
 স্বাপনের শেষে ধর্মরাজ্য করিতে স্থাপন,
 উপলক্ষ করি পঞ্চ পাণ্ডুর নন্দন ।
 ওহো, দেখিলাম ভাল !
 করি রাজ্যহীন,
 রাজপুত্রে সাজায়ে ভিখারী,
 পাঠাইলে অরণ্যে তাদের ।
 ভাল তব ধর্মরাজ্য হ'ল প্রতিষ্ঠিত !
 সখ্যতার সুদৃঢ় শৃঙ্খলে
 বাধিয়া তোমারে যেই কুলের কামিনী,
 নিত্য করে প্রেমারতি,
 পঞ্চপতি প্রাণপণে করি সেবা,
 লভিয়াছে সতীত্বের গৌরব নিশান,
 সেই পাণ্ডব নারীরে,
 করি বিবসনা রাজ সভা মাঝে,
 সুন্দর ধর্মের রাজ্য করেছ স্থাপন ।
 পুনঃ শুনি অরণ্যের মাঝে
 গিয়াছেন মহান তপস্বী
 মহাক্রোধী দুর্কাসা,
 ষষ্টি-সহস্র সিন্ধ্য ল'য়ে
 ষাদশীর দিনে দ্রৌপদীর আহারাঙ্কে
 আতিথ্যের আশে ।

ওহো ! বনমাঝে আতিথ্য সংকারে
 তুষিতে নারিবে পাণ্ডুকুল ।
 মহান সে ঋষিবর,
 জলিয়া উঠিবে ব্রহ্মক্রোধে গহন অরণ্য সহ ।
 ধর্মরাজ, আত্মীয় স্বজনসহ
 হবে ভয়ীভূত ব্রহ্মশাপানলে ।
 সুন্দর—সুন্দর ধর্মের রাজ্য হইবে স্থাপন !
 আরে আরে কর !
 হৃদয় কি এতই কঠোর তোর ?
 ব্রহ্মশাপে দক্ষীভূত হ'য়ে যবে কাঁদিবে তাহারা
 কোথায়, কোথায় ভগ্ননাথ বলি,
 পাষণ হৃদয় তব হবে নাকি দ্রবীভূত ?
 নিশ্চল পাষণ সম কেমনে রহিবে স্থির ।
 তাই আমি ভাবি মনে মনে
 ধিক্—ধিক্—তোর কর্মে, ধিক্—ধর্ম্মে তোর
 ধিক্—তোর ধর্ম্ম প্রতিষ্ঠায় ।

শ্রীকৃষ্ণ

হে অগ্রজ !
 যে ধর্ম্ম প্রতিষ্ঠার তরে,
 আসিয়াছি অবনীতে
 তোমাকে অগ্রজ করি,
 ধর্ম্মোপরি অধর্ম্মের কর অত্যাচার,
 শুধু সেই মহাধর্ম্ম প্রতিষ্ঠার
 কর পূর্ব আয়োজন ।

জানি, কত সহে পাণ্ডু পুত্রগণ,
 আরও কত হবে সহিবারে,
 কিন্তু তুমি হয়োনা চঞ্চল
 যতদিন নাহি হয় সফল উদ্দেশ্য মম ।
 শিহরিছে কায় তব মুখে শুনি,
 দুর্বাসা করিছে যাত্রা পাণ্ডব আনয়ে ।
 দ্রৌপদীর আহাৰাস্তে
 মুষ্টিমাত্র অন্নপ্রার্থী
 নাহি পায় অন্ন পাণ্ডব আশ্রমে ;
 কেমনে তুমিবে ধর্মরাজ
 দুর্বাসায় অসংখ্য শিষ্যসহ ।
 বুঝিয়াছি ।
 দুর্ব্যোধন করিয়া ছলনা
 পাণ্ডবে নাশিতে ব্রহ্মশাপে,
 করিয়াছে কুটিল মন্ত্রণা ।
 নাহি ক্ষতি তাহে ।
 দেখিবে জগৎ,
 যে লভে শরণ জগন্নাথে,
 বিপদে সম্পদে আমাতে যে করিয়া নির্ভর,
 করে কর্ম নিরন্তর,
 নাশি আমি যে প্রকারে পারি,
 তাহার অন্তর ব্যথা ।
 আমাকে যে সতী ভর্তা বলে জানে,

নিত্য সখা বলে আমারে যে ভাবে,
ডুবে থাকে নিত্য যে আমার প্রেমে,
নিত্য যেবা লয় মম নাম,
কিবা শক্তি আছে ভূমণ্ডলে
বিপদে ফেলিতে তারে ।
আমি রাখি তারে,
আমি তারে স্নেহাদরে নিত্য করি পূজা ।
যাই—যাই আমি রক্ষিতে পাওবে । (প্রস্থান)
বলরাম । রক্ষা-নাশ তুল্য ক্রীড়া তোমার
ছলে ভরা—ছলে ভরা তুই । (প্রস্থান)

দ্বিতীয় অঙ্ক ।



প্রথম দৃশ্য ।

অরণ্য ।

দ্রৌপদী ।

দ্রৌপদী ।

সুখ-দুঃখ মনের বিকার শুধু,
প্রেম হীন হৃদয়ের খণ্ড মেঘরাজি ।
জগন্নাথে যে সঁপেছে প্রাণ,
জগন্নাথে প্রাণনাথ বলে যে করেছে সম্ভাষণ,
তার অঙ্গে কৰ্মবায়ু
বহিয়া আনে না সুখ-দুঃখ ধূলিকণা ।
ছিহু রাজরাজেশ্বরী অতুল সম্পদময়,
এবে অরণ্যচারিণী পঞ্চ ব্রহ্মচারী স্বামী লয়ে
কোথায় বিষাদ ?
চিত্ত স্থির, শাস্ত, নিত্য পুলকিত ।
শ্রামকাস্ত শ্রামধন !
তুমি হে জীবন,
তুমি হে জীবের গতি ।
সতী ভর্তা !

বক্ষে ধরি তোমার চরণ ছায়া,
শান্তি স্থখে অহর্নিশ ভাসি ।
দিও জগন্নাথ
রেখ হৃদয়ের বল,
জীবন সম্বল ! তোমাতে ভুলি না যেন ।

(যুধিষ্ঠির, ভীম ও অর্জুনের প্রবেশ)

(উঠিয়া প্রণামান্তে) কেন সহসা অসময়ে বিরস বদনে
আসি দাঁড়াইলে দাসী পাশে ?

কেন ধর্মরাজ, কেন বৃকোদর,

কেন হে ফাস্তুনী,

পুনঃ কোনও বিপদের কথা শুনি

হইয়াছ বিমলিন ?

ভাবিও না, স্পষ্ট করি বল ।

কিবা ভয় তোমাদের নাথ,

জগতের নাথ নিত্য সখা যাহাদের ?

অর্জুন ।

পুনঃ পড়ি বিষম শব্দে,

আসিয়াছি তোমা পাশে

ক্রপদ নন্দিনী ।

নাহিক নিস্তার এবে,

ত্রম্বশাপানলে এখনি হইবে দম্ব পাণ্ডবের কুল ।

রে পাঞ্চালী !

আর না সহিতে পারি হৃদয় সংগ্রাম ।

দ্রৌপদী ।

ব্রহ্মশাপ ?

কেবা সে ব্রাহ্মণ,

কিবা অত্যাচারে করিয়াছ উৎপীড়িত ?

কিবা অপরাধ করেছেন ধর্মরাজ ব্রাহ্মণের পদে,

ব্রাহ্মণের নিত্য দাস যিনি ?

অর্জুন ।

নহে অপরাধ ।

মহর্ষি দুর্কাসা অগণিত শিষ্যবৃন্দ সহ,

আসিছেন পারণ ইচ্ছায় ।

আতিথ্য সংকারে তুষিতে হইবে এখনি ;

রে দ্রৌপদী, আহা রাস্তে তোর

নাহি শক্তি দিতে খাণ্ড কণামাত্র জীবে :

কেমনে তুষিব, কোথায় পাইব

আহার্য্য সম্ভার, অসংখ্য বিশ্রের তরে ?

মহাক্রোধী ঋষি হইলে বিমুখ,

ব্রহ্মকোপ উঠিবে জলিয়া ।

সে অনলে ভস্ম হব—

ভস্ম হব আমরা সকলে ।

যুধিষ্ঠির ।

দ্রৌপদী !

ধর্মরাজ নামে মোরে করে সম্ভাষণ,

কিন্তু আমি অধর্ম আগার ।

নতুবা গো কেন বার বার

সহি এত বিধি নির্ধ্যাতন ।

দেহ যুক্তি

ভীম ।

কি হবে দ্রৌপদী এ বিপদে ।
 শুন ধর্মরাজ, শুন মো দ্রৌপদী ।
 দোষী জনে দিয়াছ প্রশ্রয়,
 বার বার পাপ দুর্ব্যোধনে করিয়াছ কমা,
 বার বার নীরবে সহিয়াছ অত্যাচার তার ।
 পাইয়া প্রশ্রয় তাই,
 আজি পুনঃ পাতিয়াছে ছল
 করিতে নিশ্চূন পাণ্ডুকুল ।
 শুন, আর সহিব না ;
 যাই দুর্বাসার পাশে,
 পদে ধরি তার লই আমি প্রাণ ভিক্ষা ।
 তারপর ফিরি হস্তিনায়
 করি কুরুকুল বিচূর্ণিত ।
 যদি দেয় শাপ সে ব্রাহ্মণ,
 দিক্ শাপ তোমাদের চারিভায়ে ।
 ধর্মতরে সহিতেছ বার বার,
 ধর্মতরে দণ্ড হও ব্রহ্মশাপানলে ।
 হয়োনা অধীর পাণ্ডুকুল বীর ।
 কেন ভুলে যাও—কৃষ্ণ তোমাদের সখা ;
 কেন ডর, কেন হইয়ে চঞ্চল
 ঢালি অশ্রুজল
 দুর্বলতা করগো আশ্রয় ।
 দুর্বলের বল

দ্রৌপদী ।

নারায়ণ সখা যার,
 তাহার কি সাজে এ দুর্বলতা ?
 এস পঞ্চভ্রাতা মিলি মোর সাথে,
 হয়ে যুক্তকর
 প্রাণভরে ডাকি গীতাম্বরে ;
 অম্বর ভেদিয়া আসিবেন জগন্নাথ ।
 যদি বা না আসে,
 যদি হৃদে তাঁর করুণা না ভাসে,
 স্মরিতে স্মরিতে তাঁরে
 ছাড়ি এ নশ্বর দেহ,
 যাব চলি নিত্যধামে তাঁর—
 যেথা নাহি অত্যাচার,
 যেথা নাহি ক্রুর মানবের হৃদি
 উৎপীড়নে পীড়িতে ধার্মিকে ।
 ছার তন্নু যায় যদি ব্রহ্মশাপানলে,
 ছার তন্নু
 মানবের অত্যাচারে হয় যদি দক্ষীভূত,
 তা বলে কি ভুলিয়া রহিব তাঁরে ?
 যদি নাহি আসে,
 যদি নাহি রাখেন বিপদে,
 তা বলে কি দোষ দিব শিরে তাঁর—
 যিনি হৃদয়ের আরাধ্য দেবতা
 নিত্য আদরের ধন,

লভিয়াছি জীব দেহ যাহার আদরে ?
 যুধিষ্ঠির । অস্থির অন্তর বিপদে চঞ্চল,
 অস্থির মানসে কেমনে ডাকিব তাঁয় ?
 দ্রৌপদী । কবে স্থির মানব হৃদয় ?
 সারা এ জীবন ব্যাপী সংগ্রামের মাঝে
 বল দেখি নাথ,
 কয় মুহূর্তের তরে
 হয়ে স্থির ডেকেছ তাঁহারে ?
 তবু ত এসেছেন—
 তবু ত হৃদয়ে লয়ে করুণার ভার,
 হান্সমুখে আসি
 সখা বলি করেছেন সম্ভাষণ ।
 কাতর হইয়া কাতরতা ক'রনা বর্জন ;
 নাহি অবসর হও যুক্তকর
 ডাক ডাক জগন্নাথে ।
 (পাণ্ডবগণের কৃতাজলি হইয়া উপবেশন)
 প্রাণ নাথ জীবিত বল্লভ !
 পঞ্চস্বামী দিয়া তুষিয়াছ মোরে,
 তবু হে তোমার তরে রাখিয়াছি
 নাথের আসন হৃদয়ে পাতিয়া ।
 তুমি প্রাণ মম, আমি প্রাণ তব
 এই প্রেমে নিত্য বাধা আমি তোমা সনে ।
 এস এস, নহে পূজা নিতে,

নহে আদরের নিতে প্রতিদান,
 স্বার্থপর মানবের মত
 শুধু বিপদে পড়িয়া করিতেছি সম্ভাষণ ।
 জানি ইহা নহে তব যোগ্য—
 তবু এস—তবু এস—জীবন সর্বস্ব তুমি
 বিপদে সম্পদে সমান সোহাগে
 তুষিব তোমারে নাথ ।
 এস স্বামী—এস হে জগৎ স্বামী—
 এস পাঞ্চালীর স্বামী—
 এস স্বামী পঞ্চপাণ্ডবের ।

(শ্রীকৃষ্ণের প্রবেশ)

শ্রীকৃষ্ণ ।

বড় অসময়ে আসিলাম সখি,
 সারাদিন অনাহার-ক্লিষ্ট তনু মোর,
 দাও কিছু আহাৰ্য্য আমায় প্রিয় সখি ।

দ্রৌপদী ।

(চরণ ধরিয়া) আরে আরে ব্রহ্মাণ্ড-উদর
 ছলাময়, ছলা ছাড়ি থাকিতে না পার !
 অগণিত ক্ষুধিত ব্রাহ্মণ
 দ্বারে যাচিছে আহাৰ,
 ব্রহ্মশাপ ভয়ে হইয়া কাতর,
 ডাকিলু তোমারে
 দিতে অন্ন ক্ষুধিত ব্রাহ্মণে,
 রাখিতে পাণ্ডব মান,

আপনি ক্ষুধিত বলি, আসি দাঁড়াইলে
কোন্ লাজে সম্মুখে আমার ?
ধন্য ধন্য ছলাময় ।

শ্রীকৃষ্ণ ।

ছলা নয় সখি,
যথার্থই ক্ষুধিত আমি ।
দাও কিছু কণামাত্র
যদি কিছু থাকে দাও—
আদরের নিত্য কাঙ্ক্ষাল
তোমার এ নিত্য সখা—
আদরে ধরিয়া কণামাত্র বা কিছু পাও
দাও গো আমায়,
ভাবিব কৃতার্থ আপনারে ।

দ্রোপদী

নিঠুর কপটী,
বিপদ সময় রহস্য কি লাগে ভাল ?
কিছু নাহি, কণামাত্র অন্ন নাহি গৃহে ;
কি দিব তোমারে ?
বার বার দিও না গো লজ্জা আর ;
হও সদয়—যাও পাণ্ডবের প্রাণ,
বাঁচাও বাঁচাও ব্রহ্মশাপে ।

শ্রীকৃষ্ণ ।

জনিছে আমার প্রাণ ক্ষুধার তাড়নে
আমি কি করিব ?
একে শূন্য হস্তে আসিতেছি,
শুধু কুশল বারতা জিজ্ঞাসায়,

দ্রৌপদী ।

শুধু বহুদিন দেখি নাই তাই ।
 শুধু লইতে সংবাদ
 প্রিয় ধর্মরাজ কেমন আছেন বন মাঝে ।
 আমি কোথা পাব অন্ন তুষ্টিতে ব্রাহ্মণ কুলে ?
 ব্রহ্মাণ্ডের অন্নদাতা
 কপটী হে মন চোর !
 ছাড়িবে না কপটতা ?
 জান, আহারাশ্তে এ দাসীর
 কণামাত্র অন্ন নাহি রয় পাণ্ডবের গৃহে ।
 কি দিব তোমারে—
 ছি ছি ব্রহ্মশাপ তুচ্ছ গনি,
 হোক ব্রাহ্মণ বিমুখ,
 অলুক ব্রহ্মানলে পঞ্চস্বামী মোর,
 নাহি ক্ষতি তাহে—
 কিন্তু জীবন বল্লভ !
 তুমি আসি পাশে সাদর সম্ভাষে
 ক্ষুধিতের ভান লয়ে যাচিলে আহার,
 ভাগ্যহীনা আমি নারিলাম দিতে কিছু ;
 এ বেদন ঘুচিবে না জন্ম জন্মান্তরে ।

শ্রীকৃষ্ণ ।

তা হবে না সুন্দরী,
 দিতে হবে যাহা কিছু আছে ।
 দাও একান্ত ক্ষুধিত আমি,
 দেখ স্থালী তব, যদি কিছু থাকে—

কণামাত্র তাহাই যথেষ্ট,
 শুধু আদর করিয়া দাও,
 শুধু কণামাত্র যাহা পাও
 লয়ে ঐ কোমল করে
 লও সখা তৃপ্ত হও বলি
 করনো আতিথ্য সংকার এ সখারে তব ।
 একান্ত বাঞ্ছিত তোমার আদর মম ।

দ্রোপদী ।

ঐ রহিয়াছে স্থানী শূন্যগর্ভ
 দেখ তুমি যদি নাহি করগো বিশ্বাস,
 কিছু নাই—কিছু নাই গৃহেরে কপট
 কি দিব তোমারে ?

(উভয়ের স্থানী দর্শন)

শ্রীকৃষ্ণ ।

ঐ রহিয়াছে স্থানী অঙ্গে বিজড়িত শাককণা,
 উহাই প্রচুর ;
 দাও সখি দাও আদরে তুলিয়া ।

দ্রোপদী ।

(শাককণা উঠাইয়া লইয়া)
 সরমে পড়িছে লুটে শির
 রে ছল কিবা তৃপ্তি করিবিরে লাভ
 কণামাত্র শাক লয়ে !
 কোটা বিশ্ব চরণে ভাসিছে যার,
 অনন্ত ব্রহ্মাণ্ডপূর্ণ অসংখ্য জীব,
 পশুপক্ষী, নরনারী, গন্ধর্ব্ব, দেবতা,

অন্নভোগে নিত্য তৃপ্ত য়ার করুণায়,
 ব্রহ্মাণ্ডের অন্নদাতা যিনি,
 জীবে জীবে থাকি প্রতিষ্ঠিত
 নিত্য অন্নভোগময়,
 এ ব্রহ্মাণ্ডের একমাত্র ভোক্তা যিনি,
 আজ তাঁর করে
 কোন প্রাণে দিব শাককণা তুলি ।

শ্রীকৃষ্ণ ।

লও প্রাণনাথ বলি ।
 দ্রব্য পরিমাণে প্রেম নাহি হয় পরিমিত ।
 পত্র, পুষ্প, ফল, জল,
 যত বল, যাহা কিছু মানস কল্পিত
 তাহাই প্রচুর—

হৃদয়ের পূত ভক্তি বারি
 যদি রহে চর্চিত তাহাতে ।
 নিত্য আমা অভিলাষী তুমি,
 নিত্য কর সেবা,
 নিত্য বাঁধা আমি প্রেমে তব,
 দাও শাককণা
 হও তৃপ্ত পাণ্ডব রমণী ।

দ্রৌপদী ।

হয়ে নতজানু,
 কুতাঞ্জলি করে লয়ে শাককণা,
 রে দ্রৌপদী জীবন পুতলী !
 বসিহু চরণ তলে তোর—

ইচ্ছা যদি হয়
 লহ তুলি, হও তৃপ্ত তৃপ্তিময় ।
 দ্রোপদীর লজ্জা নিবারণ
 জলদ বরণ,
 পারিব না দিতে তব শ্রীকর কমলে । (উপবেশন)
 শ্রীকৃষ্ণ । (দ্রোপদীর হস্ত হইতে শাককণা ভক্ষণ করিয়া)
 তৃপ্ত আমি, বড় তৃপ্ত হই ।
 তৃপ্ত হোক যতেক ক্ষুধিত জীব
 আছে এই অরণ্য মাঝারে ।
 তৃপ্ত হোক বিশ্বপ্রাণ ।
 আসি সখি বিদায় এখন । (প্রস্থান)
 দ্রোপদী । (সচকিতে) কোথা গেল !
 আসি বলি মোহন মধুর স্বরে
 সোহাগের আকুল তুফানে করি উন্মাদিনী,
 লয়ে শাককণামাত্র
 তৃপ্ত হই বলি কোথা হ'ল অন্তর্দ্বান ।
 আরে রে নিষ্ঠুর ছলাময়,
 দয়া নিষ্ঠুরতা বিমিশ্রিত হৃদয় তোমার ।
 অর্জুন । অহো পড়িছু ঘুমায়ে ;
 নাহি হল ধ্যান
 নারিছু ডাকিতে নারায়ণে ।
 যুধিষ্ঠির । অহো নিদ্রার আবেশে
 নারিলাম ডাকিতে নারায়ণে ।

ভীম ।

কি হবে উপায় দ্রৌপদী ?
 যুম ঘোরে ধর্মরাজ, হেরিলাম যেন
 এসেছিল দ্রৌপদীর সখা,
 তৃপ্ত হনু বলি
 যেন গেল চলিয়া সহসা ।
 দ্রৌপদী, কোথা গেল জনার্দন ?
 কি হবে উপায় !
 ঐ দূরে করে কোলাহল
 ব্রাহ্মণের দল,
 আসিতেছে বুঝি নিত্যকৃত্য করি সমাপন ।
 এখনি চাহিবে অন্ন ।
 কি হবে কি হবে
 রে পাঞ্চালী কি হবে উপায় ?
 (নেপথ্যে ধর্মরাজের জয় হটক)

যুধিষ্ঠির ।

ঐ উঠিতেছে ভীম কোলাহল
 বিপ্রদল বুঝি আসিতেছে অন্ন আশে ।
 ধ্যানমগ্না রয়েছে পাঞ্চালী—
 ব্রহ্মশাপে নাহিক নিস্তার আজ ।

অর্জুন ।

হয়ো না অধীর নরনাথ ।
 বার বার যিনি রাখিতে পাণ্ডব যান
 নিত্য অভিলাষী,
 আজি সখা হয়ে
 এ বিপদে রহিবে নিশ্চিত ?

গাহে জয় বিপ্রকুল,
 দেখে আসি অন্তরাল হতে
 কি করিছে মহর্ষি দুর্ভাসা ।
 দ্রৌপদী । (উঠিয়া) হে ফাস্তনি !
 এসেছিল সখা তব ।
 লয়ে শাককণা স্থালী হতে
 দিয়াছি তাহার করে ।
 তৃপ্ত হই বলি
 আহারাশ্তে হইয়াছে অন্তর্দান ।
 জানি না কোথায় গেল,
 বুঝি সাধিছেন কোন লীলা দুর্ভাসারে লয়ে
 যাও যাও করে ধরে আন ফিরাইয়া,
 কর সেবা বারেকের তরে প্রাণ ভরি ।
 যদি যায় প্রাণ ব্রহ্মশাপে,
 ব্রহ্মানলে যদি দগ্ধ হয় পাণ্ডবের কুল,
 আর নাহি পাবে অবসর
 পূজিবারে রাজীব চরণ তাঁর ।
 আন আন ফিরাইয়া জীবন বল্লভে—
 যা হয় হউক ব্রহ্মশাপে ।
 ভীম । *
 ধন্য ভক্তি তোমার লো দ্রৌপদী,
 ধন্য জন্ম তোমার
 ধন্য তোমার আত্ম সমর্পণ ।
 চিনিতে নারিছু তোরে

শুধু বুঝিয়াছি
 নামে তার বিপদের ভয় যায় দূরে,
 প্রভঞ্নে মেঘখণ্ড সম ।
 তাই শুধু কৃষ্ণ কৃষ্ণ বলি
 নাম লয়ে তাঁর, বিপদ মাঝারে
 নির্ভীক হৃদয়ে দিই ঝাঁপ ।
 ব্রহ্মশাপ তুচ্ছ গনি
 নাম লয়ে তাঁর ;
 কিবা ভয় আরেরে ফাস্তুনী,
 আয় পঞ্চ ভ্রাতা মিলি
 দ্রৌপদীরে সঙ্গে লয়ে
 প্রাণ ভরে ডাকি তাঁরে ।
 ডাক হরে মুরারে মধুকৈটভারে
 গোপাল গোবিন্দ মুকুন্দ শৌরে ।
 যজ্ঞেশ নারায়ণ কৃষ্ণ বিষ্ণু
 নিরাশ্রয়ং মাং জগদীশ রক্ষ ।
 (চতুর্দিকে হরে মুরারে ইত্যাদি শব্দ)
 ঐ শুন, নামে তাঁর ভরিছে ভুবন,
 জলস্থল গাইছে তাঁহার নাম
 প্রাণ মাতোয়ারা !
 ঐ শুন—
 পুঞ্জ পুঞ্জ পাখী পাদপের শাখে
 প্রেমানন্দে হইয়া বিভোর

গাহিতেছে প্রাণময় নাম !
 নামে কাঁপিছে মেদিনী—
 নামে স্পন্দিত গগন—
 নাম ভরে পূর্ণ বায়ু ।
 স্তম্ভুর স্বরে দূর দূরান্তরে
 ঐ শুন অঙ্গুর অঙ্গুরী যত
 গাহিছে তাঁহার নাম,
 ভেসে গেল ভেসে গেল বিশ্ব নাম শ্রোতে ।
 লহ নাম
 হরে মুরারে মধুকৈটভারে
 গোপাল গোবিন্দ মুকুন্দ শোরে ।
 (সকলের প্রস্থান)

দ্বিতীয় দৃশ্য ।

অরণ্য ।

দুর্কাসার শিষ্যদ্বয় ।

১ম শিঃ । (উদগার তুলিয়া) ওঃ পর্যাপ্ত আহার, কি বল ভাণ্ডার ?

২য় শিঃ । (উদগার তুলিয়া) পর্যাপ্ত—পর্যাপ্ত—অপর্যাপ্ত ।

১ম শিঃ । পর্যাপ্ত অপর্যাপ্ত দুই বলে যে ?

২য় শিঃ । পর্যাপ্ত বল্লম প্রচুর হয়েছে, আর অপর্যাপ্ত বল্লম, প্রচুরের
 চাইতেও বেশী হয়েছে বলে । বলি ঠাকুর কোথায় গেলেন ?

- ১ম শিঃ । বোধ হয় উখানশক্তি উপস্থিত ক্ষেত্রে হারিয়েছেন, কোথাও
বিশ্রাম নিচ্ছেন । আচ্ছা আহারটা কোথায় হ'ল বল দেখি ?
- ২য় শিঃ । সেইটাই ত ঠিক করতে পারছি না । নদীর ধারে
নিত্যক্রিয়া কচ্ছিলুম, তারপরই আহারের উদ্যোগ, তা সে
ঘাটেতেই হ'ল, কি ধর্মরাজের বাটীতেই হ'ল, সেটা ঠিক
স্মরণে আসছে না । আচ্ছা তুমি বল দেখি কি কি আহার
হ'ল ?
- ১ম শিঃ । আমি কি আর তোমার মত মূর্খ হে । নানাবিধ—
নানাবিধ ।
- ২য় শিঃ । তবু দু-একটার নাম কর না ।
- ১ম শিঃ । এই ধর না কেন প্রথম—তাইত কি মনে পড়ছে না—আচ্ছা
প্রথমটা ছেড়ে দাও । তারপর ধর দ্বিতীয়টা—দ্বিতীয় হে
তাইত কিছুই মনে আসছে না যে—অতি উপাদেয় অতি
উপাদেয় । কি খেলুম কিছুই বুঝতে পারছি না—দাও ত
ভাণ্ডার নামটা বলে ।
- ২য় শিঃ । ঐ টুকুই ত বড় মজা । খেয়েছি বটে অতি উপাদেয়—নানা
রসের নানা দ্রব্য, কিন্তু কি যে খেলুম, তাই ত—রাজভোগ কিনা
নামগুলো বোধ হয় জানা ছিল না । আচ্ছা ব্রহ্মচারী কেমন
করে খেলে বল ত ?
- ১ম শিঃ । অর্কচীন, ঐটা আর বলতে পাচ্ছ না ? এ জন্মে ত্বোদের
আর আত্মজ্ঞান হবে না দেখছি । দিব্য হাঁ করে—না না তাও
ত নয়—তাই ত হে, সব কেমন গোলমাল ঠেকছে যে ।
- ২য় শিঃ । ওহে ব্রহ্মচারী, আত্মজ্ঞানের অন্বেষণ করছ, আর এই সামান্য

ইন্দ্রিয়গোচর জ্ঞানগুলো, তাই সঠিক স্বরূপে রাখতে পাচ্ছ না।

(উদগার)

১ম শিঃ । তাই ত, খেলুম—দাঁড়াও দাঁড়াও একটু গ্যায়ের বিচার আছে।
খেলুম ভারি মিষ্টি, উদরও তৃপ্ত হল, পূর্ণ হল সে বিষয়ে কোন
সন্দেহ নাই বা প্রমাণের আবশ্যক নাই। (উদরে হস্ত দিয়া)
অভাব হচ্ছে তিনটে জিনিষের—কোথায় খেলুম, কি খেলুম,
কেমন করে খেলুম।

২য় শিঃ । আর একটা অভাব ধর—কিসে করে খেলুম।

১ম শিঃ । ঠিক বলেছ, সমস্তা এই চারটে হল। আর একটা আছে—কে
আহার্য্য দিল।

২য় শিঃ । তার রূপ, অবয়ব।

১ম শিঃ । তার স্ত্রীত্ব বা পুরুষত্ব। দেখ, উদরটা পরিতৃপ্ত হয়েছে আর
আহারটা উপাদেয় হয়েছে। এ ছাড়া সর্বগুলি সমস্তা দেখতে
পাচ্ছি।

২য় শিঃ । সমস্তা বই কি। রীতিমত বিচার বিশ্লেষণের দ্বারা সূত্রাদি
প্রয়োগে নির্ঘণ্ট করতে হবে। ঐ যে ঠাকুর এই দিকেই
আসছেন। (উদগার)

(দুর্কাসার প্রবেশ)

দুর্কাসা । কি হে, তোমাদের পরিতৃপ্ত আহার হয়েছে ত ?

১ম, ও ২য় শিঃ । আশ্চর্য্য হাঁ সে বিষয়ে কোন সন্দেহ নাই, শির নত করে
প্রণাম কত্তে পাচ্ছি না। অপরাধ নেবেন না, সে বিষয়ে কোন
সন্দেহ নাই। গুরুতর আহার হয়েছে গুরুদেব।

দুর্কাসা । তবে সন্দেহ কোথায় ?

১ম শিঃ । সন্দেহ অনেক গুলি—কি খেলুম, কোথায় খেলুম, কেমন করে খেলুম, কিসে করে খেলুম, কে দিলে—গুরুদেব আমাদের এত বিশ্বাসিত্ব হয়েছে বোধ হয় আর বাঁচবো না ।

দুর্কাসা । ঐ গুলো আমারও সন্দেহ হে । আমারও কিছু স্বরণে আসছে না । সব যেন কেমন একটা ইন্দ্রজালের মত বোধ হচ্ছে, কি বল ?

(ভীম, অর্জুন, যুধিষ্ঠির ও দ্রৌপদীর প্রবেশ)

দুর্কাসা । কল্যাণ হোক ধর্মরাজ । ষষ্টি সহস্র শিষ্য সঙ্গে লয়ে পারণের জন্ত তোমার আশ্রমে অতিথি হয়েছিলাম । তোমার কল্যাণে পর্যাপ্ত আহারে সকলেই বিশেষ পরিতৃপ্তি লাভ করেছি । এত অল্প সময়ের মধ্যে তুমি কি প্রকারে এত আয়োজন করলে বুঝতে পাচ্ছি না । আশীর্বাদ করি তোমাদের মঙ্গল হোক ।

(ভীম, অর্জুন প্রভৃতির সর্বস্বয়ং পরস্পর মুখ নিরীক্ষণ)

কেন ধর্মরাজ অমন বিশ্বাসিতভাবে দাঁড়িয়ে রইলে যে ?

যুধিষ্ঠির । (সর্বস্বয়ং) ঋষিবর, নাহি জানি

কেমনে হে শিষ্যসহ তুমি

হলে পরিতৃপ্ত ।

করি নাই কোন আয়োজন ।

জান ভাল তুমি,

দ্রৌপদীর আহারাস্তে,

অন্ন দিতে নাহি শক্তি পাণ্ডবের ।

তাই ভাবি—

কেমনে গো তৃপ্ত হলে আজি ।

কে আনিম আহার্য সস্তার
 সেবা তরে বিপুল এ জন সঙ্ঘের ।

দুর্ভাসা । কিছু কর নাই আয়োজন ?
 যুধিষ্ঠির । কিছু করি নাই—
 কিছু করি নাই ঋষিবর ;
 ব্রহ্মণ্যপ ভয়ে ভীত হয়ে
 হয়েছিল দ্রৌপদীর শরণাগত,
 এই মাত্র জানি ।

ভীম । মিথ্যা কথা—
 করেছিল যাহা প্রয়োজন ।
 বিপদে পড়িয়া যা করিলে
 পায় জীব পরিত্রাণ,
 করেছিল তাই ।
 ডেকেছিল নারায়ণে,
 অগতির গতি যিনি অনাথ শরণ,
 লয়েছিল নাম তাঁর ।
 কেঁদেছিল নামের আবেশে ;
 পশুপক্ষীসহ অরণ্যাণী
 নামে উঠেছিল মন্ত হয়ে ।
 প্রতিধ্বনি তার,
 ঐ শুন ঋষিবর (নেপথ্যে সুর লয়ে-হরে মুরারে ইত্যাদি
 যেতেছে মিলায়ে এখনও গগন প্রান্তে ।
 ঋষিবর লহ নাম,

জুন ।

দাও স্বর মিলাইয়া নামের লহর সহ ।

হে মহর্ষি, তপস্বী মহান !

সত্য কি হয়েছ তৃপ্ত ?

সত্য কি গো শিষ্যবৃন্দ সহ,

লভি অন্ন হয়েছ সন্তোষ ?

সত্য কি গো

ধর্মরাজ করি তৃপ্ত অতিথি মণ্ডলী,

পেয়েছেন পরিভ্রাণ ব্রহ্মশাপে ?

সত্য কিংবা প্রহেলিকা—

বল বল,

ধরি রাজীব চরণে তব,

লভেছ সন্তোষ তুমি পাণ্ডব আশ্রমে ।

বাসা ।

শুন পার্থ, শুন ধর্মরাজ ।

বহুদিন গত হ'ল,

পরিভ্রষ্ট করি মোরে সেবায়, দুর্ঘোষন

মেগেছিল বর ।

প্রয়োজন মত তার

দিব বর, করেছিছ অঙ্গীকার ।

করি কুটীল মন্ত্রণা,

শিষ্যবৃন্দ সহ আসিতে হইবে,

অতিথি সংকার আসে, তোমার আশ্রমে—

এই বর করিল প্রার্থনা ।

পণ বদ্ধ আমি, হইছ স্বীকৃত ।

তাই এসেছি।
 জানিত সে ভান,
 দ্রৌপদীর আহারাঙ্কে
 আসিলে আশ্রমে তব,
 নাহি পার দিতে অন্ন।
 সংকার বিমুখ হলে,
 উঠিত জলিয়া ক্রোধ মম,
 ভস্মীভূত হ'ত পাণ্ডুকুল,
 হ'ত নিষ্কণ্টক দুর্ঘোষন।
 কি বলিব এবে বুঝিয়াছি,
 সহায় যাহার শ্রীমধুসূদন,
 নাহি তার সঙ্কট কখনও।
 কুপায় তাঁহার
 লভিয়াছ পরিভ্রাণ ব্রহ্মশাপে।
 ধন্য লীলা ধন্য ছল তাঁর,
 করিলেন পরিতৃপ্ত, ইচ্ছা মাত্রে,
 বিপুল এ ক্ষুধিত ব্রাহ্মণদলে।
 ধন্য জন্ম তোমাদের,
 লহ ব্রাহ্মণের আশীর্ব্বাদ,
 পাবে রাজ্য ফিরিয়া অচিরে।
 দ্রৌপদী । হে ব্রাহ্মণ ঋষিরাজ !
 নাহি করি প্রার্থনা তোমায়
 ফিরিয়া পাইতে রাজ্য।

কৃপা করে শুধু বলে দাও,
 কোথায় গেলেন, কোন বেশ ধরি
 আসি তোমার সকাশে,
 করিলেন তৃপ্ত ।
 দেখেছিলে কি গো
 শ্রীকর কমলে তাঁর
 ছিল শাককণা—
 আদরেতে যাহা করেছিল নিবেদন
 দেখেছিলে কি গো
 হাম্বুময় প্রফুল্ল আনন,
 অথবা—
 বিষন্ন বদনে অশ্রুভরা মুখে
 এসেছিল তব পাশে ?
 ছিল কি নয়নে বারি তাঁর ?
 পরিতৃপ্ত হই বলি,
 কণামাত্র শাক তুলে লয়ে,
 আদরেতে ধরিলেন করে,
 বজ্রসম বাজিল হৃদয়ে ।
 সরমে হইল অচেতন ।
 বল বল—দেখেছ কি তাঁরে
 বিষাদ মণ্ডিত মুখে চলে যেতে ।
 ভাগ্যে ঘটে নাই—
 দেখি নাই—দেখা পাই নাই ।

হুঁসাসা

এসেছি কীটসম আহারের তরে,
 লভিয়াছি পর্যাপ্ত আহার এই মাত্র জানি ।
 ধন্য তুমি ক্রপদ নন্দিনী,
 ধন্য ভক্তি তব ।
 করিলাম বৃথা কালপাত
 কঠোর তপেতে,
 বৃথা জন্ম আমাদের ।
 লভি জন্ম বিপ্রকূলে,
 কত তপশ্চায় মগ্ন থাকি দিবানিশি,
 করিয়াছি লাভ তপোবল অতুল মহিমায়;
 সহিয়াছি ক্লেশ অসীম অনন্ত,
 প্রাণপাত পরিশ্রমে, অনাহারে, অনিদ্রায়
 অদম্য উত্তোগে,
 করিয়াছি সঙ্কান আত্মার—
 কিছু পাই নাই,
 যাহা পাইয়াছি অতীব সামান্য তাহা
 তুলনায় তোমার সহিত ।
 জানিয়াছি ভাল,
 তিনি নহেন দুর্লভ,
 দুর্লভ তাঁহার প্রেম,
 পূর্ণ যাহে হৃদয় কমল তব
 রহ মগ্ন এই প্রেমে,
 কর প্রেমময় পঞ্চ স্বামীরে তোমার

রহক গৌরবান্বিত বিশ্ব বন্ধঃ,
 মাধি অঙ্গে এ প্রেম কাহিনী ।
 প্রতি পরমাণু গাহক এ প্রেম গাথা ।
 হইলু কৃতার্থ পেয়ে প্রেমের আভাস ।
 আসি আমি,
 শুনাইব জীবে জীবে এ প্রেম কাহিনী তব ।
 হও মঙ্গলময় সবে ।

(শিষ্ণুগহ দুর্কাসা ও পাণ্ডবগণের প্রশ্নান)

(বিশ্ববুদ্ধির প্রবেশ)

বিশ্ববুদ্ধি । এ কি ভূতের খেলা ! আগে বুঝেছিলুম, আবাগীর বেটা খালি কাপড় বের করবার মন্ত্র জানে । ব্রাহ্মণীকে বললুম, হাজার হ'ক বুদ্ধিমতী স্ত্রীলোক কিনা ।—সে বললে যখন কাপড়ের মন্ত্র জানে, তখন ছ'দশ খানা অলঙ্কারও যে না বের করতে পারে, এমন নয় । সেই মন্ত্রটা শেখবার জন্তে তোমাদের পিছু পিছু ধাওয়া করেছি । তারপর, অনেক কষ্টে বনের ভিতর খুঁজে ত বার করলুম । এসে দেখি—লাখ লাখ লোক, যে যেখানে পেয়েছে বসে আছে । বসে আছে, আহ্নিক করবার জন্ত ; কিন্তু ইসারা ইন্ধিতে, আহারের ব্যবস্থাটা কিরূপ হবে সেই দিকেই মাথাটা খেলাচ্ছে দেখলুম । ভাবলুম, তবে বুঝি পাণ্ডবের বাটাতে মহা সমারোহে কোন যজ্ঞটুকু হচ্ছে, উদরটা উত্তমরূপে পরিভূগু হবে । আমিও তাদের দলে ভিড়ে, চোখ বুজে আহ্নিক

করতে বসে গেলুম। ভাবলুম, আহারের পর তোমার সঙ্গে দেখা করব। খানিক বসে থাকবার পর, ওমা কি মজ্জই জান মা! হঠাৎ বনটা যেন কেঁপে উঠল, কি একটা “হরে মুরারে” শব্দ উঠল। সত্যি বলতে কি প্রাণটা যেন গলে গেল। আর সঙ্গে সঙ্গে—কি বলব মা, চার ধার থেকে হেউ হেউ শব্দের রোল উঠে পড়ল। তারপর কত কি যে খেলুম, তার ত ফর্দ করা যায় না। কেমন করে কোথা থেকে খেলুম, কিছু বুঝতে পারা যায় না। শুধু এই টুকুই বুঝেছি মা, খালি কাপড়, কি খালি গয়না বার করতে শেখনি, খাবারও বিয়ুতে পার। তোর পায়ে ধরি মা আমাকে মজ্জ কটা শিখিয়ে দে।

দ্রৌপদী। কে তুমি ব্রাহ্মণ ?

বিশ্ব। আমি দুর্যোধনের রাজসভায় থাকতুম,—তোমাকে বাল্যকাল থেকেই জানি মা; আমি তোমার সম্ভান—বড় কষ্ট মা বড় কষ্ট; ঐ মস্তুর তিনটে শিখিয়ে দিলেই, আমার সব কষ্ট দূর হয়ে যাবে। অন্ন, বস্ত্র, অলঙ্কার, মস্তুর চোটে যদি এই তিনটে বার করতে পারি তবে আর কিসের দুঃখ।

দ্রৌপদী। শুন বিপ্রবর !
নাহি জানি কোন মজ্জ,
নাহি কোন শক্তি মোর।
জানি মজ্জ নাম তাঁর,
যাহার ইচ্ছায়

অনন্ত ব্রহ্মাণ্ড হয় প্রসবিত ;

লহ নাম তাঁর

যাবে অভাবের জ্বালা যুচিয়া তোমার ।

বিশ্ব । ছলা ছাড় মা—ছলা ছাড়, অত ভদ্রমানিতে কাজ নাই । যখন
খুঁজে খুঁজে সন্ধান বার করেছি, তখন মস্তুর কটা না শিখে
যাচ্ছি না ।

দ্রৌপদী । সত্য কহি বিশ্ববর,
যদি কোন মন্ত্র বলে
হয়ে থাকে অসাধ্য সাধন,
নাম মাত্র মন্ত্র তাঁর ।
লহ তাঁর নাম,
দিবানিশি থাক শরণাগত,
একান্ত নির্ভয় সেই আশ্রয় তাঁহার ।
দয়াময়, সর্বজীব সমপ্রিয় তাঁর,
তুমি আমি ভেদ, নাহি তাঁর কাছে ।
নাম মাত্র ভরসা আমার,
নাম কর ভরসা তোমার ।

বিশ্ব । সত্য বলছ ? দেখ, ব্রাহ্মণকে বঞ্চনা কর না । ব্রাহ্মণ—
রোজ সন্ধ্যা আহ্নিক করি, একাদশী করি, আরও কত কি
ধর্ম কার্য করি, তোমরা মেয়ে মানুষ বুঝতে পারবে না,
ঠিকালে ব্রহ্মশাপ লেগে যাবে ।

দ্রৌপদী । সত্য কহিলাম, মন্ত্র মাত্র
নামের মহিমা তাঁর ;

বিচিত্র ব্রহ্মাণ্ড নাম মহিমাময় ।

নাম জীবের জীবন,

লহ নাম, লহ নাম বিপ্রবর ।

বিশ্ব । বল, কি নামেতে বস্তু পাওয়া যাবে । আচ্ছা কাজ নেই—
কি নামেতে খাবার দাবার গুলো বেরবে না না থাকে—আগে
গয়নার নামটাই বল, খাওয়া পরা না হলেও হতে পারে,
ব্রাহ্মণীর অলঙ্কার না হলে সে বড় বিষয় দায় । না—কাজ নেই
যেটা হোক বল ।

জ্যোপদী । যেই নামে ইচ্ছা হয় ডাক হে ব্রাহ্মণ ।
সবই তাঁর নাম,—
হরি, কৃষ্ণ, বিষ্ণু, দয়াময়,
পীতাম্বর, শ্রীমধুসূদন, নারায়ণ, জনার্দন,
নাম কত তাঁর ;
যাহা ইচ্ছা বলি কর সম্ভাষণ ।
ধর জড়াইয়া, সরোজ চরণ
সাদরে প্রাণের মাঝে ;
পাবে যাহা অভিরুচি ।

বিশ্ব । ঐ আবার ঠকাচ্ছ—আবার ঠকাচ্ছ । আমি অনেক নাম
চেষ্টা করেছিলুম, কাপড় বের করবার জন্য, কেঁট, বিটু,
হরি, দয়াময়, তের বলেছিলুম যা । ব্রাহ্মণীর কাছে অপ্রস্তুত
হয়েছি । ও সব নামে কিছু হবে না ।

জ্যোপদী । নির্বোধ ব্রাহ্মণ !
চাতুরী না করি,

নাম নহে কোঁতুক সামগ্রী ।

নাম প্রাণ,

প্রাণময় করি নাম ধর মুখে,

যাবে দূরে অভাবের মোহ ।

বিশ্ব । তুমি একটা বাঁধা নাম বলে দাও । তোমার পায়ে ধরি মা ।

দ্রৌপদী । বল, হরে মুরারে মধু কৈটভারে
গোপাল গোবিন্দ মুকুন্দ শৌরে ।

যজ্ঞেশ নারায়ণ কৃষ্ণ বিষ্ণু

নিরাশ্রয়ং মাং জগদীশ রক্ষ ॥

বিশ্ব । এই বললেই হবে ? দেখ ।

দ্রৌপদী । লহ নাম সম্মুখে আমার
হরে মুরারে মধু কৈটভারে
গোপাল গোবিন্দ মুকুন্দ শৌরে ।

যজ্ঞেশ নারায়ণ কৃষ্ণ বিষ্ণু

নিরাশ্রয়ং মাং জগদীশ রক্ষ ॥

বিশ্ব । হরে মুরারে মধু কৈটভারে
গোপাল গোবিন্দ মুকুন্দ শৌরে ।

যজ্ঞেশ নারায়ণ কৃষ্ণ বিষ্ণু

নিরাশ্রয়ং মাং জগদীশ রক্ষ ॥

তাই ত, প্রাণটা কেমন হল যে । আবার বসি, হরে.
মুরারে মধু কৈটভারে, গোপাল গোবিন্দ মুকুন্দ শৌরে ইত্যাদি ।
তাই ত । একি হল, চোখে. জল. অর্থাৎ, যুকের শিখর;
কড় করছে, প্রাণটা যেম কেমন গলে গলে যাচ্ছে আবার

বলি, হরে মুরারে মধু কৈটভারে ইত্যাদি, আবার বলি হরে
মুরারে মধু কৈটভারে ইত্যাদি। আবার বলি হরে মুরারে
মধু কৈটভারে ইত্যাদি—বড় মিষ্টি, বড় মিষ্টি, দ্রৌপদী—ভগবতী
—মা—কি শেখালি—প্রাণের ভিতর কি ঢুকিয়ে দিলি মা !

দ্রৌপদী । মুহুমূহু ডাক নাম ধরি,
শয়নে, স্বপনে, জাগরণে,
ওই নাম ভরসা তোমার ।
ওই নাম মৃত সঞ্জীবনী
সিদ্ধিপ্রদ মহামন্ত্র ।
কাঁপাও এ গহন কানন,
উচ্চৈঃস্বরে তুলি নাম রোল ।
পাপপূর্ণ রাজসভা কোঁরবের,
কর গিয়া নামময়,
নামে দাও ভাসাইয়া
কোঁরবের পাপরাশি,
পূর্ণ হবে আকিঞ্চন তব ।

বিশ্ব । একি হল । আর ত কাপড় চোপড় প্রাণ খুঁজছে না । আর
যেন কোন অভাব নেই, সব যেন পেয়েছি, যেন সব দুঃখ
মিটে গেছে । কিন্তু বাড়ীতে গেলে ত আবার সব মনে পড়ে
যাবে । আবার বস্ত্র, অন্ন, অলঙ্কার, একেএকে সব প্রাণে
উঠবে । তখন কি হবে মা ।

দ্রৌপদী । কিছু নাহি ভেব,
নাম লয়ে যাও চলে ।

তৃতীয় দৃশ্য]

নায়েক বল

সর্বদুঃখহারী

হরিবেন দুঃখ তব ।

বিশ্ব । তবে তাই হোক । শুধু লই তাঁর নাম—হরে মূরারে মধু
কৈটভারে ইত্যাদি ।

(নাম করিতে করিতে প্রস্থান)

দ্রৌপদী ।

বড় সুখা—বড় সুখা—

পূর্ণ হোক ব্রাহ্মণের মনস্কাম ।

(প্রস্থান)

তৃতীয় দৃশ্য ।

বিরাট প্রাসাদ—মধ্য রাত্রি ।

ভীম ।

ভীম ।

নাম কি দুর্বল এত ?

বিশ্বাস কি বলহীন ?

পঙ্কিল কি জীবের হৃদয়,

নাহি হয় তাহে বিধাতার পদক্ষেপ ?

মানবের অশ্রুবিন্দু

এত কি নীরস,

নাহি পারে ভিজাইতে

সুরোজ চরণ তাঁর ?

জীবনের প্রতি ক্ষুদ্রক্ষণে,
 করি যারে মর্মে মর্মে আলিঙ্গন,
 সে কি এত দূরে ?
 কত দূরে তুমি প্রভু !
 কত দূরে তুমি জগন্নাথ !
 রজনীর কৃষ্ণ অঙ্ককার
 মাথিয়া বিপুল অঙ্গে,
 দূরে শিরোপরে,
 ঐ যে অম্বর কালিমাময়,
 চিতানল ফুলিঙ্গের মত
 রয়েছে বিস্তৃত নক্ষত্রমণ্ডলী যথা,
 তার উর্ধ্বে—তারও উর্ধ্বে
 তুমি কি গো ?
 মর্ম্মস্তদ আর্তনাদ
 দুর্বল জীবের,
 অশক্ত কি যেতে সেথা ?
 প্রাণস্পর্শী দীর্ঘশ্বাস,
 ভয়হৃদি হতাশের,
 করে নাকি সঞ্চালিত
 সে রাজ্যের বায়ুস্তর ?
 নাহি কি আকাশ সেথা,
 করিবারে প্রতিধ্বনি জীব ক্রন্দনের ?
 নিজ করে উপাড়িয়া আপনার মর্ম্মস্থল,

ফেলি যদি সিন্ধুজলে, তবু কিহে-রবে তুমি স্থির ?

এত দূরে তুমি ?

আশ্রয়ে আশ্রিতে,

নাহি কিরে তিল মাত্র আত্মীয়তা;

যুচাইতে এ দূরত্বের ব্যবধান ?

জগন্নাথ—জগন্নাথ !

(দ্রৌপদীর প্রবেশ)

কে তুমি ?

দ্রৌপদী ।

আমি ।

ভীম ।

আছে ভ্রমণে দুটি মাত্র প্রাণ,

‘আমি’ মাত্র বলিলেই যারা

পায় ভীম পূর্ণ পরিচয় ।

বল তুমি কোন জন তার ?

দ্রৌপদী ।

(অগ্রসর হইয়া) কে কে তারা হৃদয় বল্লভ ?

ভীম ।

একজন—

প্রাণের যে প্রাণ এই দেহে,

মর্শ মরমের,

আত্মার বিমল আত্মা,

যাহার উদ্দেশে ফেলিতেছি তপ্তশ্বাস,

সরল, কুটীল,

দয়াময়, কঠোর, নিষ্ঠুর,

কি জানি সে কি—

জীব কিম্বা যাদুকর,

প্রভু কিম্বা দাস,
 সখা কিম্বা অরি,
 নাম কৃষ্ণ তার ।
 দ্রৌপদী । কেবা অগ্নি জন প্রিয়তম ?
 ভীম । কৃষ্ণ একজন কৃষ্ণ অগ্নিজন—
 তুমি তুমি লো দ্রৌপদী ।
 পাপ কোরবের রাজ সভা মাঝে,
 কৃষ্ণ কেশরাশি
 তোর চরণ চুম্বিনী,
 আলু খালু,
 কুঞ্চিত ক্রভঙ্গী,
 আত্মস্পর্শী চাহনি নয়নে,
 বিকম্পিত বিদ্বাধর,
 বিস্মুরিত নাসারঙ্গু,
 ধর ধর কম্পিত উলঙ্গ বক্ষঃ,
 উর্দ্ধ যুক্তকরে
 ডাকিতেছে জগন্নাথে
 রাখিতে সরম ।
 পঞ্চস্বামী, বন্ধমুখ অগ্নিগিরিসম ।
 ধর ধর বিকম্পিত,
 লুপ্তিত ভূতলে,
 সে মুরতি তোর

নিত্য করি দরশন ।
 সে মুরতি তোর
 রণ চণ্ডীসম
 করিবে নিশ্চল কুরুকুল ।
 সে মুরতি তোর, দিয়াছে চিনায়ে,
 কৃষ্ণ কৃষ্ণা ভেদমাত্র আকারের ।
 পত্নী তুমি অগ্ন সকলের,
 ভীমের দেবতা—
 ভীমের শ্রীকৃষ্ণা তুই—
 তুই লো দ্রৌপদী ।
 (ভীমের বক্ষে হস্ত স্থাপন করিয়া) ধীরে নাথ,
 মৃত্যু সে দ্রৌপদী ।
 আমি সৈরিঙ্গী, প্রেতাত্মা তাহার ।
 আছে মোর পঞ্চস্বামী,
 দাস তারা বিরাটের ।
 পশুপাল দুইজন,
 তৃতীয় নর্তকী মাত্র,
 নাম বৃহন্নলা ।
 জ্যেষ্ঠ অক্ষসেবী ক্রীড়া সহচর ।
 ভুলে যাও,
 নহ তুমি ভীম,
 মাত্র সূপকার ।
 পাণ্ডব অজ্ঞাত বাসে,

দ্রৌপদী ।

ভীম ।

আছে কোন পৃথ্বীর অজ্ঞাত কোণে ।

সত্য তোর পঞ্চস্বামী

দাস বিরাটের,

কিন্তু জানি আমি,

আছে স্বামী অন্য একজন,

যাহার অজ্ঞাত বাস

নহে পাণ্ডবের মত

মাত্র বর্ষ ব্যাপী ।

নিত্য সে অজ্ঞাত,

অজ্ঞাতে, নিভূতে,

করে তোরে আলিঙ্গন ।

অজ্ঞাতে সে থাকে সর্বস্থলে,

অজ্ঞাতে সে জীবে করে প্রাণদান,

অজ্ঞাতে সে

রচে এ বিরাট রাজ্য

ব্রহ্মাণ্ড বিশাল ।

অজ্ঞাতে সে,

ইহারই ভিতর

থাকি লুকাইয়া,

প্রতি অনু করে নিরীক্ষণ ।

অজ্ঞাতে সে আসে,

অজ্ঞাতে সে হাসে,

অজ্ঞাতে সে থাকে মত্ত

আত্মকীড়া ল'য়ে ।
 সুখ-দুঃখ মাথা
 আশার কঙ্কলী
 পরায়ে জীবের চক্ষে,
 দেখায় তাহারে
 মায়াময় মোহন জগৎ ছবি ।
 হাসে, কাঁদে, উঠে, পড়ে,
 ধায়, আশার পশ্চাতে জীব,
 অনন্ত অনন্ত কাল ।
 দেখে সব বসিয়া অজ্ঞাতে ।
 যদি কোন শুভক্ষণে
 ঘুচে ধাঁধা কারও,
 জগতের কৰ্ম্মময় পথ পর্য্যটনে
 হ'য়ে ক্লান্ত,
 পড়ে বসি পথপ্রান্তে—
 “আর পারি না চলিতে পথ,
 দাও হে বিরাম
 ঘুমাইতে চরণের
 ছায়াতলে” বলি
 যদি উঠে কাঁদি,
 যদি কারও অশ্রুধারা,
 কোথা জগন্নাথ বলি
 ভাসায় বিতপ্ত বক্ষঃ—

তবেই তখন,
 ছাড়িয়া অজ্ঞাত বাস,
 আসে ছুটে পাশে,
 দেয় মুছাইয়া অশ্রুজল ।
 আছে সেই ষষ্ঠ স্বামী
 তোর লো জ্যোপদী,
 নিয়ত অজ্ঞাত বাসে ।
 আসে কি এখন,
 নিত্য পাশে তোর,
 মুছাইতে অশ্রুধারা—
 নিতে সৈরিক্কীর মাল্য উপহার ?
 দেখিতে সৈরিক্কী সাজে,
 সেজেছে কেমন
 সখি তার চরণ আশ্রিতা ?
 দাসীত্বের ক্লান্তি বারি,
 শোভে তার কোমল আননে
 কেমন সুন্দর ?
 মরমের দীর্ঘশ্বাস তার,
 কেমন কাঁপায়
 হৃদয়ের বাসাকল—
 আসে কি এখন ?
 আসা যাওয়া
 কেবা জানে তার ?

জ্যোপদী ।

ধর্মবীর, ধর্মের সোদর তুমি,
 হইও না আত্মবলে সন্দিহান
 বিপদের কোটা ঝঙ্কাবাত,
 বাজে বুকে জানি—
 কিন্তু থেক স্থির,
 উচ্চচূড় গিরিসম ।
 তাঁহার মঙ্গল দৃষ্টি,
 জ্ঞাতে বা অজ্ঞাতে,
 দিবে সব মুছাইয়া ।
 সম্ভ্রম, সম্পদ,
 গিয়াছে যত্বেপি সব, যাক্ ।
 গায় যেন ইতিহাস
 যুগ যুগান্তর ধরি,
 বিপদে পাণ্ডব ছাড়ে নাই
 ধর্মবল ।
 বিপদের রাশি,
 উর্শ্বিদল সম আসিতেছে,
 আরও রা আসিবে কত ।
 আসুক, তারই বলে
 পাব মোরা পরিত্রাণ ।
 আসে বা না আসে,
 ডাক জগন্নাথে নিশিদিন ।
 কি ভয় তাহার,

সখা যার নারায়ণ ।
পুরুষ তোমরা,
ধৈর্য্য ধর্ম্ম তোমাদের ;
পার নিজ বলে
সহিবারে অদৃষ্টের দুর্কিঁপাক ।
অধীরা, দুর্কলা, নারী আমি,
জান কত সহি ?
আজি পুনঃ নূতন সঙ্কটে পড়ি
আসিয়াছি তব পাশে ।
ধীরে—অধীর হইয়না,
ধীরে শুন, ধীরে কর প্রতিকার ।

(ভীমের সবিস্ময়ে অবলোকন)

অধীর হইয়না,
অধীরা হইয়া আমি
আসিয়াছি তব বক্ষে
লইতে আশ্রয় ।
ধীরে—রক্ষা কর
সঙ্গম আমার ।
নারী তুচ্ছগণে সব,
সতীত্বের তুলনায় ।
আজি পঞ্চস্বামী রক্ষিতা দ্রৌপদী
বিপন্ন সতীত্ব লয়ে

(ভীমের অধীরতা ও ক্রুদ্ধতার প্রকাশ)

ধীরে—শুন
ধীরে—বক্ষঃ রাখ চাপি,
ধীরে—ফেল দীর্ঘশ্বাস,
ধীরে—চল মোর সাথে,
ধীরে—বক্ষ লম্পটের,
কর বিচূর্ণিত পদাঘাতে,
স্পর্ধা যার চাহে

আলিঙ্গিতে পাণ্ডব কামিনী ।

ভীম ।

(উর্ধ্বে চাহিয়া) আর কত ধৈর্য্য

ধরে জগন্নাথ

দুর্বল মনুষ্য প্রাণ ।

দ্রৌপদী ।

চূপ, ধীরে এস

শক্রপুরী জেন

এই বিরাটের গৃহ ।

(উভয়ের প্রশ্নান) ।

—

চতুর্থ দৃশ্য ।

বিরাট রাজপুরীর প্রাস্তভাগ ।

বিশ্ববুদ্ধি ।

বিশ্ব । বুদ্ধির বহর দেখে, বাবা নাম রেখেছিল বিশ্ববুদ্ধি । নামেও যা, কাজেও তাই । বুদ্ধির ত কিছু অভাব নেই । কিন্তু হ'লে কি হয়, মাগী কাণে সেই যে মস্তুরটা ঢুকিয়ে দিলে, সেই অবধি কেমন যেন ভাবাচ্যাকা হ'য়ে গেছি । সেই ভূতে পাওয়া নামটা মনে জেগে উঠলেই বিশ্ববুদ্ধির বুদ্ধি শুদ্ধি সব কেমন হতভম্ব হয়ে যায় । কেমন চোখ ছল ছল করে, গায়ে কাঁটা দিয়ে ওঠে, বুকটার ভিতর ধড়ফড় করে, প্রাণটার ভিতর আকাশের মত হা হা করতে থাকে । জগন্নাথ—জগন্নাথ ! ঐ দেখ গা'টা কিম্ব কিম্ব করছে, প্রাণটা ফাঁক হয়ে যাচ্ছে, ছুনিয়াটা চোখে মিলিয়ে যাচ্ছে, তবু কিন্তু নামটা, ভিতর থেকে কেমন যেন ফুলে ফুলে বেরিয়ে আসছে । জগন্নাথ ! দূর হোকুগে, যা হয় হোক, আবার বলি জগন্নাথ ! আবার বলি জগন্নাথ ! জগন্নাথ !! জগন্নাথ !!!—কি হলো আমার—কি কল্লে আমায় জগন্নাথ ! আঃ ঢেউটা বেরিয়ে গেল । হাঁপ ছেড়ে বাঁচলুম । (ক্রমেক বিচরণ করিয়া) তা নামটা কি আর জানতেম না । এ'ত পাঠশালার ছেলেরাও জানে, বিশ্ববুদ্ধির কি আর এইটেই অজানা ছিল ? কিন্তু বলিহারি মাগীর মস্তুর ফোঁকা । দুর্ভাসা ঋষির পালে মিশে সেই যে দিন হাওয়ায় পেট ভরিয়ে ভূতুড়ে বেটির সঙ্গে দেখা করলুম,

সেই দিন থেকে ছুনিয়াটা যেন আমার চোখে ঝিম্ ঝিম্ করছে। হিত করতে বিপরীত হলো। গেলুম, কাপড় বার করবার গহনা বার করবার মন্ত্র শিখতে। দেখলুম, মন্ত্রে উদরান্নের ও অভাব ঘুচে যায়। ভাবলুম আর আমায় পায় কে। এবার কোন দূরদেশে গিয়ে ছুর্যোদনের মত রাজত্ব পেতে বসব। 'সোণা, রূপায়, কাপড়ে, রাজ্য ডুবিয়ে রেখে দেব। আর ছপুর বেলা হলেই একবার করে মন্ত্র ছাড়ব, রাজ্যিগুদক লোকের পেট ভরে যাবে। আমার রাজ্যে চুলি আর জ্বালতে হবে না। বুদ্ধি ত কম নয়, এক চকিতের ভিতর ঝাঁ করে মতলব ঠিক করে নিয়েছিলাম। কিন্তু আবাগীর বেটা এক কথাতেই বিশ্ববুদ্ধিকে হতবুদ্ধি করে দিয়েছে। জগন্নাথ—জগন্নাথ ! ঐ—ঐ আবার এল, ঐ ছুনিয়াটা আবার ঝাঁ ঝাঁ করছে। ঐ গাছপালা, আকাশ, চন্দ্র, সূর্য, বাতাস, সবার ভিতর দিয়ে কি যেন একটা ফাঁক বইছে, আর সেই ফাঁকের কোণায় কোণায়, কে যেন আমার দিকে উঁকি মেয়ে চেয়ে রয়েছে। কে যেন আমার প্রাণটার ভিতর হাত পুরে দিয়ে টানছে। জগন্নাথ ! জগন্নাথ ! দোহাই তোমার পায়ে পড়ি, আর আমায় পাগল ক'রনা বাবা। তোমার সাত গোষ্ঠীর পদে কোটা কোটা দণ্ডবৎ, আমায় ছেড়ে দাও। না না সব থাক, তুমি থাক, তুমি থাক, জগন্নাথ ! ঐ যে তুমি, ঐ যে তুমি, জগন্নাথ, জগন্নাথ ! (পরিভ্রমণ) আঙু পিছু ছুই দিকেই বিপদ, বাড়ীও ভুলতে পাচ্ছি না, নামও ছাড়তে পাচ্ছি না। তাই মাগীটার সন্ধানে ফিরছি। বনটাতে ফিরে

গিয়ে দেখলুম সব ফাঁক । ভূতুড়ে কাণ্ড বহঁত নয় । পাণ্ডবদের
 টিকটিকিটা পর্য্যন্ত নেই । খুঁজে খুঁজে শেষে এই দেশে এসে
 পড়ে গুনলুম, এই রাজবাড়ীতে হঠাৎ ভূতের উপদ্রব আরম্ভ
 হয়েছে । কীচক না কি নাম তার, ভূতে নাকি রাতে ঘাড়
 মটকে কাবার করেছে । রোজ রাতে রাজবাড়ীর পাকশালায়
 হুম্ হুম্ গুম্ গুম্ শব্দ হয় । তাতেই ঠাউরে নিয়েছি বোধ
 হয় সেই ভূতুড়ে বেটা এই ভিটেয় পদার্পণ করেছে । গেল
 আর কি ! পাণ্ডবদের ঘরে ঢুকে, তাদের কাণে মন্ত্র ফুঁকে,
 তাদের ভিটে মাটা ছাড়া করে, পথের ধুলোর মত উড়িয়ে
 নিয়ে বেড়াচ্ছে । আবার এই লক্ষ্মীমন্ত রাজ্যে পদার্পণ !
 এরও চিহ্নমাত্র থাকবে বলে ত বোধ হয় না । গুনছি কোন
 রাজার সঙ্গে কাটাকাটি বেঁধে গিয়েছে । রাজা দেশে নাই,
 একটা অপোগণ্ড শিশুর উপর রাজ্যভার । মরুক গে আমার
 এত চিন্তায় কাজ কি । জগন্নাথ, জগন্নাথ !

(প্রস্থান) ।

পঞ্চম দৃশ্য ।

হস্তিনাপুর—রাজভবন ।

দুর্যোধন ।

দুর্যোধন । পাপ পুণ্য তুল্য দুই

মোহের শৃঙ্খল—

মুক্তির উন্মুখ বাতায়ন,
 নহে পাপ কিংবা পুণ্যময় ।
 পুণ্য ও বন্ধন,
 সমান স্বদৃঢ়,
 রাখিতে সুবন্ধ জীবে এ সংসার কারাগারে ।
 শৃঙ্খল যতপি,
 হোক তবে সুবর্ণের অথবা লৌহের,
 কিবা তাহে আসে যায় ।
 পুণ্যবলে চাহে পঞ্চ ভ্রাতা
 জগতের সাম্রাজ্য সম্পদ,
 পাপ ছলে আমি চাহি
 বন্ধিতে তাদের ।
 তুল্য বন্ধন উভয়ের ।
 চাহে যদি মুক্তিপথ,
 কেন করে রাজ্য অন্বেষণ ?
 ধর্মরাজ ধর্ম চাহে,
 নহে মুক্তি ।
 আমি মুক্তি চাহি
 পাপ ছলে ।
 কেবা উচ্চ—
 আমি কিংবা ধর্মরাজ !
 জানি, বিজয় নিশান নিত্য শোভে
 ধর্মের মন্দিরে,

জানি, অধর্মের
 ধ্বংস অবশ্যস্বাবী ।
 কিন্তু, ধর্মপাশে অধর্ম যতপি
 নাহি রহে কাল ছায়া সম,
 ধর্মের বিকাশ নাহি হয় প্রকটিত ।
 দিবা পার্শ্বে নিশা সম,
 তাই আমি ধর্মরাজ-পাশে ।
 জানি, যুগযুগান্তর গাহিবে
 পাণ্ডবের যশোগান জনশ্রোত,
 জানি, ঘৃণা, অপযশে,
 কণ্টক মুকুট রচিয়া রাখিবে ইতিহাস,
 দুর্ব্যোধন জীবনীর শিরে ।
 কিবা তাতে ?
 আমি জানি—
 জানিব অনন্তকাল ধরি,
 আমি না থাকিলে
 দ্রৌপদীর সতীত্ব গরিমা
 নাহি হত প্রকটিত ।
 লজ্জা নিবারণ বলি
 নারায়ণে কেহ না জানিত ।
 কণামাত্র শাক দিয়া নারায়ণে
 পরিতৃপ্ত করিল দ্রৌপদী,
 ষষ্ঠী সহস্র বিপ্রে—

এ পুণ্য কাহিনী
 যত কাল রহিবে ঘোষিত
 গৌরবে, আমি মূল তার ।
 আমি অগ্নি, আমার উত্তাপে
 হইবে বিস্তৃত যুধিষ্ঠির, ভীমার্জুন ।
 আমি কৃষ্ণাকাশ
 চন্দ্র তাহে পাণ্ডুকুল ।
 আমারই বিনাশে হবে প্রতিষ্ঠিত ধর্মরাজ্য ।
 হবে শ্রীকৃষ্ণের
 লোক শিক্ষাতরে
 আগমন সার্থক অবনীতে ।
 আমি আসিয়াছি,
 সহিবারে নির্যাতন বিধাতার ।
 আমারে মস্থিয়া, ধর্মামৃত
 করিবেন বিতরণ জগতের জীবে,
 শ্রীকৃষ্ণ মনুষ্যরূপী জগতের নাথ ।
 কে চিনিবে দুর্ঘোষনে !

(ভীষ্ম ও দ্রোণাচার্যের প্রবেশ)

ভীষ্ম ।

গিয়েছিলুম যুগয়ায় দুই বীর
 মহারাজ, আমি আর দ্রোণাচার্য্য ।
 জনশ্রুতি, নিরুদ্দিষ্ট ধর্মরাজ
 ভ্রাতৃগণসহ প্রায় বর্ষাবধি ।

যুগয়ার ছলে পাঠাইলাম
অগণন চর চারিধারে ।
বহুদেশ করিল সন্ধান
সুচতুর অনুচর যত—
নিরুদ্দেশ পঞ্চভ্রাতা পাঞ্চালীর সনে ।

দুর্যোধন ।

ক্রুর ব্যাঘ্র
হইয়াছে পুষ্টোদর
পাণ্ডবের রক্ত করি পান ।
পাণ্ডবের নাম হউক বিলুপ্ত ।
দ্রৌপদীর কৃষ্ণশোভা
জলদ গাঙ্গীর্যাপূর্ণ,
বিশ্বতির কাল জলে
যাক্ মিলাইয়া ।
হউক কণ্টক শূন্য
হস্তিনা নগরী ।

দ্রোণ ।

কৃতি নাহি ছিল,
অসম্ভব সম্ভব হইত
যত্বেপি এ মর লোকে ।
কিন্তু বড় দুঃখ মহারাজ,
মানবের অভিরুচি মত
নহে সুকল্পিত বিধির বিধান ।
কোন গুপ্ত অন্তঃস্থল দিয়া
হয় প্রবাহিত ধর্মের তড়িৎ স্রোত,

কালে অনল উগারি,
মানবের রসময় স্বার্থভরা
বিশ্ব, ক'রে উলট পালট—
এই বড় দুঃখ মহারাজ ।

দুর্যোধন । চিরদিন তুমি বিজ্ঞ
ধর্মহীন ভাব কুরুকুলে ।
গুরু তুমি, আছে অধিকার
করিবারে অমর্যাদা, কিন্তু—

ভীষ্ম । (সহাস্ত্রে)
কিন্তু, সর্বকালে তাহা
অনুচিত প্রকাশ করিয়া বলা ।

দুর্যোধন । শুন গুরু, কি কহেন পিতামহ ।
দ্রোণ । (সহাস্ত্রে)
কটু লাগে—কটু লাগে ।
পিতামহ রসময় তব,
তাই মাঝে মাঝে চান দিতে
মর্যাদা অধর্মে,
সাময়িক রসরঙ্গ অনুরোধে ।
মহারথী পিতামহ তব,
একান্ত বিশ্বাসবান
আপনার ধনু সংযোজনে,
করিবেন ধনুবলে ধর্মে পরাজিত ।
আমি অক্ষয়, কাঁপে প্রাণ মুহূর্মুহু

ভীষ্ম ।

ভবিষ্য আতঙ্কে তোমাদেরই তরে ।
 তাই মাঝে মাঝে আঁকি ভবিষ্যৎ বিভীষিকা ।
 থাক, বল কেন আজি ডাকিয়াছ ।
 শুন দুর্ঘোষন, যদি ঘটনার বশে
 নারায়ণ রক্ষিত পাণ্ডব,
 গিয়া থাকে ইহলোক ছাড়ি,
 ভাল সত্য তব পক্ষে ।
 কিন্তু যদি কোন বিষধর সম
 থাকে লুকায়িত, গুপ্ত কোনও
 সূদূর গহ্বরে—
 অজ্ঞাত বাসের পণ
 করিয়া পূরণ, উঠে গর্জি, সমূহ বিপদ ।
 রহিবে অরণ্যবাসে দ্বাদশ বরষ,
 তারপর বর্ষ এক রহিবে অজ্ঞাত ভাবে—
 এই ছিল পণ ।
 যদি তাই থাকে,
 যদি হয় কৃতকার্য,
 আছে যুদ্ধ সম্ভাবনা ।
 রহ সতর্কিত কিছুকাল,
 অল্পদিন মাত্র অবশিষ্ট ।
 শুনিয়াছি লোক মুখে পূর্বাভাষ,
 চাহ তুমি আক্রমিতে বিরাতের মৎশ্ররাজ্য ।
 নহে তাহা যুক্তিযুক্ত ।

দুর্যোধন ।

শুধু ওই অনুমতি নিতে
ডাকিয়াছি আজ দুই জনে ।
বিরাটের অমূল্য গোধন
করে লুক্ক নিশিদিন ।
অপূর্ব স্বেযোগ উপস্থিত ।
বিরাট ব্যাপৃত যুদ্ধে,
অরক্ষিত গো সম্পদ ;
চল গুপ্ত ভাবে করি আক্রমণ,
স্বল্পায়সে হই গোধনের অধিকারী ।

দ্রোণ

হইয়াছ ধর্ম্মাপহারক
পাঠাইয়া বনবাসে পঞ্চ পাণ্ডবেরে ।
এবে তার পরাকাষ্ঠা,
গো তঙ্কর হবে দুর্যোধন ।
যুক্তি ভাল, চল যাই বৃদ্ধ বীর,
কীর্ত্তি যাহা অবশিষ্ট করিতে অর্জন
লহ করি দুর্যোধন অনুগ্রহে ।

দুর্যোধন ।

সদা যার প্রতিকূল গুরু,
বীরত্ব তাহার হয় নিঃশেষিত
চৌর্য্যে, পরশ্ব হরণে ।
আমি নহি দোষী,
কি বলেন পিতামহ ।

ভীষ্ম ।

যুক্তি যাহা বলিয়াছি,
কর অভিরুচি মত আজ্ঞা ।

শামের বল

[

দ্রোণ

সাদা কথা জলবৎ ।
বুঝিতেছি দুৰ্য্যোধন, অতি শীঘ্র
আসিতেছে কাল বিপর্যয় ।
শুন, নহেক রহস্য
পিতামহ যাহা कहিলেন ।
রহ সাবধানে কিছু কাল,
হউক উত্তীর্ণ পণকাল পাণ্ডবের ।
তারপর বীরসম করি যুদ্ধ,
আনি দিব বিরাটের গো সম্পদ ।

দুৰ্য্যোধন

কাজ নাই করি তত অনুকম্পা ।
তুই বীরে
করগে প্রস্তুত চতুর বাহিনী ।
বিরাট ব্যাপৃত যুদ্ধে—
ভাগ্য অবিজ্ঞাত ।
পাণ্ডব অজ্ঞাত বাসে,
অথবা যমের কঠোর অজ্ঞেয় কারা মাঝে
অজ্ঞাত এ কালচক্র,
নাহি জানি ধর্ম কি অধর্ম ।
অজ্ঞাতে যাইব আমি,
অজ্ঞাতে করিব আক্রমণ,
অজ্ঞাতে আনিব লুটি
বিরাটের বিরাট সম্পদ ।
যথা অভিরুচি ।

ভ

দ্রোণ ।

অজ্ঞাতে খুলিবে
নরকের প্রশস্ত কপাট ।
সেই ভাল
চল যাই, অমঙ্গল নিশ্চিত যত্বপি
হউক পূরণ তাহা অবিলম্বে । (সকলের প্রশ্নান) ।

ষষ্ঠ দৃশ্য ।

প্রাস্তর ।

রথোপরি উত্তর ও বৃহন্নলা

উত্তর ।

আরও ক্রত
যাও বৃহন্নলা,
ধীর মস্থর গতিতে
চলিতেছে রথ,
চলে কি না চলে
বুঝিতে না পারি,
তোমাতে সারথী করি
ঠেকিছু বিষম দায় ।
গোধন লইয়া
বহদূর এতক্ষণ
গেল চলি
অপহারি দল ।

বৃহন্নলা । রথগতি চাহ যদি বুঝিবারে,
লক্ষ্য কর সুদূর
ওই বনপ্রান্ত ।
রথ অভ্যস্তরে
চাহিয়া থাকিলে,
বুঝা নাহি যায় গতি,
সুশিক্ষিত সারথী
চালিত হ'লে রথ ।

উত্তর । (চারিদিকে অবলোকন পূর্বক বিস্মিত হইয়া)
এ কি !
প্রলয় আসিছে ছুটি ?
গিরি নদী বৃক্ষলতা সহ
ঘুরিছে ধরণী কেন ?
আকাশের দিকপ্রান্ত
মেঘরাজি সহ
কেন ছুটিছে পশ্চাৎ ভাগে ?
এ কি ভ্রাস্তি !
সুদূরের বনভূমি
আসিছে ছুটিয়া
সাগর তরঙ্গ সম ।
রোধ কর রথগতি,
রথসহ হব বিচূর্ণিত,
মুহূর্তের মাঝে ।

বৃহন্নলা ।

কাস্ত হও—কাস্ত হও
বৃহন্নলা ।

ভ্রাস্ত শিশু !

ভ্রাস্তি নয়নের ।

স্থিরা বসুন্ধরা,

গিরি, উপবন,

কাস্তার, প্রাস্তর,

করিতেছি অতিক্রম ।

উদ্ধাসম রথগতি

নয়ন বিভ্রমি,

আঁকিছে দিগন্তে

নিজ গতি পরিমাণ ।

এমনি উত্তর—

ঠিক এমনি করিয়া,

বিশ্বের সারথী

চালায় আপন রথ,

ঘব্-ঘব্-নির্ঘোষীরব,

সৃষ্টি-স্থিতি-লয়

উড়াইয়া জন্ম-মৃত্যু-ধূলিকণা

জীব বক্ষে আঁকি তার

গতির বিক্রম ।

হেরে জীব আপনায়

সঞ্চালিত সুখ দুঃখ

তরঙ্গ স্পন্দনে,
উঠে যাহা রথচক্রে
আর বিঘূর্ণনে,
দেখায় বিভ্রান্ত জীবে
নিয়ত সে চ্যুত যেন
অচ্যুতের স্নেহময়
অঙ্ক হ'তে দূরে ।

উত্তর ।

কিন্তু যাক—চালাব কি ক্রত আরও রথ ।
(বৃহন্নলার হস্ত ধারণ করিয়া) ঘুচিয়াছে ধাক্কা,
বুঝিয়াছি রথগতি,
ধীরে চল বৃহন্নলে,
ভগ্ন হবে রথ ।
একি মুখভঙ্গী তব,
কিবা মন্ত্র করিতেছ উচ্চারণ ?
মন্ত্রবলে চালাইছ রথ
বুঝিয়াছি আমি ।
ধীরে চল
উঠে প্রাণে বিভীষিকা ।

বৃহন্নলা

(অশ্রুমনস্ক ভাবে)
ধীরে চল—কতবার বলিয়াছি,
কতবার বলে জীব,
হে বিশ্ব সারথি !
চালাও—চালাও

তব রথ কৰ্মময়
 সূধীর মন্থরে ।
 জীবনের প্রতি বিবর্তনে,
 কেঁদে উঠে নাথ নাথ করি,
 ধীরে চালাইতে রথ
 কত করে আকুল ক্রন্দন ।
 কিন্তু কেবা শুনে !
 নিৰ্মম সারথী,
 প্রকৃতির বঙ্গারাশি
 ল'য়ে নিজ করে,
 ভীমবেগে ঘর্ঘরিয়া
 কৰ্মচক্র কালবক্ষে
 ছুটায় আপন রথ ।

উত্তর ।

(বৃহন্নলাকে জড়াইয়া ধরিয়া)
 আরে আরে যাদুকর ক্লীব,
 সম্বর ও মঙ্গরাজি ।
 হের সম্মুখে তোমার
 দিক্ প্রান্তে মিশিয়া আকাশ সনে
 সাগর বারিধি
 ফেন উর্ধ্ব নাচিছে উল্লাসে ।
 কাস্ত হও—কাস্ত হও রে উন্মাদ,
 ডুবিব সাগর গর্ভে
 রথ অশ্বসহ ।

বৃহন্নলা । দুর্বল মানব মন,
বিপদের তরঙ্গ উল্লাস
যখনি নেহারে
গর্জিছে সম্মুখে,
ডুবিছে ডুবিছে বলি
তখনি সে উঠে কাঁদি,
তখনি সে আশ্রয়ের আশে
চাহে জড়াইয়া ধরিতে
বিশ্বনাথে ।

আর করিব না,
আর নাহি লিপ্ত হব
পাপে, বলি

কত কাঁদে
কত চালে অশ্রুজল ।

প্রবঞ্চক প্রাণ
কোনক্রমে
অতিক্রম করিলে সঙ্কট
ভুলে তার আত্মগানি
ভুলে বিশ্বের আশ্রয় ।

উত্তর । (বৃহন্নলার চরণ ধরিয়া)

ভুলিব না—
ওরে যাদুকর কভু ভুলিব না
খামাও—খামাও রথ

বাঁচাও আমারে ।
 ওই আসিছে গ্রাসিতে,
 করান বিস্তারে ছুটি
 সমুদ্র বিশাল,
 রক্ষা কর—রক্ষা কর বৃহন্নলা ।
 বৃহন্নলা । নহে শিশু, সমুদ্র সম্মুখে—
 তোমারি গোধন
 তাড়াইয়া ল'য়ে যায়
 দুর্ঘোষন ।
 এখনি করিতে হ'বে
 দুর্শ্বদ সংগ্রাম ।
 ভীত যদি এত রথের চালনে,
 কেমনে করিবে রণ ?
 নেহার অসংখ্য সেনা
 রথ-রথী সহ
 উল্লাসে করিছে জয়ধ্বনি ।
 উত্তর । (সবিস্ময়ে সম্মুখে নিরীক্ষণ করিতে করিতে)
 বৃহন্নলা !
 কেন ?
 উত্তর । চল ফিরে যাই
 কাজ নাই গোধন উদ্ধারে ।
 একা আমি
 কেমনে করিব রণ,

অগণিত শত্রুধারী সনে ।
 ফিরে চল, পায়ে ধরি
 ওগো ফিরে চল ;
 দিব আশাতীত পুরস্কার
 পিতারে কহিয়া ।
 তবু থামিবে না ?
 মারিবে কি
 আশ্রয় দাতার পুত্রে ?
 ফিরে চল—
 ফিরে চল বৃহন্নলা ।
 অথবা সম্বর গতি
 দাও মুক্তি মোরে ।
 (উত্তরকে উত্তোলিত করিয়া)
 কৰ্মবীর জীব,
 কৰ্মের পেষণে
 কেন উঠ কাঁদি ?
 ক্ষত্র পুত্র কভু
 সমরে কি করে ভয় ?
 যায় যদি প্রাণ রণক্ষেত্রে,
 বীরের সমান
 হবে অমর বাহিত লোকে গতি ।
 বীর পুত্র তুমি
 মরণের ভয় কেন এত ?

বৃহন্নলা ।

উত্তর ।

শিশু আমি,
 সময় না জানি,
 রণস্থল দেখি নাই কভু,
 ওগো তাই মহোন্মাদে
 আসিহু ছুটিয়া,
 তোমাতে সারথী করি
 রক্ষিতে গোধন ।
 জানি কি তখন
 রণ নহে বিলাস কানন ।
 পায়ে ধরি
 ফিরাও—ফিরাও রথ ।
 শুন—কথা শুন
 অসহায় আমি,
 ল'য়ে চল ফিরাইয়া
 মাতৃপাশে মোব ।

বৃহন্নলা ।

তোরই মত, এমনি করিয়া
 আরে শিশু,
 চরণ জড়িয়ে তাঁর
 আমিও নিয়ত কাঁদি—
 জগন্নাথ; আশ্রয় আমার !
 দুর্বল বিপন্ন,
 অসহায় আমি,
 মোহের বিভ্রমে,

ভুলে ছুটিয়া এসেছি নাথ
 কৰ্মক্ষেত্রে,
 ছাড়ি স্নেহবন্ধঃ তব ।
 তুমি এস—তুমি চল
 ল'য়ে ফিরাইয়া ।
 সেধেছিলাম তোমারে বিশ্বনাথ,
 সারথী হইয়া ল'য়ে চল কৰ্মক্ষেত্রে,
 আজি পুনঃ সাধি
 হে বিশ্ব সারথি !
 চল সারথী হইয়া পুনঃ
 ফিরাইয়া ল'য়ে মোরে
 আনন্দ মন্দিরে তব ।

উত্তর । নাহি জানি কেবা বিশ্বনাথ
 বিশ্বের সারথী কেবা,
 তুমি বিশ্বনাথ—
 তুমি সারথী আমার,
 তুমি চল ফিরাইয়া ল'য়ে ।

বৃহন্নলা । উঠ শিশু ।
 হের পুরবর্তী বৃক্ষ শিরে চাহি ।

উত্তর । ওহো রহিয়াছে লক্ষমান
 মৃত দেহ বিকট বিকৃত ।

বৃহন্নলা । থামাইলু রথ,
 উঠি বৃক্ষ শিরে

ল'য়ে এস পাড়ি
 ওই শব দেহ ।

উত্তর (সবিস্ময়ে) বুঝেছি কুহকি !
 মায়াবী রাক্ষস তুমি,
 কিম্বা পিশাচ সাধক ।
 স্তনিতাম পিতৃমুখে গল্প কত ।
 তুমি এখনি করিবে ভক্ষণ শব,
 অথবা আমারে করিবে উদরস্থ ।
 ওরে—দে ছাড়ি আমারে,
 আমি শিশু,
 দয়া কর—দয়া কর—
 পলাইয়া যাই (পলায়ন উপক্রম) ।

বৃহন্নলা (উত্তরকে ধরিয়া) ভয় নাই শিশু,
 শব নহে উহা,
 শবাকার আচ্ছাদনে
 আছে লুক্কায়িত অস্ত্ররাশি ।
 আমি করিব সমর,
 আমি উদ্ধারিব
 গোধন তোমার ।
 আমি স্তম্ভদ তোমার ।

উত্তর ।
 বৃহন্নলা
 ছেড়ে দাও, পায়েরে ধরি ছেড়ে দাও ।
 দিব ছাড়ি, আন যদি পাড়ি
 ওই অস্ত্ররাশি মোর ।

উত্তর । দিবে ছাড়ি—সত্য কহিতেছ ?

পায়ে ধরি সত্য বল ।

বৃহন্নলা । সত্য কহিতেছি

ভয় নাহি তব ।

(উত্তরের কম্পিত কলেবরে বৃক্ষারোহণ

ও অস্ত্র আনয়ন) ।

(অস্ত্র বাহির করিয়া)

বহুদিন পরে ধরিলাম করে

তোরে গাণ্ডীব অর্জুনের নিত্য সখা ।

(চুম্বন করিয়া) বহুদিন পরে আজি পুনঃ

হইলু গাণ্ডীবী ।

ফুরাল অজ্ঞাত বাস,

ইন্দ্রপ্রস্থ শ্রুতি জাগিছে

উল্লাসে হৃদে ।

নারায়ণ—অস্তুর্যামী সখা !

নমি তব পায় ।

আর যেন এ জীবনে

জীবন থাকিতে

না হই বঞ্চিত

এ মহা অস্ত্র সাহচর্যে । (বৃহন্নলার বর্ম্মাদি পরিধান)

উত্তর । বৃহন্নলা !

বৃহন্নলা । নহি বৃহন্নলা আর ।

বল অর্জুন, ধর্ম্মরাজ সহোদর ।

- উত্তর । অর্জুন ! রাজা যুধিষ্ঠির,
ভীম, অর্জুন, নকুল, সহদেব—
সেই অর্জুন ?
- অর্জুন । সেই অর্জুন, কুন্তীর কুমার ।
ছন্ন ছদ্মবেশে তোমাদের গৃহে ।
- উত্তর । (চক্ষু বুজিয়া) বৃহন্নলা !
- অর্জুন । (উত্তরকে বক্ষে ধরিয়া)
বল পার্থ মোরে, নহি বৃহন্নলা ।
- উত্তর । বৃহন্নলা !
- অর্জুন । আবার ?
- উত্তর । বৃহন্নলা তুমি রাখ চাপি,
আমি পড়ি ঘুমাইয়া বক্ষে তব ।
- অর্জুন । (নাগাইয়া দিয়া) ভয় কেন এত রে উত্তর ?
- উত্তর । সত্য যদি অর্জুন গো
তুমি বৃহন্নলা,
করি যথারীতি প্রণতি চরণে
দাও মোরে পূর্ণ পরিচয় ।
- অর্জুন । (উত্তরকে উঠাইয়া) দিতেছি তোমারে পরিচয় মোর,
ক হতেছি অগ্ন অগ্ন নাম
যেই নামে খ্যাত আমি ।
কিন্তু পূর্ণ পরিচয়
দিবে এই ধনু মোর
উদ্ধারি গোধন,

একা পরাজিয়া .
 কৌরবের বিপুল বাহিনী ।
 যাও বাণ—হও ধন্য
 নমি নারায়ণে বহুদিন পরে ।
 যাও—কর নমস্কার ভীষ্ম পিতামহে ।
 যাও—কর নমস্কার গুরু দ্রোণাচার্য্যে ।
 সুপ্ত বীৰ্য্য উঠুক গর্জিয়া হৃদে,
 মন্ত্ররাজি হউক সজীব,
 বাণ পূর্ণ হউক তুণীর,
 সত্য হোক বাক্য মোর,
 সত্য বল বহুক শিরায় ।
 যে চরণ প্রতি জীব হৃদে
 আছে গুপ্ত গুপ্তমণি সম,
 সে চরণ হ'তে বহুক
 আশীষ গঙ্গা ধারা
 উদ্ধারিতে নরলোক ।
 এসরে উত্তর বড় আনন্দের দিন—
 বাণে আজ ঘোষিব জগতে
 মরেনি মরেনি পাণ্ডব ।
 অর্ধশ্বের কুটীলতা
 পারে না মারিতে তারে,
 অনাথের নাথ
 বিশ্বনাথ আশ্রয় যাহার । (প্রস্থান) ।

তৃতীয় অঙ্ক ।



প্রথম দৃশ্য ।

হস্তিনাপুরী ।

শ্রীকৃষ্ণ ও বলরাম ।

শ্রীকৃষ্ণ ।

তা আমি কি করিব ?

একজন ধর্মের রক্ষক—

অন্যে হস্তারক ।

রক্ষা করে ধর্ম

আপন রক্ষকে,

হয় হস্তারক স্বীয় হস্তারকে ।

সরল ব্যবস্থা—চাহ কি অগ্রজ

অধর্ম রণে বিদলিতে ধর্ম ?

বলরাম ।

চিরদিন অপারক আমি,

ভেদিতে তোমার কুটিলতা শ্রীকৃষ্ণ

করে অত্যাচার অধর্ম যত্বপি

ধর্মের উপর,

হউক সংঘর্ষ ধর্ম্যাধর্মে ।

হউক বিজয়ী ধর্ম,

যাউক অধর্ম রসাতলে ;
 নাহি ক্ষোভ কিছুমাত্র তাহে ।
 কিন্তু তুমি—তুমি কেন
 মিশ মध्ये তার
 করিবারে মধ্যস্থতা ।
 কোরবের ছলে গিয়া থাকে যদি
 পাণ্ডবের ঐশ্বর্য্য সম্পদ,
 হোক তারা পুনঃ প্রাপ্ত
 পাণ্ডবের ধর্মবলে ।
 তুমি কেন বক্ষে কর করাঘাত
 পাণ্ডব পাণ্ডব করি ।

শ্রীকৃষ্ণ ।

শক্তিমান্ হলায়ুধ !
 অধর্ম যেখানে
 ধর্মোপরি করে অত্যাচার,
 বিধাতার শক্তি রহে কি সুষ্পৃষ্ট সেথা
 নিরপেক্ষ ধর্মেতে রক্ষিতে ?
 পার কি থাকিতে স্থির তুমি,
 হের যদি বলীর দুয়ারে উৎপীড়িত
 নিরীহ দুর্বল ?

বলরামণ

অস্ত্রে না পারিতে পারে,
 আমি না হেরিতে পারি,
 বিধাতা না পারেন থাকিতে,
 হ'তে পারে শক্তি তাঁর নিয়ন্ত্রিত

দিতে প্রতিফল অধর্মেরে ।
 কিন্তু তুমি—তুমি বিধাতার ধাতা,
 আব্রহামস্বপ্নের একমাত্র
 নিরপেক্ষ নিগুণ আশ্রয়—
 নিত্য সম-প্রেমময়, সমদ্রষ্টা—
 ধর্মে ও অধর্মে—পাপী পুণ্যবানে—
 সকলের বাঙা-কল্পতরু—
 সম স্নেহদর্শী সর্বজীবে—
 সর্বের সর্ব সর্বময় ।
 তুমি—তুমি কেন এত
 বিচঞ্চল পাণ্ডবের তরে পক্ষপাতে ।
 পাণ্ডবের সখে হইয়াছ মুগ্ধ,
 হও ক্ষতি নাই, হও বিমোহিত
 ভকতের ভক্তিমোহে ।
 কিন্তু তা বলে কি
 অভক্তে ভুলিবে ?
 তুমিও জীবের মত
 যাবে ভাসি প্রেমের প্রবাহে,
 হ'য়ে আত্মহারা, ভুলিয়া
 বিপন্ন অগ্নে,
 নহে যারা কাতর তোমার তরে ?
 স্নেহাঙ্ক অগ্রজ !
 ব্রাত্স্নেহে মুগ্ধ হ'য়ে

শ্রীকৃষ্ণ ।

অজ্ঞানে ঢাকিছ চক্ষু ।
 কেন ভুলিছ আপনায় ?
 ভুলে কি কখনও,
 ভুল সংশোধন নিত্য নীলা যার ।
 সে কি কভু ভুলে,
 দেখিতে পায়না চক্ষু
 কোথায় কে জীব
 রহিয়াছে ভুলে তারে ?
 অন্ধ হ'য়ে জগতের ভুলে,
 নিত্য খুঁজি দুয়ারে দুয়ারে,
 ভুল ঘুচাইতে নিত্য উচ্চৈঃস্বরে,
 জীবের অন্তরে কহি প্রেমভরে—
 ভোল ভুল আরে প্রিয়
 আত্মভোলা ।
 ভুলে ভুলে, বিষয়ে বিষয়ে
 হেরিয়া আমার,
 হও ভোলানাথ, ভুলিয়া
 আপন ভুল ।
 ভোল ভুল, ভুলনা আমার ।
 কভু সুখ আলিঙ্গনে,
 কভু দুঃখের পেষণে,
 কভু আশার আলোকে,
 কভু নিরাশার অন্ধকারে,

কভু আনন্দ উচ্ছ্বাসে,
 কভু ক্রন্দনের মর্ষদাহে,
 দিই শুধু ভুল ঘুচাইয়া ।
 জগতের ভুল সংশোধিতে
 যুগে যুগে হই অবতীর্ণ ।
 ভুলি নাই দুর্ঘোষনে,
 তাই মধ্যস্থ হইয়া গিয়াছি
 তাহার দুয়ারে ।
 করেছি অন্ুরোধ তারে
 দিতে পাণ্ডবেরে
 পাঁচখানি গ্রাম যাত্র ।
 দুর্ঘোষন ভুলিল আমায় ।
 সূচীঅগ্র ভগ্নি নাহি দিবে
 পাণ্ডবেরে বিনা যুদ্ধে,
 করিল প্রতিজ্ঞা ।
 ভুলিয়া আমায়, চাহিল
 বাঁধিতে ভুলে, রচি মায়াগৃহ ।
 তবু ভুলি নাই,
 আজও পুনঃ ডাকিয়াছি
 দিতে স্নেহ সমান আদরে
 কোরব পাণ্ডবে ।
 রব নিদ্রাবশে,
 অর্জুন, দুর্ঘোষন আসিবে দু'জনে ।

নিদ্রা হ'তে উঠি যার মুখ
 হেরিব প্রথমে,
 করিব অভীষ্টপূর্ণ সর্বাগ্রে তাহার ।
 দিব অগ্রে, পরে সে চাহিবে যাহা
 হের জ্ঞান চক্ষু অগ্রজ,
 পারিবে কি নিতে দুর্ঘোষন,
 স্নেহের প্রথম দান
 সর্ব শুভময় ।

বলরাম ।

সম্ভব ত নহে—পারিবে না ।
 পারিবে না লইতে শরণ
 তোমার চরণে
 বিষয় বিমূঢ় দুর্ঘোষন ।
 কেবা পারে—
 নহে শুধু দুর্ঘোষন,
 স্বার্থভরা প্রত্যেক জীবের পাশে
 যাও নিত্য তুমি ।
 তোমার পরশে পায় যবে জীব,
 অজ্ঞাতে মহতী শিক্ষা—
 তোমাতে ধরিলে, সর্ব স্বার্থ
 আসে করতলে—
 কোন ক্রমে পাইতে তোমাতে,
 করে সে তখন কতই কৌশল—
 যোগ, যাগ, ব্রত, পূজা,

ধ্যান, জপ, মন্ত্র উচ্চারণ,
 ব্রহ্মচর্য, সংসার বর্জন, কত কি ।
 কিন্তু মূলে তার ঐ স্বার্থ—
 শক্তি বা সিদ্ধি—
 মুক্তি বা সম্পদ,
 কিম্বা অণ্ড কিছু ।
 চাহে দুর্ঘোষন সম,
 রচি কোণলের মায়াগৃহ,
 বাধিতে তোমায়
 পুরাতে অভীষ্ট স্বীয় ।
 দেবতা দুর্লভ !
 বিনা অশ্রদ্ধল—বিনা স্বার্থ ত্যাগ—
 তুমি কি পড়িবে বাধা !
 দাও শক্তি তারে,
 রহ নিজে দূরে,
 থাক অপেক্ষায়, কবে কাঁদিবে সে জীব,
 কবে চাহিবে তোমায়,
 শুধু তোমারে পাইতে,
 কবে কাতরে সে ক'বে—
 তুমি মাত্র—তুমি মাত্র জগন্নাথ
 বাঞ্ছিত আমার ।
 বুঝিয়াছি, পারিবে না দুর্ঘোষন ।
 বাধিবে বিপুল রণ বিচূর্ণিতে

স্বার্থ দস্ত তার ।
 ওহো ভুল নাই দুর্ঘোষনে ;
 দিতে তারে স্নেহের শাসন, কঠোর.
 নির্দয়, হ'য়েছ উত্তত ।
 কে বুঝিবে তোরে ?
 দয়া নিষ্ঠুরতা, সমান ক্রকুটি তোর
 উদাস নির্মম ।
 ক্ষুদ্র কালো কমনীয় শিশুটির মত
 র'য়েছ দাঁড়িয়ে,
 ভীম কাল করালবদন করিয়া বিস্তার,
 বিশ্বগ্রাসীরূপে এখনি গ্রাসিবে ।
 তুলি ভীম রণোল্লাস,
 লক্ষ লক্ষ জীব
 বজ্র দংশে করি বিচূর্ণিত,
 হবে তোর স্নেহলীলা—ভুল সংশোধন ।
 প্রলয় ছন্দার, সাম্রাজ্য বিপ্লব,
 রক্তগঙ্গা, অশনি ঝগঝগা,
 পীড়িতের আর্তনাদ,
 শোকোচ্ছ্বাস মর্মপ্লাবী,
 সব—শুধু ভুল সংশোধন ।
 মুছিয়া শান্তির ছবি
 এঁকে দেওয়া জগতের গায়,
 প্রলয়ের বিভীষিকা—ভুল সংশোধন ।

না—গৃহে নাহি রব, যাব তীর্থে—
 ঘুচিল না ভুল,
 কভু ঘুচিবে না,
 কভু চিনিবে না কেহ
 তোরে কপটী ।
 করি মিনতি—দে ভুল ঘুচাইয়ে,
 দেরে জগন্নাথ চক্ষু খুলি—
 দেখি কার ভুল,
 দেখি নিষ্ঠুর কি স্নেহময় তুই । (প্রস্থান)

শ্রীকৃষ্ণ ।

কর্তব্য পালন, নামাস্তর ভালবাসা
 কেহ নাহি বুঝে,
 তা আমি কি করিব ?
 যাক্. এখন আসিবে দুর্ঘোষন,
 রহি আমি কপট নিদ্রায়
 যতক্ষণ না আসে অর্জুন,
 ভূভার হরণের প্রিয় সহচর মোর । (শয়ন)

(দুর্ঘোষনের প্রবেশ)

দুর্ঘোষন ।

হইলু নিশ্চিন্ত ।
 আসে নাই অর্জুন এখনও ।
 নিদ্রিত শ্রীকৃষ্ণ,
 বসি শিরোদেশে
 থাকি অপেক্ষায় ।

পাবে দেখিতে আশায়
চক্ষু উন্মীলন মাত্র । (শিরোদেশে উপবেশন)

(অর্জুনের প্রবেশ)

অর্জুন । নিদ্রিত কেশব,
নীলা অপূর্ব !
জাগরণে যার
আব্রহ্ম ভুবন
নিয়ত জাগ্রত—তাঁর নিদ্রা,
যেন মুছিয়া ফেলেছে বক্ষ হ'তে
ভক্তপূর্ণ এ ব্রহ্মাণ্ড ।
হাসি পায় ।
বসি পদতলে
করি ধ্যান চরণ যুগল,
যতটুকু পাই অবসর ;
জুড়াক হৃদয় ।

(শ্রীকৃষ্ণের নিদ্রার ভাণ পরিত্যাগ পূর্বক উত্থান
ও অর্জুনকে লক্ষ্য করিয়া)

শ্রীকৃষ্ণ । এস সখা—আসিয়াছ কতক্ষণ ?
পড়েছিছ নিদ্রাবশে ।
কুরুরাজ কোথায় ?

অর্জুন । (স্বগতঃ) অনন্ত ব্রহ্মাণ্ড পুঞ্জ
নিত্য প্রতিভাত নয়নে যাহার,

প্রতি বিশ্ব পরমাণু,
 ঋর দৃষ্টিতলে
 চেতনা প্রদীপ্ত হ'য়ে
 ঘুরিতেছে স্বীয় স্বীয়
 কৰ্ম কক্ষে—

আজ জিজ্ঞাসিছে সেই বিশ্বনাথ,
 অন্ধ জগতের ধুলি অর্জুনে,
 কোতুক রঙ্গে, কুরুরাজ সমাচার ।
 পাণ্ডবে আশ্রয় দিতে,
 হ'য়েছিলে গায়া নিদ্রাগত,
 বুঝিয়াছি প্রভু ।

(দুর্ঘোষনের উত্থান ও শ্রীকৃষ্ণের সম্মুখে
 গমন করিতে করিতে)

দুর্ঘোষন ।

হে—হেথা আমি রহিয়াছি
 অর্জুনের বহুপূর্ব হ'তে অপেক্ষায় ।
 ছিল উচিত তোমার, হে দ্বারকাপতি
 হেরিতে আমারে অগ্রে ।
 নিদ্রাবশে করিয়া ফেলেছ ভুল ।

শ্রীকৃষ্ণ ।

নিদ্রাই বিষম ভুল, জীবে
 জীবে কুরুপতি ।

দুর্ঘোষন ।

সাধু—সাধু যত্নপতি ।
 তবে কর স্বীয়
 ভুল সংশোধন,

শ্রীকৃষ্ণ ।

করি মোরে শ্রেষ্ঠ অধিকারী
 আজিকার ক্ষেত্রে ।
 বুঝিলাম অভিপ্রায় ।
 শুন দুর্ঘোষন—
 ন্যায়মত, অর্জুনই অধিকারী ।
 তবু পাছে ভাব পাণ্ডবের
 সখ্য মোহে বিমুগ্ধ আমায়,
 তাই তোমারেই দিই অধিকার ।
 শুন, অসঙ্গত অধিকার মোহে
 ঘটায়েছ আত্মীয় বিরোধ,
 তুলেছ বাঁধায়ে বিপুল সংঘর্ষ,
 করিয়াছ বাধ্য পাণ্ডুকুলে
 ধরিবারে অস্ত্র,
 করিয়াছ উপেক্ষিত বিজ্ঞ উপদেশ,
 কেবা জানে ফলাফল তার ।
 হোক যাহা হয়,
 বিচারের কাল হয়েছে অতীত ।
 আগত এ ভীষণ সংগ্রামে,
 সমগ্র নৃপতিবৃন্দ হইয়াছে
 বাধ্য, যোগ দিতে,
 পক্ষে উভয়ের ।
 আমারও কর্তব্য আছে ;
 দুই পক্ষ সমান স্নেহের মোর ।

তাই, করেছি সঙ্কল্প—
 এক পক্ষে রবে মোর বিপুল বাহিনী—
 নারায়ণী সেনাবৃন্দ,
 প্রতি যোদ্ধা যার তুল্য বল মোর সম,
 অন্য পক্ষে রব আমি একা শুধু,
 তাও ধরিব না অস্ত্র,
 শুধু রব সারথীর মত ।
 বল কিবা চাহ তুমি ।

দুর্যোধন ।

বীরসম, বিজ্ঞসম,
 করেছ সঙ্কল্প ।
 ইচ্ছা মোর, তুমি
 অর্জুনের সখা,
 রহ তার সনে রণস্থলে ।
 দাও বাহিনী তোমার
 কৌরবের পক্ষভুক্ত করি ।

শ্রীকৃষ্ণ ।

(সহাস্ত্রে) সখ্য মোর হৃদয়
 পাণ্ডব সনে ।
 কিন্তু কি করিব ?
 করিলাম অঙ্গীকার,
 রবে নারায়ণী সেনা
 কৌরবের পক্ষে,
 রব সারথী হইয়া আমি
 ফাস্তনীর রথে ।

দুৰ্ঘোষন । সাধু—সাধু যত্নপতি ।
 ধাৰ্মিকের সম করেছ প্রতিজ্ঞা,
 করিয়াছ স্থবিচার,
 কীর্তি তব গাহিবে
 ভুবনবাসী ।
 আসি আমি, আসি
 তবে যত্নপতি । (প্রস্থান)
 অর্জুন ! করিলাম নিষ্ঠুরতা ?
 (করযোড়ে) করুণায় দিয়াছ ডুবায়ে প্রভু !
 বাক্য-ক্ষুণ্ণি রুদ্ধ,
 স্নেহের পরশে স্পন্দিত
 হতেছে মর্ম্ম ।
 হে বিশ্ব সারথি !
 সারথী হইবে মোর,
 দিলে সর্বশ্রেষ্ঠ দান
 বাহ্যকল্পতরু ।
 শক্তিমোহে প্রবঞ্চিলে
 অধর্ম্মী কোরবে ।
 নহে মাত্র রণাঙ্গণে—
 এত যদি ভালবাস,
 থেক—থেক নিত্য
 হৃদয়ে আমার
 সারথী হইয়া, ধরি

ইন্দ্রিয় অশ্বের বল!
 কক্ষ রণাঙ্গনে ।
 ছলাময় জগন্নাথ !
 তুমি দীন দাসে
 উপলক্ষ্য করি,
 দেখাইলে নিত্য নীলা ।
 কোশলে যে চাহে,
 লভিতে তোমার শক্তি
 উপেক্ষি তোমায়,
 কার্যতঃ সে দুর্ঘোষন সম
 বসে শিয়রে তোমার ;
 দাও তারে শক্তি সিদ্ধি ।
 কিন্তু যেবা চাহে গো
 তোমাতে জগন্নাথ !
 শুধু তোমাতে পাইতে
 হৃদয় যাহার
 নিত্য ক্রন্দনে আকুল,
 সে বসে চরণতলে
 দীন দাস সম ;
 হও সারথী তাহার হৃদয় রথে
 কর তারে পার দুস্তর এ ভব রণস্থল
 ল'য়ে যাও চালাইয়া তারে—
 দূরে—যেথায় ভক্ত হৃদি মাঝে

নিত্য তুমি নিসেবিত,
দূরে—যেথায় মরণের
নাহি কোলাহল,
দূরে—যেথা অমৃতের
সিক্ক উছলিত,
দূরে—যেথা নিত্য উদ্ভাসিত
জ্ঞানের আলোক শুভ্র,
দূরে—যেথা সিদ্ধর্ষিমণ্ডলী
তোমারই স্বরূপ হ'য়ে
মগ্ন নিত্য ধ্যানে.
দূরে—যেথা চক্ষে চক্ষু
বক্ষে বক্ষঃ দিয়া
প্রাণটুকু লহ মিশাইয়া
আপনার প্রাণে—
দাও ঘুচাইয়া
তুমি আমি ব্যবধান ।

(সকলের প্রস্থান)

দ্বিতীয় দৃশ্য ।

পাণ্ডব শিবির ।

দ্রৌপদী ও ভীম ।

ভীম

কিসের আনন্দ এত পুরে ?
কি শুভ সংবাদ আসিল
পাণ্ডব পুরে,
দিতে মুছাইয়া ক্ষণতরে
ফলোৎকর্ষা ভাবী সময়ের ?
কৌরবের বিপুল বাহিনী
শৃঙ্খলিত সুসজ্জিত,
দুর্যোধন সজীব সমান,
অভিন্নহৃদয় দুঃশাসন,
কৃষ্ণ এলোকেশা,
কিসের আনন্দ এত ?

দ্রৌপদী

নিত্যানন্দ সখা যাহাদের,
নিত্যানন্দরোল সেখা কি
বিলুপ্ত রবে ?
নিরানন্দ যাবে নাকি দূরে,
ছিন্ন মেঘ খণ্ড সম
মুক্ত করি অদৃষ্টের
গগন প্রাঙ্গণ ?

ভীম ।

কিন্তু যতক্ষণ—

দ্রৌপদী । যতক্ষণ নাহি হয় অপগত—
 ভীম । যতক্ষণ বিদ্বশেল
 নাহি হয় উৎপাটিত ।
 দ্রৌপদী । যতক্ষণ চরণে কণ্টক
 দেয় ক্ষীণ ব্যাথা পদ বিক্ষেপণে,
 সে ব্যাথা কি গ্রাহ্য করে
 আনন্দ ধামের যাত্রী—
 স্বয়ং আনন্দময়
 সার্থী হ'য়ে যান যদি
 অগ্রভাগে দেখাইয়া পথ ?
 শুধু তাহা নয়—
 করেছেন অঙ্গীকার
 সখা ভোমাদের,
 হবেন সারথী রণে
 ফাস্তুনীর রথে ।
 জগন্নাথ সারথী সমরে
 নুঝিলে কি ?
 ভীম । কি বলিলে ?
 দ্রৌপদী । জগন্নাথ দিয়াছেন
 আপন বাহিনী
 কোরবের পক্ষভুক্ত করি ।
 আপনি নিরস্ত্র
 আছেন পাণ্ডব পক্ষে ।

দিয়াছেন শক্তি স্বীয়
 শক্তি মুগ্ধ জীবে ;
 প্রাণময় প্রাণ,
 প্রাণটুকু ল'য়ে
 এসেছেন করিবারে প্রাণময়,
 প্রাণ যারা দেছে তাঁর পায় ।
 বল কেবা জয়ী প্রাণনাথ ?

ভীম ।

কৃষ্ণ—পাণ্ডব পক্ষে ?

দ্রৌপদী ।

তাই এ আনন্দ উচ্ছ্বাস ।

ভীম ।

(গদা নামাইয়া) শ্রীকৃষ্ণ—পাণ্ডব পক্ষে !

দ্রৌপদী ।

হ'লে নাকি বলহীন ?

ভীম ।

(গদা ছাড়িয়া) শ্রীকৃষ্ণ—(দীর্ঘশ্বাস)

দ্রৌপদী ।

উচ্চকণ্ঠে ডাক জগন্নাথে ।

ভীম ।

(ক্ষণেক চুপ করিয়া) জগন্নাথ !

আরও উচ্চ—আরও উচ্চকণ্ঠে,

ব্রহ্মরক্ষে চড়ি

লইব এ নাম রণাঙ্গনে ।

(গদা উঠাইয়া) যবে শ্রীকৃষ্ণ চালিত

পাণ্ডব বাহিনী

করিব মথিত নাম বলে ।

শুন—শুন কৃষ্ণ রক্ষিবে পাণ্ডবে,

ভীম রক্ষিবে কোঁরবে ।

বিদায় প্রেয়সী ।

ব'ল কৃষ্ণে ধর্মরাজে
 আর যত ভ্রাতৃবন্দে,
 ভীম আজি হ'তে কৌরবের দলে
 রহস্ত সুন্দর !

দ্রৌপদী ।

ভীম ।

কে বাঁধিবে এলোকেশ মোর ?
 হাসিও না নহেক রহস্ত ।
 স্থির বলি শুন,
 নহে এ সমর পাণ্ডবে কৌরবে ।
 যুদ্ধ ধর্মার্থে ।
 একদিকে নারায়ণ
 রক্ষিত ধর্মরাজ,
 অগ্রে কুরুবন্দ অধর্ম আশ্রিত ।
 ধর্ম ও অধর্ম এ আদর্শ রণ—
 চাহি এর সনে হেরিতে সমর
 নামে ও নামীতে ;
 দেখি কেবা বলবান
 নাম কিংবা নামী ।
 চিরদিন ধর্ম শিরে ল'য়ে,
 নাম বলে তাঁর
 পাইয়াছি পরিত্রাণ
 মহত্ব সঙ্কটে,
 জানি, চিরদিন
 নাম বলে লভেছি বিজয়,

রহিব বিজয়ী চিরদিন ।
 বল পরীক্ষার দিনে,
 কুরুক্ষেত্রে করেছিছু সাধ,
 নাম বলে দলিব অধর্মে,
 দেখায়ে জগতে—নাম বল
 করে অতিক্রম শক্তি বিধাতার ।
 ভেবেছিছু শ্রীকৃষ্ণ রবেন নিরপেক্ষ,
 নামের সম্পদ অর্পিয়া পাণ্ডবে ।
 বিশ্বের সারথী,
 সারথী হইয়া যদি
 ফাস্তুনীর রথে রহেন পাণ্ডব পক্ষে,
 নাম নামী উভয় যত্বপি
 এক পক্ষে করে রক্ষা,
 হবে অসমান রণ
 কৌরবের সনে ।
 কিবা তৃপ্তি লভিব দ্রৌপদী
 বধিয়া দুর্বলে রণে ।
 হবে তুল্য বল
 আমি যদি নাম বলে
 রক্ষি দুর্ঘোষনে ।
 জানে প্রতিজ্ঞনে,
 সমর্থ নামের বল
 অধর্ম দলিতে ;

দেখুক জগত—

নামী হ'তে নাম বলবান ।

ল'য়ে জগন্নাথ নাম মুখে

জগন্নাথে দলিব সমরে ।

দ্রৌপদী ।

তারপর ?

ভীম ।

তারপর দিব ফিরাইয়া

ধর্মরাজে সাম্রাজ্য সম্পদ ;

শুধু লব কাড়ি

সত্য কৃষ্ণাধনে,

আর কভু ধর্মবলে বলী ধর্মরাজ,

না পারে রাখিতে পণ

তারে দ্যুত রঙ্গে ।

দ্রৌপদী ।

হ'ত ভাল মধ্যম পাণ্ডব,

যদি নাম নামী কভু থাকিত পৃথক্ ।

যতক্ষণ নামে ও নামীতে

রহে ভেদ জ্ঞান,

ততক্ষণ মিটে কিহে সাধ

সাধকের সাধন সমরে ?

নাম নামী যতক্ষণ নাহি হয় এক,

ততক্ষণ বৃথা সে সাধনা ।

ভীম ।

কিন্তু নামে নামে যতক্ষণ

নাহি আসে নামী

নামিয়া সাধক হুদে,

লইতে প্রণাম তার,
 ততক্ষণ সংগ্রাম বিপুল
 নামে ও নামীতে ।
 ততক্ষণ মর্মান্বিত আর্তনাদ
 ব্যাকুল জীবের, করে উচ্চরব
 জগন্নাথ জগন্নাথ করি ।
 ততক্ষণ জগতের নাথ
 নাম বল দিতে বাড়াইয়া
 যায় সরি সরি
 দূর হতে দূরান্তরে ।
 যায় সরি—টানে পিছু ফিরে
 আয় আয় করি
 দুর্বল সাধক জীবে ।
 চোর সম গুপ্ত পথে কভু
 প্রবেশিয়া হৃদয় কন্দরে
 মর্মে দিয়া কোমল পরশ
 যায় পুনঃ সূদূর আকাশে মিলাইয়া ।
 হাহাকার—হাহাকার ক'রে উঠে জীব
 জগন্নাথ জগন্নাথ করি ।
 লম্পট তোমার সখা
 শ্রীকৃষ্ণ প্রেয়সী ।
 চাহি অই নাম গদাঘাতে
 চূর্ণিতে চরণ তার,

দ্রৌপদী

রহে যেন স্বাগু হ'য়ে
ভীমের হৃদয় মন্দিরে ।
আপন চাঞ্চল্য বশে
হের যদি চঞ্চল নিয়ত
গগনের চাঁদে,
সে দোষ কি
চন্দ্রে হয় আরোপিত ?
সে কি যায় পলাইয়া,
সে কি যায় সরে
সঁপিলে আদরে তারে হৃদয় আসন ?
নিত্য স্বাগু সে যে
প্রতি অণু মাঝে,
গতিহীন অগতির গতি ।
স্বীয় গতি বশে
কেন হের তারে
গতিশীল চঞ্চলতাময় ?
নিত্য ধন তিনি, নিত্য পূজাময়,
কর হে জীবন ধন্য ;
ভাস নিত্য আনন্দ উল্লাসে
রণে কি মরণে ।
এস নাথ শুভ মঙ্গল প্রভাতে
হবে শুভ রণ,
কর আজি শুভ অধিবাস । (প্রস্থান) ।

তৃতীয় দৃশ্য ।

রণস্থল—

কাল-প্রভাত ।

অর্জুন ও শ্রীকৃষ্ণ ।

অর্জুন ।

উভয় সেনার মাঝে,
রাথ রথ হে অচ্যুত
ক্ষণেকের তরে ।
নেহারি বাবেক
কে কে আছি রণ প্রার্থী—
কে কে অরি সাজে,
কেবা মিত্র হ'য়ে
আসিয়াছে সম্প্রদান
করিতে জীবন
এ ভীষণ রণাঙ্গনে ।

শ্রীকৃষ্ণ ।

হের পার্থ শত্রু মিত্র তব,
ভীম রণোল্লাস ল'য়ে বক্ষে,
সুহৃভাবে রয়েছে দাঁড়িয়ে,
প্রভঞ্জন বহনের পূর্বক্ষণে যথা
থাকে স্তব্ব বায়ুর সাগর ।
ভীম, জ্রোণ, কর্ণ, অশ্বখামা,
দুর্ষ্যোধন, দুঃশাসন আদি

ঐ শুন করিতেছে ভীম শঙ্খনাদ ।

(কৌরবের শঙ্খনাদ)

বিরাট, সাত্যকি, শৈব্য,

কুস্তিভোজ, দ্রুপদ প্রভৃতি,

তব পক্ষে করিছে উল্লাস ।

হের পার্থ, পূর্বাকাশ

নবীন রক্তিমরাগে

উঠেছে জলিয়া,

দিয়া পূর্বাভাস

তপ্ত রক্ত বীরেন্দ্রবর্গের

ভাগাইবে কুরুক্ষেত্র

যেই রক্তরাগে ।

করি শঙ্খনাদ

কর বিচঞ্চল শত্রুর হৃদয় ।

(শ্রীকৃষ্ণের শঙ্খনাদ)

অর্জুন ।

ক্ষান্ত হও হে কেশব ।

যশস্থল উঠিল কাপিয়া,

বিশুদ্ধ হইল ওষ্ঠাধর,

গাণ্ডীব পড়িছে খসি,

যশসিক্ত কলেবর,

সহসা ভারিছে বৃকে

বিষাদের ভয় ।

যে দিকে নেহারি,

অরি নাহি দেগি
 সবাই যে মিত্র মোর
 আবদ্ধ রক্ত সম্বন্ধে ।
 কার অঙ্গে ছাড়িব এ তীক্ষ্ণ বাণ
 পশিবে না যাহা
 আমারি হৃদয়ে ফিরি,
 বন্ধু হত্যা শোকোচ্ছ্বাস রূপে ।
 গুরু হত্যা, আত্মীয় হনন,
 কুলক্ষয়, ধর্ম-সংগ্রামের
 ইহাই কি বিজয় নিশান ?
 যাহাদের ক্রোড়ে
 হইয়াছি লালিত পালিত,
 রুধিরে তাদের
 ভাসালে মেদিনী বক্ষ
 হবে নাকি মহা পাপ ?
 হবে নাকি মহা পাপ
 আচার্য্য বধিলে,
 শিক্ষা যার প্রতি বাণক্ষেপে মোর
 হবে উদ্বোধিত ?
 বীর শূন্য করি বসুন্ধরা,
 কাঁদাইয়া কুলের কামিনী,
 কারে ল'য়ে করিব সাম্রাজ্য ভোগ
 বীর হীন হইলে মেদিনী

হবে ছুটা কুলনারী,
হবে উৎপাদন বর্ণশঙ্করের ।
চাতুর্কর্ণ ধর্ম যদি
এসেছ রক্ষিতে—
আজি এ সমরাজনে,
কহ হে কেশব,
কেমনে ধরিব অস্ত্র,
জ্ঞান চক্ষে হেরি যদি বিপরীত ফল ।
যাক রাজ্য, যাব ফিরি পুনঃ
অরণ্য নিবাসে ।
অথবা হে কংসারি মুরারি,
রব দাস হ'য়ে চিরতরে কোঁরবের ।
তবু বিষম স্বজন হত্যা
নারিব করিতে ।

শ্রীকৃষ্ণ ।

সহসা আসিল পার্থ
কোথা হ'তে বিষম এ মোহ জাল ?
ক্ষুদ্র হৃদয় দৌর্কল্য
কোথা হ'তে আসি
আবরিল বীরত্ব তোমার ?

অর্জুন । ৯

ফিরাও ফিরাও রথ হে সখা,
মিত্র বধ করি
লভিতে সাম্রাজ্য
বিন্দু মাত্র না চাহে হৃদয় ।

শ্রীকৃষ্ণ ।

নীচোচিত বাক্য হে অর্জুন ।

বিমুখ হইলে রণে,

উপহাস করিয়া কৌরব

ঘোষিবে জগতে,

শঙ্কিত গান্ধীবী রণে ।

ছিঃ—ছাড় দুর্বলতা

উঠ—কর শঙ্খধ্বনি পুনঃ ।

অর্জুন ।

সমস্তায় কল্পিত হৃদয়,

ধর্ম্মাধর্ম্ম অশক্ত বুঝিতে ।

হে অচ্যুত !

ত্যাঞ্জিলাম ধনুঃশর

চরণে তোমার ।

আজি নহ সখা মাত্র তুমি,

নহ মাত্র সারথী পার্থের,

নহ তুমি যদুপতি,

তুমি গুরু—

তুমি গুরু মোর,

যুক্তি প্রার্থী শিষ্য আমি,

সমর্পণ করিছু চরণে

ধর্ম্মাধর্ম্ম ভার,

দাও গুরু দাও বুঝাইয়া,

দাও খুলি নয়নের মোহ আবরণ—

“শিষ্যস্তেহহং শাধি মাং স্বাং প্রপন্নম্ ।”

শ্রীকৃষ্ণ ।

শুন পার্থ,
 আজি দিব দিব্যজ্ঞান ।
 আদর্শ এ রণস্থল জীব হৃদয়ের ।
 নহে মাত্র কুরুপাণ্ডবের মুখ,
 পুনঃ বলি আদর্শ এ রণস্থল ।
 আদর্শ সাধক তুমি,
 আমি আদর্শ পুরুষ ।
 প্রতি জীব হৃদে
 বহে বিষাদের ধারা
 ঠিক এইরূপে, প্রতি জীব কাঁদে
 হেরে যবে জীবনের সন্ধিক্ষণে,
 লভিতে আমারে
 হয় ছাড়িবারে সংসারের মায়া ।
 মায়া মুগ্ধ জীব,
 হয় আত্মহার।
 প্রকৃতি পরশে,
 ভাবিয়া প্রকৃতি ভিন্না
 আমি হ'তে ।
 দুই টানে পড়ি কাঁদে
 করি হাহাকার ।
 তোমারি মতন
 গুরু বলি যবে
 ধরে জড়াইয়া আমার চরণ,

দিই খুলি জ্ঞান আঁখি
 অস্তরে থাকিয়া ।
 বুদ্ধিযোগে করি অধিকারী—
 দিই শিক্ষা
 প্রকৃতি পুরুষ নহে ভিন্ন ।
 এক—একমাত্র আমি,
 জীব স্নেহে সাজিয়া প্রকৃতি,
 রহিয়াছি বিশ্বরূপে
 সাজি চারিধার ।
 বহুদিক্ হ'তে বহুরূপে
 কেড়ে লই প্রাণ তার,
 সাজাইয়া বহুরূপে
 বহুরূপ স্নেহের পীড়নে ।
 খণ্ড খণ্ড রূপে, খণ্ড খণ্ড করি
 টেলে দেয় প্রাণ আপনার জীব
 জগতের পদে ।
 জানে না সে আমারি চরণ
 অন্ধভাবে পূজিছে নিয়ত ।
 হ'য়ে পূর্ণ আত্মহারা
 বিশ্ব বিষয়ের রসে
 পড়ে যবে জীব,
 লই কাড়ি তাহা
 ডুবাইয়া ক্ষণেকের তরে

হতাশের আকুল ক্রন্দনে ।
 সেইক্ষণ—সেই সেইক্ষণ
 জেন বৎস পার্থ,
 মহাসন্ধি জীব জীবনের ।
 সেই—সেইক্ষণে দিই শিক্ষা
 প্রকৃতির মধ্যস্থলে থাকি,
 আমি টানিয়াছি তারে
 বাধিবারে নিত্য আলিঙ্গনে ।
 বুদ্ধি সহযোগে
 যেবা হেরে মোরে
 সর্বভূতের হৃদয়,
 হেরে যবে রয়েছে আমাতে
 গ্রথিত এ বিশ্বরাজি,
 সদা তারে রাখি
 চোখে চোখে ।
 “যো মাং পশ্যতি সর্বত্র
 সর্বংচ ময়ি পশ্যতি ।
 তস্মাহং ন প্রণশ্যামি
 স চ মে ন প্রণশ্যতি ॥”
 কর্মক্ষেত্র রণক্ষেত্র এক ।
 কর কর্ম ভাবিয়া নিয়ত
 তুমি করিছ পালন
 আমারি আদেশ ।

হের জ্ঞান চক্ষে,
 জননীর মত
 প্রতি কর্ণে কর্তা সাজি,
 অকর্তা হইয়া
 দিই স্নেহধারা ঢালি ।
 চন্দ্র সূর্য্যাকারে
 মন প্রাণ রাখি উজ্জীবিত ।
 ধরিত্রী রূপেতে মাতৃসম
 ধরি বক্ষে তোমাদের,
 জলাকারে করি রস দান,
 বায়ু রূপে রাখি ডুবাইয়া
 জীবন সমুদ্রে,
 ব্যোমাকারে প্রতি অনুরূপে,
 ডাকিতেছি নিত্য পার্থ
 আয় শিশু—আয় কোলে মোর ।
 যাহা কিছু কর,
 যাহা কিছু হের,
 আমাতে বিলীন সব ।
 আমি প্রাণ তোমাদের,
 তোমরা আমার প্রাণ
 আদরের নয়ন পুতলী ।
 আমি শূন্য নহে পরমাণু ।
 যাহা হের ছ'নয়নে

ଆମେନ୍ତ ବ୍ରଜ

ଜେନ ଆମି ତାହା,
ଯାହା ଶୁନ, ଆମି ତାହା,
ଯାହା କର ଆସ୍ବାଦନ,
ଯାହା କର ଛାଗ,
ଯାହା କରାୟା ପରଶ
ହଓ କଣ୍ଟକିତ
ବିଷୟ ବେଦନେ.
ଜେନ ଆମି—ଆମି ଯାତ୍ର ତାହା
କେବା କରେ ହତ୍ୟା,
କେବା ହୟ ହତ,
କେବା କାରେ କିବା ଦେୟ
ସୁଖ କିଂବା ଶୋକ ?
କର୍ମରୁପେ ଆମି ଅର୍ପନ,
ଦାନରୁପେ ଆମି ଦେୟ ।
ଆମି ଲଈ ସତ ଦାନ
ମାଞ୍ଜିୟା ଗୃହୀତା,
ପୁନଃ ଆମି ଦାତାରୁପେ
କରି ସମ୍ପ୍ରଦାନ ।
ଏହିରୁପ କର୍ମାକାରେ
ଆମି ଯାହି ଆମାରହି
ଅନ୍ତନେ ଫିରି
ନିତ୍ୟ ସତ୍ୟଧାୟେ ।
ବୃକ୍ଷ, ପତ୍ର, ପୁଷ୍ପ,

চন্দ্র, সূর্য্য, জল, স্থল,
 পশু, পক্ষী, কীট, পরমাণু,
 মনুষ্য, দেবতা, ব্রহ্মা, বিষ্ণু, মহেশ্বর,
 আমি—আমি মাত্র ।
 আমি গতি, আমি ভর্তা
 প্রভু সাক্ষী আমি,
 জীবের নিবাস আমি
 শরণ স্হদ,
 প্রভব প্রলয় স্থান
 বিশ্ব বিশালের,
 আমি মাত্র সকলের বীজ ।
 হ'য়ে সর্বেশ্রিয়ময়
 সর্বভূতে নিত্য আমি
 হইতেছি প্রতিভাত ।
 দিই দিব্য আশি
 কর দরশন । (শ্রীকৃষ্ণের অন্তর্দান)

(অর্জুনের বিশ্বরূপ দর্শন)

অর্জুন ।

“পশ্যামি দেবাংস্তব দেব দেহে,
 সর্বাংস্তথা ভূতবিশেষসম্ভ্যাম্ ।
 ব্রহ্মাণমীশং কমলাসনস্থ-
 যুধীংশ্চ সর্বাভূয়গাংশ্চ দিব্যান্ ॥”

দেববালাগণ

হেরিষু বিশ্বরূপ স্হদৃশ্য
 হে দেব দেব জীব নিবাস ।

- কমলযোনি
ত্রিশূলপাণি
ঋষি ভূজঙ্গ তব প্রকাশ ॥
- অর্জুন । “অনাদিমধ্যাস্তমনস্তবীৰ্য্য-
মনস্তবাহুঃ শশি সূর্য্যনেত্রম্ ।
পশ্যামি ত্বাং দীপ্তহতাশবক্রুং
স্বতেজসা বিশ্বমিদং তপস্কম্ ॥”
- দেববালাগণ । অনাদি অনস্ত ভূজ অনস্ত
অসীম বীৰ্য্য অসীম কায় ।
রবীন্দু নেত্র হতাশ বক্রু
ভুবন তপ্ত স্বতেজে হায় ॥
- অর্জুন । “অমী হি ত্বাং সুরসজ্জা বিশস্তি,
কেচিন্দীতাঃ প্রাঞ্জলয়ো গৃণস্তি ।
স্বস্তীতুক্তা মহর্ষিসিদ্ধসজ্জাঃ
স্তবস্তি ত্বাং স্ততিভিঃ পুঙ্কলাভিঃ ॥”
- দেববালাগণ । ওই দেব সব পশিছে গায়
কেহবা চকিতে পড়িছে পায় ।
বলিয়া স্বস্তি করিছে স্ততি
মহর্ষি সিদ্ধ মহিমা গায় ॥
- অর্জুন । “নমঃ পুরস্তাদথ পৃষ্ঠতন্তে
নমোহস্ত তে সৰ্বত এব সৰ্ব ।
অনস্তবীৰ্য্যামিতবিক্রমস্বঃ
সৰ্বঃ সমোপ্রোসি ততোহসি সৰ্বঃ ॥”

চতুর্থ দৃশ্য]

শাম্ভের বল

দেববালাগণ । পুরতঃ পরিতঃ প্রণতি পায়
অখিল বিশ্ব জুড়িয়া কায় ।
তোমাতে সর্ব তুমিই সর্ব
হেরিছু বিশ্ব তোমাতে লয় ॥

সকলে । জয় জয় জয় দেব হরে
জয় জয় জয় দেব হরে ।

(প্রস্থান) ।

চতুর্থ দৃশ্য ।

রগস্থল ।

ভীষ্ম ।

ভীষ্ম । পতিত পাবনী সুরধুনী
ত্রিতাপ নাশিনী গঙ্গে
জননী আমার ।
স্মরি তাঁরে কায়মনপ্রাণে
নিত্য আমি ব্রহ্মচারী ।
কিন্তু কই জালা ত ঘোচেনা ।
কেন জীবে এ বৈষম্য ?
পতিত পাবনী যা—
পুত্র নিপতিত ।

মা ত্রিতাপ নাশিনী—
পুত্র তাপদগ্ধ ।
মা দুঃখ নিবারণী—
পুত্র দুঃখময় ।
মা রাজ-রাজেশ্বরী—
পুত্র পথের ভিখারী ।
মা সৰ্বশক্তিময়ী,
জ্ঞানময়ী, নিত্যানন্দময়ী—
পুত্র শক্তিহীন, দীন,
অজ্ঞান, নিত্য বিষাদমগ্নিত ।
শুদ্ধা, বুদ্ধা, নিধূত পাপা,
ব্রহ্মাণ্ডের বিমল আশ্রয় মাতা—
পুত্র ক্লিন্ন, পাপময়, মোহাচ্ছন্ন,
জগতের ধুলির আশ্রিত ।
মা দেবতার অধিষ্ঠাত্রী—
পুত্র কামনার দাস ।
মা চৈতন্য—পুত্র জড়,
মা জ্ঞান—পুত্র অজ্ঞান,
মা আলো—পুত্র ছায়া,
মা চিদানন্দ বিমল উল্লাস—
পুত্র নিরানন্দ মলিনতাময় ।
মা মৃত্যুঞ্জয় শিরে—
পুত্র মৃত্যুর তিমিরে ।

কেন এ বৈষম্য ?
 মাতা কি নিশ্চয় ?
 অসম্ভব ।
 চাহিনা বলিতে মা—
 চাহি সাম্রাজ্য, সম্পদ, কীর্তি, যশ,
 ধরণীর ছাই ভয় যত,
 চাহিনা তোমারে—
 রাখি উপেক্ষায় অলক্ষ্যে ফেলিয়া ।
 তাই মা, অলক্ষ্যে তুমি,
 তাই অলক্ষ্যে থাকিয়া,
 অলক্ষ্যে ঢালিয়া স্নেহবারি,
 কর জীবে স্নেহ জ্ঞান দান,
 বাহিরে দেখায়ে শাসনের রক্ত আঁখি ।
 যবে চাহে অজ্ঞান জড়িত স্বরে,
 যবে মা বলিয়া শিশুসম
 দেয় জীব ভূমে গড়াগড়ি,
 হও আবিভূতা, পুণ্যবপু করিয়া প্রকাশ,
 উন্মাদিনী সম ছুটে আস—
 আলু থালু বেণে—
 স্তনে উথলিত পীযুষের ধারা—
 চক্ষু অশ্রুভরা—
 বিশ্রান্ত বসন—
 বিস্তারি সহস্র বাহু

তুলে লও বক্ষে ধর জীবে
চিরদিন তরে ।

মা মা এস—

বারেকের তরে, বৃদ্ধ এ দীনের
জীবনের এই সঙ্কীর্ণে,
যেখানে সে সত্যব্রত হ'য়ে
সত্যের বিরুদ্ধে যন্ত্র রণে
শুধু দাসত্বের অনুরোধে ।

একবার এস—

একবার আসি ল'য়ে যাও
পুলে ফিরাইয়া তোমার স্নেহের রাজ্যে ।
ছরিতবারিণী মা—' ।

(দুর্ঘোষনের প্রবেশ)

দুর্ঘোষন ।

ছিল ভাল হ'য়ে নিরাশ্রমী,
অরণ্যের মধ্য গিয়া
গাহিলে এ ক্রন্দনের গীতি ।
ক্রুর এ সমরাক্ষনে,
অস্ত্রের বানবানা,
বাণের গর্জন,
আহতের আর্তনাদ,
রাক্ষসের রক্ত ক্রীড়া মাঝে
নাহি মাতৃস্তন, দিতে স্তনধারা
বৃদ্ধ শিশু ভীষ্মের অধরে ।

ল'য়ে বিপুল বাহিনী আপন অধীনে,
 মাতি রণরঙ্গে,
 ভুলি বীরের হুকার,
 মা মা করি শিশু সম
 করিছ ক্রন্দন ।

মস্তমুগ্ধ হইয়াছ অথবা উন্মাদ ;
 হারায়েছ বুদ্ধি বার্ককোর মোহে ।
 তাই প্রতিদিন পাণ্ডবের কাছে
 হইতেছ অপদস্থ ;
 অথবা স্বেচ্ছায় দিতেছ পাণ্ডবে
 বিজয় সুর্যোগ ।

ভীষ্ম ।

ক্ষান্ত হও—
 কভু শিখ নাই বাক্যের সংযম,
 যাও ভুলি আপন মর্যাদা ।
 অসাধ্য পাণ্ডব বধ
 বলিয়াছি বার বার ।
 ইচ্ছা করি বীর কভু করিয়া প্রতিজ্ঞা,
 জয়ের সুর্যোগ নাহি দেয় শক্রগণে ।
 ভাব কি কপটাচারী গঙ্গার তনয় ?
 শুন দুর্ঘোষন, আবার বলি
 পাণ্ডব বিজয় সাধ প্রলাপ তোমার ।

দুর্ঘোষন ।

ভুল কিংবা কহিতাম মিথ্যাকথা,
 অন্তে যদি কহিত সন্মুখে মম,

অজের পাণ্ডব ।
 জানি আমি মুহূর্তের মাঝে
 পার তুমি বধিতে পাণ্ডবে ।
 ইচ্ছা নাহি পিতামহ তব
 পাণ্ডব নিধনে ।
 কাজ নাই রণ ।
 দাও হস্তিনা নগরী তুলি
 বুদ্ধিষ্টির করে ।
 লহ এ কিরীট (কিরীট চরণে রক্ষা)
 যাই চলি ছাড়ি লোকালয় ।

(ভীষ্ম কর্তৃক দুর্ষ্যোধনের মস্তকে কিরীট প্রদান)

ভীষ্ম । অসাধ্য পাণ্ডব বধ দুর্ষ্যোধন ।
 শ্রীকৃষ্ণ রক্ষিত তারা
 কি করিব আমি ?
 দুর্ষ্যোধন । সাধ্য ভীষ্মের ।
 কহিব উচ্চকণ্ঠে
 সাধ্য ভীষ্মের—
 সাধ্য ভীষ্মের মুহূর্তে পাণ্ডব বধ ।

ভীষ্ম । বুদ্ধিব্রষ্ট তুমি কুরুরাজ ।
 দুর্ষ্যোধন । মূর্থ বুদ্ধিব্রষ্ট সেই,
 যে করিবে অবিশ্বাস
 আমার এ সত্য বাক্যে ।
 মুহূর্তের মাঝে

পারে ভীষ্ম বধিতে পাণ্ডবে,
 ছাড়ে যদি বৈষ্ণবাস্ত্র
 দুর্লভ অজেয় ।

* ভীষ্ম । এঁা—বৈষ্ণবাস্ত্র !
 দুর্ঘোষন । হাঁ—বৈষ্ণবাস্ত্র ।
 ভীষ্ম । তবু অসম্ভব ।
 বুঝি যদিও সে বাণ
 বিফল না হয় কভু,
 যদিও অদমা, তবু—
 ভাল দুর্ঘোষন, রহুক জগত সাক্ষী,
 শ্রুতিজ্ঞার অনুবোধে
 ছাড়িব এখনি অজেয় বৈষ্ণবী শর ।
 (বৈষ্ণবাস্ত্র গ্রহণ করিবে)
 যাও পুণ্যবান
 বিষ্ণুশক্তি স্তম্ভিত ।
 যাও বিরুদ্ধে তোমার
 যে কেহ দাঁড়াবে অস্ত্রধারী,
 কর তারে বধ
 হোক যাহা হয় গায় বা অগায় ।
 যাও মহাতেজে মহাদর্পে
 গর্জনে ছাইয়া বিশ্ব,
 যাও—যাও বাণ পাণ্ডবাভিমুখে ।
 বুক কোঁরব, নহে ভীষ্ম বিশ্বাসঘাতক । (প্রস্থান)

ছর্ষোধন । হউক নির্মূল পাণ্ডুকুল । (প্রস্থান)
 (নেপথ্যে) পাণ্ডবপক্ষীয় বীর যত
 অস্ত্র-শস্ত্র ত্যজি, ক্রত
 দাঁড়াও পশ্চাৎ ফিরি
 কৌরবের দিকে—পার্শ্বের আদেশ ।
 (যুধিষ্ঠির, নকুল ও সহদেবের ক্রত প্রবেশ)
 যুধিষ্ঠির । ভঙ্গ দিল রণে কি অর্জুন ?
 কেন পাণ্ডব বাহিনী
 হইছে পশ্চাৎমুখ ছাড়ি প্রহরণ ?
 কি আদেশ করিছে ঘোষণা
 শুনরে নকুল ক্রত ।
 (নেপথ্যে) পাণ্ডবপক্ষীয় বীর যত
 অস্ত্র-শস্ত্র ত্যজি, ক্রত
 দাঁড়াও পশ্চাৎ ফিরি
 কৌরবের দিকে—পার্শ্বের আদেশ ।
 আসিতেছে বৈষ্ণবাস্ত্র ভীষ্ম নিয়োজিত,
 যে রহিবে অস্ত্রধারী
 কৌরব সম্মুখে
 ধ্বংস তার অনিবার্য ।
 যুধিষ্ঠির । “ ছাড় অস্ত্র—ছাড় অস্ত্র সবে,
 দাঁড়াও পশ্চাৎ ফিরি,
 ভীষ্মে জানাও ঘোষণা সহদেব ;
 ক্রত যাও—ক্রত যাও ।

(শ্রীকৃষ্ণ ও অর্জুনের প্রবেশ)

অর্জুন ।

বীরবৃন্দ দাঁড়াও পশ্চাৎ ফিরি

তাজি প্রহরণ ।

আসিতেছে বৈষ্ণবাস্ত্র,

যে রহিবে বিরুদ্ধে তাহার

ধ্বংস তার অনিবার্য্য ।

ওই হের, দিগন্ত উজলি

উঠিয়াছে গগন মণ্ডলে

দীপ্ত ভাষু স

বৈষ্ণবীয় বাণ ।

ছাড় অস্ত্র— ত্র অস্ত্র

ফিরাও পশ্চাৎ ।

(সকলে অস্ত্র ত্যাগ পূর্বক পশ্চাৎ ফিরিল ।)

(ভীমের প্রবেশ)

ভীম

সহসা সমর হইল স্থগিত কেন ?

কেন ছাড়িতেছে অস্ত্র-শস্ত্র

পাণ্ডবীয় চম্, কেন ফিরিছে পশ্চাৎ ?

কেন ব্রাহ্মবৃন্দ নত শির

অস্ত্রহীন হ'য়ে শ্রীকৃষ্ণের সহ

দেখাইছে পৃষ্ঠ অরি দলে ?

কি ঘটিল ধর্মরাজ ?

যুধিষ্ঠির ।

ছাড় অস্ত্র—ছাড় অস্ত্র

আসিছে বৈষ্ণবী বাণ ।

- ভীম । বৈষ্ণবী বাণ ?
- অর্জুন । পিতামহ মন্ত্রপুতঃ করি,
ছাড়িয়াছে বাণ
অদম্য অপরাভ্য়েয়
বিষ্ণুশক্তি মূর্তিমান ।
যে বহিবে অস্ত্রধারী
বিরুদ্ধে তাহার,
হবে ধ্বংশীভূত ।
- ভীম । হবে ধ্বংশীভূত ?
- যুধিষ্ঠির । হের ভীম, কালানল সম
উঠিয়াছে দিগন্ত উজলি,
কাল যেন উন্মুক্ত ক'রেছে
করালবদন স্বীয় সর্বলোকগ্রাসী ।
ছাড় অস্ত্র বৃকোদর,
দাঁড়াও পশ্চাৎ ফিরি ।
- ভীম । ছাড় অস্ত্র—
দাঁড়াও পশ্চাৎ ফিরি—
অরিরে দেখাও পৃষ্ঠ !
উন্মাদ কি হ'ল পার্থ ?
- অর্জুন । বিলম্ব করোনা, হের সন্মুখ আকাশে ।
(সহসা আকাশ রক্তবর্ণ হইল)
- ভীম । হাঁ—হাঁ—অগ্নিময় হইয়াছে দিক ।
- অর্জুন । অগ্নিময় নহে, বাণ বৈষ্ণবীয় ।

ভীম ।

বাণ বটে ! কর বিখণ্ডিত

টঙ্কারি গাণ্ডীব বীর ।

অর্জুন ।

অসম্ভব, অজ্ঞেয় বৈষ্ণবী বাণ

অব্যবহার্য রণে ।

পিতামহ দুৰ্য্যোধন অমুরোধে—

ভীম ।

হাঁ—হাঁ—চূর্ণিব তাহারে গদাঘাতে । (গমনোচ্ছত)

অর্জুন ।

(বাধা দিয়া) কিন্তু লহ ত্রাণ অগ্রে ।

ভীম ।

গাণ্ডীব যত্নপি তব

অশক্ত অর্জুন

কাটিতে বৈষ্ণবী বাণ,

আছে গদা মোর

ভয় কি ফাস্তনী ?

আমি জ্যেষ্ঠ তোর রয়েছে জীবিত

চূর্ণিব ও তুচ্ছ বাণ ।

যাও বীর ধর ধনু ।

(আলিঙ্গন করিয়া) আদরের পার্থ মোর,

অতুগৃহ দাহে বাঁচাইছ তোমাদের ভাই,

স্বন্ধে ল'য়ে হইছ উত্তীর্ণ

বিপুল তরঙ্গ ভঙ্গ,

অরিরে না দেখাও পৃষ্ঠদেশ ।

হইয়াছ বীর,

ভূমণ্ডলে সমকক্ষ তব

কে আছেরে ধনুধারী ।

ভক্তি ভোরে বেঁধেছ কেশবে ।
 শুনি যবে খ্যাতি,
 হেরি যবে নিপুণতা তব,
 পড়ে মনে বন্ধে মম ছুঙ্কপোষ্য শিশু সম
 পড়েছিলে যুমাইয়া ।

আহা সেই দিন
 তার প্রতিশোধ লব ভাই ;
 কি ভয় তুচ্ছ এ বৈষ্ণবী বাণে ?
 (উচ্চৈঃস্বরে) ভয় নাই বীর-বৃন্দ
 কর অস্ত্র উত্তোলন পুনঃ ।

অর্জুন ।

(বাধা দিয়া) ক্রান্ত হও ক্ষণতরে ।
 (ভীমের প্রতি) ভয়ে নহে, চাহ যদি জয়
 ক্রান্ত হও ক্ষণতরে ।
 (ভীমের কর ধরিয়া) অবিলম্বে ছাড় অস্ত্র
 কৃষ্ণের আদেশ ।

ভীম ।

কৃষ্ণের আদেশ
 করিবারে অস্ত্র ত্যাগ—
 দেখাইতে পৃষ্ঠ অরিদলে ?

শ্রীকৃষ্ণ ।

নাহি অস্ত্র পস্থা পরিভ্রাণের,
 অজ্ঞেয় এ বাণ গদাধর ।

ভীম ।

তাই যদি হয়,
 যত্বপি বৈষ্ণবী বাণ করে ধ্বংস
 অস্ত্রধারী অরাতিরে, হোক তাই ।

বীর খ্যাতি ডুবায়ে অতল গর্ভে
 চাহে যদি পাণ্ডপক্ষ বহিতে জীবন,
 ছাড়ি অস্ত্র দাঁড়াতে ফিরায়ে পৃষ্ঠ,
 ভীম পারিবে না ।

শত বিষ্ণুবাণ আসে যদি ছুটি,
 ভীম কভু ছাড়িবে না গদা
 ফিরাবে না পৃষ্ঠ রণাঙ্গনে ।

অর্জুন ।

অসংলগ্ন যুক্তি বৃকোদর ।

ছাড় অস্ত্র

সাক্ষাৎ বৈষ্ণবী-শক্তি মূর্তিমতী বাণে ।

ভীম

(শ্রীকৃষ্ণকে দেখাইয়া) বিষ্ণু মূর্তিমান

নহে কিরে পার্শ্বে তোর

অজ্ঞান বালক ?

নাম রূপে মূর্তিমান বিষ্ণু জগন্নাথ

নাহি কি হৃদয়ে ?

কে ধরেছে অশ্ববল্লা তোর ?

অর্জুন

কিন্তু উহারি আদেশ—

ছাড় অস্ত্র অমুরোধ মোর ।

ভীম ।

(সহাস্ত্রে) কভু নহে ।

এই ভক্তি ল'য়ে

কতকাল রাখিবি বাধিয়া ?

পরীক্ষা—পরীক্ষা পার্শ্ব ।

চেন না কি ও চতুরে ?

(শ্রীকৃষ্ণের প্রতি) হে মুরারি, চাহ পরীক্ষিতে
 পাণ্ডবের ভক্তি বল ?
 জনাৰ্দ্দন মধুকৈটভহারী জগন্নাথ !
 দিয়াছ আদেশ ক্ষত্র সূতে
 রণে ছাড়িবারে অঙ্গ,
 অরিদলে দেখাইতে পৃষ্ঠ
 জীবনের লোভে ।
 জানি ও চাতুরী হরি,
 ভুলায়েছ গাণ্ডীবীরে ।
 কিন্তু দেখ আছে একজন,
 বিশ্বাস যাহার অচল তোমার মত ।
 ছাড়ুক গাণ্ডীব পার্থ,
 ফিরুক বাহিনী,
 ঋব নাম বলে অচল এ ভীম ।
 ছিড়ুক ও গ্রহমালা
 নাম তব রক্ষিবে ভীমেরে ।
 আয় বিষ্ণু-শক্তি বাণ,
 বিষ্ণু মোর বক্ষে বিরাজিত ।
 গাহ প্রাণ
 হরে মুরারে মধুকৈটভারে
 গোপাল গোবিন্দ মুকুন্দ শৌরে ।
 যজ্ঞেশ নারায়ণ কৃষ্ণ বিষ্ণু
 নিরাশ্রয়ঃ যাং জগদীশ রক্ষ ॥

(মূর্ত্তিমতী বৈষ্ণবী-শক্তির আবির্ভাব)

সকলে । সৰ্বনাশ ! সৰ্বনাশ !
 শ্রীকৃষ্ণ । ফের—ফের ভীম ।
 ভীম । এস অচল এ ভীম—
 “আনন্দ মুকুন্দ গোবিন্দ রামো
 নারায়ণামস্ত নিরাময়েতি ।
 দিবি বা ভূবি বা যমাস্তবাসঃ
 কৃষ্ণেতি নাম মরণে হৃদি স্মরামি ॥”

(শক্তির অগ্রসর ও শ্রীকৃষ্ণের দ্রুতপদে ভীমের সম্মুখে গমন)

শক্তি । “জয়তু জয়তু দেব দেবকীনন্দনোহয়ম্
 জয়তু জয়তু কৃষ্ণ বৃষ্ণিবংশ প্রদীপঃ ।
 জয়তু জয়তু মেঘশ্চামলকোমলাঙ্গো
 জয়তু জয়তু পৃথ্বীভারনাশো মুকুন্দঃ ॥”

(শ্রীকৃষ্ণকে আলিঙ্গন ও শক্তির অন্তর্দান)

সকলে । হরে মুরারে মধুকৈটভারে
 গোপাল গোবিন্দ মুকুন্দ শৌরে ।
 (প্রস্থান) ।

পঞ্চম দৃশ্য ।

রগস্থল ।

ভীষ্ম ।

(রথোপরি অর্জুন ও শ্রীকৃষ্ণ)

ভীষ্ম ।

ধর্ম ও অধর্মের রণ,
ধর্ম জয়ী হবে ইহা নিশ্চিত সিদ্ধান্ত ।
উৎপীড়ন প্রবঞ্চনা
ভিত্তি যে রাজ্যের,
কুটিলতা যাহার সোপানশ্রেণী,
কুলনারী সঙ্ঘমদলন
বঁজয় কেতন যার,
অনিবার্য পতন তাহার ।
তবে কেন বিড়ম্বনা সময়ের ?
নারায়ণ যদি আসিয়া সম্মুখে
জিজ্ঞাসেন “চাহ জয় কোন পক্ষে”
কহিব সরল সত্য
প্রাণ যাহা চাহে—
জয়যুক্ত হউক পাণ্ডব ।
তবে কেন বিড়ম্বনা ?
কর্তব্য, প্রতিজ্ঞা,
সত্য রক্ষা—ব্রত জীবনের ।

সত্য মহিমায় চাহি
 রহিতে নিমগ্ন
 তুচ্ছ করি জগতের সুখ দুঃখ যত ।
 সত্যব্রত হ'য়ে সত্যের বিরুদ্ধে
 সত্য অমুরোধে ধরিয়াছি অস্ত্র
 অসত্যের অমুকুলে ।
 দেখিবে জগত ভীষ্মসম বীর
 হয় বিচূর্ণিত ধূলিকণা সম
 সত্য সেবকের পাশে ।
 আহা কি অপূর্ব রণস্থল !
 কি অপূর্ব পবিত্র দৃশ্য
 হেরিল ভুবন ছাপরের শেষভাগে ।
 হরিতে বিশ্বের ভার,
 অবতীর্ণ হ'য়ে অবনীতে
 স্বয়ং শ্রীধর ধরি অশ্ববল্লা
 সারথীর বেশে
 ভক্তরথোপরি—বিমোহনরূপ !
 নিবিড়-নীরদ-কাস্তি
 শাস্ত্র সুশীতল,
 হাস্ত মধুমাখা শ্রীমুখের শোভা,
 ক্রুর মরণের ভূমে
 দেয় জাগাইয়া
 মুক্তির বিমল স্মৃতি ।

ধন্য যারা মরিছে সংগ্রামে
 ধন্য যারা নিযুক্ত সমরে ।
 ধন্য তুমি সত্যব্রত—
 দেবতা সিদ্ধির্ষি সাধ্যা
 শিব শির বিহারিণী পতিত পাবনী
 গঙ্গা জননী তোমার
 যার পাদোদ্ভবা,
 সেই পরম পুরুষ সত্য সনাতন
 সম্মুখে সংগ্রামে ভূমে ।
 দেখে লও প্রাণ ভরে ।
 (অর্জুনের অস্ত্ররাশি আসিয়া পদে পড়িল
 ও বাণক্ষেপ করিয়া)
 দেখ যেন হয়োনা দুর্বল মন,
 ভুলিও না ব্রত
 সত্যরক্ষা, রূপে মুগ্ধ হ'য়ে যেন
 দিও না অর্জুনে বিজয় সুযোগ—
 ভদ্র হবে ব্রত । (বাণক্ষেপ)
 ধন্য বীর ফাল্গুনী ভুবনে
 ভীয়ে নাহি গণে সমকক্ষ,
 অদ্ভুত সময় শিখা ;
 ছাড়ি অস্ত্র শ্রীকৃষ্ণে লক্ষিয়া । (বাণক্ষেপ)
 সখা ! ভীষণ অস্ত্রে
 দেহ মোর অর্জুরিত ;

শ্রীকৃষ্ণ ।

ভীষ্ম ।

ক্রত কর বাণক্লেপ
 রুদ্ধ কর অস্ত্রজাল ।
 আ মরি মরি
 বাজিল শ্রীঅঙ্গে কত !
 ভ্রাস্তি—বাজে কি কখনও শূণ্ডে
 অশনির খরশান ?
 নিগুণে কি গুণের সন্ধান
 সমর্থ করিতে ভেদ ?
 আছে বাণ একমাত্র,
 পারে যাহা বুঝি বিদ্ধ করিবারে
 হৃদি বিহারীর হৃদি—
 আকুল ক্রন্দন, তীব্র মর্ষদাহ—
 পাইতে আশ্রয় তাঁর চরণের ছায়া ।
 বিধি পুনরায় অব্যর্থ সন্ধানে ।
 পাণ্ডবনিধনকল্পে ক্ষিপ্ত বৈষ্ণবাজ্ঞ করিয়াছ ব্যর্থ ;
 পুনঃ মন্ত্রপুতঃ করি
 রেখেছিহু পঞ্চবাণ,
 কুটিল কোশলে লইয়াছ কাড়ি,
 রে চতুর !
 ব্যর্থ করিয়াছ পণ ।
 পুনঃ তোমারি চরণ ধরি বুকে
 করিয়াছি পণ,
 ধরাইব অস্ত্র তোমাতে কেশব ।

আজিকার রণাঙ্গনে ।

অঙ্গ ধরিবে না কুরুক্ষেত্রে রণাঙ্গনে

বলি করেছিলে পণ,

ভাঙ্গিব সে প্রতিজ্ঞা তোমার । (বাণক্ষেপ)

শ্রীকৃষ্ণ ।

ছিন্ন হ'ল বর্ষ সখা,

রক্তাক্ত হইল অঙ্গ

কর ছিন্ন ভীষ্মের এ বাণজাল ।

ভীষ্ম ।

এমনি অব্যর্থ লক্ষ্যে,

পারি যেন জগন্নাথ

নিষ্কেপিতে প্রাণ মম

তোমারি চরণে ।

যেন ব্যর্থ নাহি হয়,

যেন অর্ধপথে মায়া বায়ুর তাড়নে

না পড়ে ফিরিয়া অন্তমুখে । (পুনঃ বাণক্ষেপ)

শ্রীকৃষ্ণ ।

কাতর হইলু সখা

পিতামহ শরজালে ।

বিকলাঙ্গ রথঅশ্ব,

ভগ্ন রথচূড়া,

বিলাস্তু সারথী তব ।

ভীষ্মের সম্মুখে

হইবে কি সমরে বিমুখ ?

ছাড় তীব্রতর বাণ

অচিরে অর্জুন ।

ভীষ্ম ।

পড়েছ কি বাধা লীলাময়,
ফাস্তুরীর প্রেমফাস সূদৃঢ় কি এত ?
মুহূর্তের তরে ছাড়ি রথ তার
আসিবে না এই ভক্তিহীন
দীন ভীষ্মের সম্মুখে
পুরাতে বাসনা তার—
অক্ষয় বৃদ্ধের পাশে ল'য়ে অস্ত্র
বধিতে কিঙ্করে ?
পুণ্য চরণ রাজীব
নিত্য বিধৌত করে
দ্রবময়ী জাহ্নবী জননী
পতিত পাবনী ত্রিভুবনে ;
পুত্র তার কিঙ্কর করুণাসিন্ধু
বিন্দুমাত্র অশ্রুজলে ধোয়ায়ে চরণ
হবে নাকি কৃতার্থ কেশব ?
জগতের প্রাণ তুমি
নহে ত পার্থের শুধু,
প্রাণময় প্রাণারাম !
এস বারেকের তরে ছাড়ি রথ ।

যাও বাণ ধ্রুবলক্ষ্যে বক্ষঃ শ্রীকৃষ্ণের । (বাণক্ষেপ)

শ্রীকৃষ্ণ ।

হয়োনা চঞ্চল পার্থ,
ভাবিয়াছে বৃদ্ধ আজি জিনিবে তোমারে ।
করিয়াছে প্রাণপণ

আজি মহারথী ।
 হের মেঘজাল সম
 হইতেছে বাণ বরিষণ ।

অর্জুন । কেবা আছে বীর
 ভীষ্মে পারে পরাজিতে বাণক্ষেপে ।
 জগন্নাথ, মুখে তব উত্তেজনা,
 অস্তরে তোমার
 দেখিতেছি সখা
 বিমল স্নেহের হান্স ।

শ্রীকৃষ্ণ । (বাধা দিয়া) ওই দেখ,
 মুহূর্তের অমনস্ক
 হ'ল ভঙ্গ ব্যূহ তব ।
 সখা সখা করি
 চাহিয়া থাকিলে আমার মুখের পানে
 জিনিবে কি পিতামহে ?

অর্জুন । চাহিয়া তোমার মুখ
 বঙ্কিম নয়ন,
 নাহি যদি জিনি
 ক্ষুদ্র এ সমরাদানে,
 চাহিয়া তোমার মুখ
 কি প্রকারে হয় পার জীব
 ভবান্বিত হস্তর জলধি ?
 করেছ আদেশ

করিতে সকল কৰ্ম
চাহি তব মুখ ।
চাহি মুখপানে তব
করিতেছি অস্ত্র ত্যাগ
কৰ্তব্য পালন তরে ।

চালাও সারথী রথ
বামভাগে ছিন্ন যথা ব্যুহ মোর
কেন যাইতেছ ভীষ্মের সম্মুখে ?
ভীষ্ম ।
তুলিল কি পার্থ রণনীতি ?
ছিন্ন করিয়াছি ব্যুহ তার বামভাগে,
কেন রথ ল'য়ে

হয় অগ্রসর আমার সম্মুখে ?
ভাল বিঁধি কৃষ্ণে পূর্ণ লক্ষ্যে । (বাণক্লেপ)

শ্রীকৃষ্ণ ।
নাহি জানি কোন্ মোহে পড়ি
পার্থ

তুলিয়াছ আজি রণনীতি ।
গাণ্ডীব তোমার একান্ত অশক্ত
রক্ষিতে সারথী স্বীয় ।
রক্ষা কর স্বীয় বামভাগ
অতি সাবধানে সখা ।
আমি রক্ষিব আপনে ।

ওহো

তীক্ষ্ণর করিল মুর্ছিত মোরে ।

(ভীষ্মের প্রতি) বৃদ্ধ রথী !

ভেবেছ অর্জুনে অশক্ত কি এত—

রোধিবে তাহার গতি ?

(অর্জুনের প্রতি) জুড়ি অর্ধচন্দ্র বাণ সখা

কর দ্বিখণ্ডিত

বৃদ্ধের ও জরাজীর্ণ ধনু । (অর্জুনের তথাকরণ)

(ভীষ্মের নূতন ধনু গ্রহণ ও বাণক্ষেপ)

ভীষ্ম ।

রক্ত-পদ্ম-দল সম

বিশাল নয়নে যেন কত ক্রোধ !

অঙ্গুলি চালনে

ফাস্তুনীরে দিতেছেন রণ শিক্ষা ;

যেন একান্ত সচেষ্ট

অর্জুনের জয়াশা পূরণে ।

শ্রাম-গিরিবর সম বপুস্থির

শাস্তি ছায়া বিমণ্ডিত,

নিধৃত নীলাঙ্গ শোভা শ্রীমুখমণ্ডলে

বেষ্টিত কুস্তল চূর্ণে,

অজ্ঞান তিমির দর্প

বিখর্কি চাহনি

আতত নয়নে স্নেহস্পর্শমাথা,

নত যুগ্ম ক্র উদার বিশাল,

রক্ত ওষ্ঠাধর প্রান্ত হাস্ত বিজড়িত,

নাগা সমুন্নত প্রশান্ত ললাট

ঈষৎ বন্ধিম গ্রীবা তেজ সুরঞ্জিত,
 কঙ্ককণ্ঠ বৈকুণ্ঠ বিলাস,
 শ্রীকেতন বক্ষঃ পূর্ণায়ত,
 পাঞ্চজন্ম শঙ্খ বাম করে,
 কাল সঞ্চালক অঙ্গুলি নির্দেশে
 দীন পদাশ্রিতে দিতেছেন দেখাইয়া ।
 ধন্য আজি—ধন্য আজি
 হইল জীবন ;
 গাহ প্রাণ—গাহ উচ্চৈঃস্বরে
 জগন্নাথ উদিত নস্মুখে—
 জয় জগদীশ হরে
 জয় জগদীশ হরে
 জয় জগদীশ হরে ।
 ধর ধনু বৃদ্ধ জরাজীর্ণ ভীষ্ম ;
 পাপ পঙ্কিল বিকল স্থবির অঙ্গ
 কেঁপনারে,
 কৃষ্ণ সেবাহীন অকৃতজ্ঞ করদ্বয়
 কর ধনু উত্তোলন,
 হওরে পলক শূন্য
 বিষয় বিমূঢ় আশি ;
 ধ্রুব লক্ষ্যে যাও বাণ
 হ'য়ে কাঙ্কালের প্রতিনিধি
 হও সুপ্রবিষ্ট জগন্নাথ স্বদে । (বাণক্ষেপ)

- শ্রীকৃষ্ণ । (কোপের লক্ষণ প্রকাশ করিয়া)
 কি করিছ ধনঞ্জয়,
 দেখ বৃদ্ধ অর্জ্বরিত
 করিল আমারে ।
- অর্জুন । এই মাত্র বলিলে ত সখা
 আপনায় রক্ষিব আপনি ।
 কেন অকারণ রথ ল'য়ে
 হ'লে উপস্থিত
 অসময়ে ভীষ্মের সম্মুখে । (বাণক্ষেপ)
 হের সখা
 পিতামহে করিয়াছি ধনুহীন ।
 (ভীষ্মের নূতন ধনু গ্রহণ ও বাণক্ষেপ)
 বিদ্যাতের মত কিপ্র বৃদ্ধ পিতামহ
 মুহূর্ত্তের মাঝে কাটিল তুণীর মোর ।
- শ্রীকৃষ্ণ । ক্রত কর বাণক্ষেপ,
 হের জুড়িয়াছে বৃদ্ধ
 তীক্ষ্ণ অগ্নিমুখী বাণ
 লক্ষ্য করি বক্ষঃ মম,
 ছিন্ন কর—ছিন্ন কর গুণ ।
- ভীষ্ম । (বাণ নিক্ষেপ করিতে করিতে স্বগতঃ)
 নামিবে না—
 আসিবে না—
 ধরিবে না অস্ত্র অগ্নিধা !

কিঙ্করের সাধ রবে অপূরণ,
 সত্য সেবা এত কি দুর্বল প্রভু ?

শ্রীকৃষ্ণ ।
 ভাবিয়াছে বৃদ্ধ আজি
 জিনিবে অর্জুনে ;
 তুলি বীরোচিত রণনীতি
 সারথীরে করিতেছে
 বার বার অস্ত্রাঘাত ।
 ভেবেছ কি
 অশক্ত সমরে কৃষ্ণ ?
 দাও অস্ত্র পার্থ মোরে,
 দাও অসি
 দেখি কত বল ধরে বৃদ্ধ
 কৃষ্ণে করে অপমান । (অস্ত্র গ্রহণোচ্চোগ)

অর্জুন ।
 তুলিও না অস্ত্র সখা,
 যেওনা যেওনা—
 পণ ভঙ্গ হবে ।
 করেছ প্রতিজ্ঞা
 অস্ত্র ধরিবে না বলি
 কোঁরব সমরে ।

শ্রীকৃষ্ণ ।
 নাহি দিবে অস্ত্র
 নাহি দাও ।
 (রথ হইতে বাষ্প প্রদান ও রথচক্র উত্তোলন করিয়া)
 আরে বৃদ্ধ

দেখি তুমি কত বল ধর,
 এই ভয় রথচক্র করিয়া আঘাত
 দর্প ভঙ্গ করিব তোমার ।
 ভীম । (অস্ত্রাদি শ্রীকৃষ্ণের পদে রক্ষা করিয়া)
 “এহেহি দেবেশ জগন্নিবাস
 নমোহস্ততে শাক্‌গদাসি পাণে ।
 প্রসহ মাং পাতয় লোকনাথ
 রথোত্তমাত্তুত শরণ্য সংখ্যে ॥”
 ধন্য আমি—ধন্য এ ধরণী
 ধন্য কাল—ধন্য রণাঙ্গন !
 ভক্তবাণী কল্পতরু
 জগতের গুরু !
 ভক্তের সম্মান করিতে বর্ধন
 আত্মমানে দিলে জলাঞ্জলি !
 অকৃতজ্ঞ অভক্তের এতটুকু ডাক
 তাও এত মর্মান্বশী তব ।
 থাকিতে পার না
 ভুলে যাও আপন গৌরব—
 হ’য়ে আত্মহারা আস ছুটে পাশে তার ।
 এত দয়া—এত ভালবাসা—
 এত স্নেহ জীবে !
 সন্ধ্যা ব্রহ্মাণ্ড, কোটি চন্দ্র সূর্যাসহ
 অনন্ত দেবতাবৃন্দ

নিত্য করে আরাধনা
পূত প্রেমরাগে,
তবু তার মাঝে
পাও অবসর শুনিবারে,
কোন ক্ষুদ্র কীট
কোথা ছাড়িয়াছে দীর্ঘশ্বাস
স্মরি নাম তব ;
দেখ্‌রে জগত, দেখ্‌ আজি জীবের গৌরব ।
বল উচ্চস্বরে
জয় জগদীশ হরে
জয় জগদীশ হরে
জয় জগদীশ হরে !

(সকলের প্রস্থান) ।



চতুর্থ অঙ্ক ।



প্রথম দৃশ্য ।

কর্ণ ও ইন্দ্র ।

কর্ণ ।

মাতৃ স্নেহে আজন্ম বঞ্চিত,
পরদানে পুষ্ট কলেবর,
অনাথ দয়ার যোগ্য
নিরাশ্রয় শিশু,
লভি দয়া হইল বঞ্চিত
পরের আশ্রয়ে,
পরে ভাবি নিল জনক জননী বলি ।
জীবনের আদি ইতিহাস
এইরূপ দীনতা মণ্ডিত ।
তাই বুঝি অন্তরাত্মা
প্রায়শ্চিত্ত তরে,
দানব্রত দিয়াছে অস্ত্রাতে
বিধৌত করিতে এই
পরপদ লেহনের মলিনতা যত ।
তবু শাস্তি ছিল,

অবিজ্ঞাত জীবন রহস্য
 রেখেছিল কুহেলির আবরণে
 করি সমাবৃত,
 অগ্নিগর্ভ-গিরি-নারী
 কুতূহলে আত্ম প্রবঞ্চিতা ।
 ছিন্মু মাত্র আপন
 পৌরুষ ল'য়ে উচ্চশিরে
 কুরুরাজ সখা,
 দুর্দম পাণ্ডব অরি
 বন্ধ পণ পাণ্ডব নিধনে ।
 আচম্বিতে সমাগতা
 নারী কুস্তী জননী আমার
 ল'য়ে মাতৃদেহের মায়ার শৃঙ্খল
 নিবন্ধ করিতে
 পাণ্ডব নিধন সমুচ্ছত করছয় ।
 দুর্কিষ্ণেয় রমণী চরিত্র
 অঘটন-ঘটন-পটীয়সী
 প্রহেলিকাময়ী ।
 মাতা যদি, কেন কর নাই
 পুষ্ট স্তন্যদানে—
 কেন লোকলাজ ভয়ে
 করেছিলে ত্যাগ
 বিমদিত করি মাতৃদেহের অতুল মহিমা

কেন বাঁচাইতে অশ্রু পুত্র,
 আমার মরণ নিলে ভিক্ষা করি
 আমার নিকট ?
 অদৃষ্টের তীব্র পরিহাস !
 মাতৃত্বের স্মৃধা লাভে
 করিয়া বঞ্চিত
 দিয়াছিলে নির্বাসিত করি
 দিয়া সেই স্মৃধার আশ্বাদ
 মূর্ত্তের তরে ।
 করিলে নিধন
 দিয়া পরিচয় ।
 শুধু দিলে বুঝাইয়া
 কত আপনার তুমি
 কত তুমি পর ।
 স্ত্রী চরিত্র নিত্য প্রহেলিকা !

(ব্রাহ্মণবেশী ইন্দ্রের প্রবেশ)

ইন্দ্র ।

প্রহেলিকাময় শুধু নহে
 স্ত্রী চরিত্র অঙ্গরাজ,
 সমগ্র ভুবন প্রহেলিকা সমাবৃত ।
 প্রহেলিকাময় তিনি
 যিনি এই ভুবনের একচ্ছত্রী রাজা ।
 ব্রাহ্মণ ভিখারী—
 দীপ্ত বীৰ্য্য ক্ষত্র অস্ত্রধারী

প্রতিষ্ঠিত রাজপদে,
 একি নহে প্রহেলিকা ?
 প্রহেলিকা নহে কি রাজন,
 ব্রহ্মজ্ঞ ব্রাহ্মণ
 যাচিবে ক্ষুধার অন্ন ক্ষত্রিয়ের দ্বারে ?
 জিহ্বাগ্রের সঞ্চালনে পারে যে ব্রাহ্মণ
 ব্যর্থ ক'রে দিতে
 জগতের যত কিছু শক্তি সঞ্চালন,
 অনায়াসে মাত্র ইচ্ছাবলে
 পারে যে ব্রাহ্মণ,
 করিবারে ত্রিভুবন বিমর্দিত
 ব্রহ্ম বীর্য্য করিয়া ক্ষুরিত,
 সে রহিবে স্থির
 পুত্তলীর সম নগণ্য নির্ঝাক
 বিশ্ব অধিকার অভিযানে ?
 পাশবিক বলোন্মত্ত ক্ষত্রিয়ের দল
 করি অগণিত জীব হত্যা,
 মহাপাপে করি কলুষিত
 ধরণীর পুণ্য পৃষ্ঠ মদগর্বে,
 হবে বিশ্ব অধিকারী
 হবে ব্রাহ্মণের অন্নদাতা ।
 ব্রাহ্মণ ভিখারী !
 একি নহে প্রহেলিকা বীরবর ?

কর্ণ । স্বাগত ব্রাহ্মণ !
 রাজা ব্রাহ্মণের দাস ;
 ব্রাহ্মণের ধন
 ব্রাহ্মণের ইচ্ছামত করিয়া বণ্টন
 করে নৃপ দাসত্বের কর্তব্য পালন ।
 অমোঘ যে ব্রহ্মবীৰ্য্য
 ব্রাহ্মণের নিত্য অধিকার,
 পাছে তার হয় অপচয়
 তুচ্ছ জগতের তুচ্ছ কার্য্যে,
 সেই ভয়ে ক্ষত্রিয়ে অর্পিয়া
 জগতের অধিকার,
 নরশ্রেষ্ঠ থাকেন নিশ্চিন্ত,
 চিন্তাশক্তি সমর্পিয়া চিন্তামণি পদে ।
 জগতের ধন-ধাণ্ড
 যদি তুচ্ছ কিছু
 হয় কভু প্রয়োজন,
 কিঙ্করে দর্শন দিয়া
 করি পুণ্যময় তারে
 করেন গ্রহণ আপনার ধন—
 সে ত নহে ভিক্ষা বিপ্ররাজ ।

ইন্দ্র । সাধু মহারাজ ।
 ব্রাহ্মণেরে করি প্রতিষ্ঠিত
 সম্মানের উচ্চ সিংহাসনে,

বসি তার পদতলে
 বাড়াইলে আপন মহিমা
 শতগুণে ।
 জানি তুমি একমাত্র যোগ্য নরপতি,
 ব্রাহ্মণ যাহার গৃহে
 নিত্য হন সম্বন্ধিত ।
 স্বার্থশূন্য মহাপ্রাণ
 নিত্য দানে ভরা—
 রাখ নাই আপন বলিয়া
 বিন্দুমাত্র কিছু,
 যাহা তুমি অনায়াসে
 না পার অর্পিতে
 ব্রাহ্মণের পদতলে ।
 অপূর্ব এ দানশক্তি
 ব্রহ্মবীৰ্য্যসম মহিমা উজ্জ্বল ।
 তাই অপূর্ব এক
 ভিক্ষা প্রাণে ল'য়ে সমাগত আমি ।
 জানি হবনাক প্রত্যাখ্যাত স্তুতিশিত ।
 ধন রত্ন পরিপূর্ণ ভাণ্ডার আমার
 মুক্ত দিবানিশি ব্রাহ্মণের তরে,
 ইচ্ছামত করুন গ্রহণ ।
 কিম্বা অল্প যাহা কিছু
 আছে মম অধিকারে

কর্ণ ।

করিলে আদেশ
সমর্পিব ভূদেব চরণে ।
সাধ্য যাহা, অসম্ভব যাহা
নহে মম পক্ষে,
ইচ্ছা মাত্রে করিব অর্পন ।

ইন্দ্র ।

দানব্রত—
সে কি সাধ্যাসাধ্য করিয়া গণনা
বিচারের তুলাদণ্ডে হয় সম্পাদিত ?
সাধ্যাসাধ্য বিচারের নাহি অবসর
লহ লহ এইমাত্র ধ্বনিত যেখানে ।

কর্ণ ।

ছদ্ম বিপ্রবেশে
কেবা তুমি আসিয়াছ
পরীক্ষিতে বহুসেন দানশক্তি ?
বন্ধ করি পণে
জ্ঞানগর্ভ বাক্যজালে
কিবা চাহ করিতে সংগ্রহ ?
ভিক্ষুরের বেশে
এসেছ কি মৃত্যুদূত,
পণের শৃঙ্খলে বন্ধ করি
কেড়ে নিতে বহুসেন প্রাণ ?
কেন ও কুটীল দৃষ্টি নয়নে তোমার ?
কেন ধূর্ততায় ভরা বাক্য তব,
কিবা চাহ—কি প্রার্থনা ?

ইন্দ্র । হও বন্ধ অঙ্গীকারে ।
 কর্ণ । বল কিবা চাহ ।
 ইন্দ্র । কর অঙ্গীকার ।
 কর্ণ । বল দয়া করি কিবা চাহ ।
 ইন্দ্র । কর অঙ্গীকার অগ্রে ।
 কর্ণ । বল কিবা চাহ পুরুষ পুঙ্গব ।
 ইন্দ্র । অঙ্গীকার কর অঙ্গরাজ,
 পাবে সদুত্তর ।
 কর্ণ । (স্বগতঃ) অন্তর আমার কহে উচ্চস্বরে
 সর্গোরবে—দানবীর বসুসেন
 হইও না পরাধুখ দানে ।
 মনে আসে শত বিভীষিকা—
 বুঝি ইন্দ্র আসিয়াছে
 করিতে হরণ
 প্রাণরক্ষী কবচ আমার ।
 (প্রকাশ্যে) কহ বিপ্র দেবেন্দ্র কি তুমি
 আসিয়াছ মুক্ত করিবারে
 বসুসেন নিধনের পথ ?
 অনুন্নয় করি দেহ পরিচয় ।
 নহে প্রাণ ভয়ে
 সুহৃদ কল্যাণ আশে
 একান্ত উদ্ভিগ্ন আমি ।
 বল—বল দেবেন্দ্র কি তুমি ?

ইন্দ্র ।

হও দাতা পণ বন্ধ
পাবে পরিচয় ।
পুলে বলি দিতে
যেবা পারে অনায়াসে
নাহি জানি কেন আজি
সেই নরশ্রেষ্ঠ
ভীত এত পণবন্ধ হ'তে ।
সুহৃদ কল্যাণ—
সে কি এত প্রিয়
পুল প্রাণ হ'তে ?
কিবা চাহি শুনিবার আগে
কেন এত সশঙ্কিত তুমি ?
হও পণবন্ধ অঙ্গরাজ,
রক্ষা কর নিজ ধর্ম ।

কর্ণ ।

পারি শত পুল বলি দিতে—
পারি শত বার জন্ম ল'য়ে
দিতে প্রাণ সুহৃদের তরে ।
সখা মম কুরুরাজ
দুরূহ সঙ্কটে,
আমি মাত্র সহায় তাহার ।
তাই তুচ্ছ প্রাণ ভিক্ষা দিতে
বিচঞ্চল এ দানবীর ।
বুঝিছ দেবেন্দ্র তুমি

ছদ্মবেশী বিষধর,
আসিয়াছ কুররাজে করিতে দংশন,
নহে বহুসেনে শুধু ।
পূর্ণ হোক ইচ্ছা বিধাতার
হইলাম বন্ধ পণ
দিতে, যাহা চাহ ।

ইন্দ্র ।

ধন্য দানবীর—
বহুসেন অগ্রগণ্য বীর ।
সত্য তব অহুমান,
দাও অস্ত্র হ'তে মুক্ত করি
কবচ তোমার ।

কর্ণ ।

কাল সর্প
সত্যই দংশিলে !
শুন—শুন দেবরাজ
আজি হ'তে কবচ আমার হইল তোমার ।
শুধু ওহে স্বর্গের দেবতা,
কৃপা করি ভিক্ষা দাও মোরে
হৃদিনের তরে ।
দুই দিন মাত্র—দাও কবচ তোমার
ভিক্ষা মোরে ।
ফাস্তনী নিধন প্রতিজ্ঞা আমার
ক'রনা বঞ্চিত দেবরাজ—
কৃপা কর—ভিক্ষা দাও—

মাত্র দুই দিন ;
 কবচের সহ রব
 দাস হ'য়ে চিরদিন—
 দুটা দিন ভিক্ষা দাও মোরে ।
 ইন্দ্র । কাল বলবান অক্ষরাজ ।
 কাল নাহি দেয়
 মুহূর্তের অবসর জীবে ।
 দত্ত ধন মুক্ত কর অবিলম্বে,
 যাই চলি দেবকার্য সাধি ।
 কর্ণ । (কবচ কর্তন করিতে করিতে)
 যাক্ তবে মিলাইয়া বসুসেন
 ধরা পৃষ্ঠ হ'তে ।
 নারী কুস্তী পাণ্ডব জননী
 মা—না না বলিব কি মা,
 হাঁ—সত্য মাতা তুমি ।
 এ'ত নহে ব্রাহ্মণের ভিক্ষা দান,
 এ'ত নহে কবচ হরণ,
 এ যে মাতৃ পূজা—
 মাতৃপদে সম্মানের প্রাণ বলিদান ।
 কুস্তী—কুস্তী জননী আমার,
 অঙ্গে ল'য়ে পিতৃদত্ত দান
 হয়েছিল বিনিক্ষান্ত যবে
 গর্ভ হতে তব,

করেছিলে নির্ঝামিত হবে
 কেন লও নাই বক্ষ হতে ছিন্ন করি ?
 না না কেন হই মাড়ুজোহী—
 ললাট লিখন ।
 জননী—জননী পাণ্ডবের !
 পূজিলাম চরণ তোমার
 কবচের উপচারে
 সুখী হও, তৃপ্তা হও পঞ্চ পুত্র ল'য়ে ।
 লহ সুররাজ
 তৃপ্ত হও, কর আশীর্বাদ
 দানব্রত পূর্ণ হোক মম ।
 কবচ মোক্ষণে রক্তাক্ত এ কলেবর,
 অবসন্ন প্রাণ,
 পার যদি ল'য়ে যেও জননীর পাশে ;
 কহিও তাহারে
 সম্ভান বলিয়া দিতে পরিচয় ।
 দিতে পরিচয়—যার তরে
 ছিলে লজ্জা সঙ্কুচিতা—
 সেই পুত্র তব ঢালি বক্ষঃ রক্ত
 পূজিয়াছে চরণ তোমার ।
 সাধু বহুসেন ।
 নিজ বক্ষঃ হ'তে
 উদ্ভিন্ন করিয়া

ইন্দ্র

জীবন রক্ষক কবচ তোমার
 অপরে করিলে দান—
 এ অপূৰ্ব দানের মহিমা
 গাহিবে জগত
 অনন্ত অনন্ত কাল ধরি ।
 আজি হ'তে কর্ণ নামে তুমি
 হ'লে খ্যাত অবনীমণ্ডলে ।
 সাধু—কিষ্ণা ভাষা
 অক্ষম আমার, তুমিতে
 তোমারে যোগ্য সম্ভাষণে ।
 প্রীত আমি ;
 নহে শুধু প্রীতি—
 গৌরব বিষাদ হর্ষ
 নানাবেগে হৃদয় বিমূঢ় মম ।
 দুর্ভিসহ মর্শ্বক্ষোভে ক্ষুব্ধ আমি—
 স্বার্থলুক—আসি
 করিলাম অত্যাচার ।
 তাই চাহিছে অন্তর
 দিতে প্রতিদান ।
 লহ এই মহাশক্তি
 অব্যর্থ একান্তি বাণ,
 অবশ্য বধিবে তারে
 লক্ষ্য করি যারে করিবে ক্ষেপণ ।

হও অরি জয়ী
 এই আশীর্বাদ । (প্রস্থান)
 কন (কথকাল বিশ্বয়ে অবস্থান করিয়া)
 কবচের বিনিময়ে
 মহাশক্তি করিলাম লাভ ।
 আপন জীবন তুচ্ছ করি বণাধনে ।
 এই বাণে অর্জুন নিধন ব্রত
 হবে উদ্‌যাপন ।
 (প্রস্থান) ।

দ্বিতীয় দৃশ্য ।

বণক্ষেত্র—একপার্শ্ব ।

বিশ্ববুদ্ধি ।

বিশ্ব । জুটেছে ভাল. একটি জগন্নাথ, আর একটি জগৎপত্নী । ঐ
 কাল মাগী আর ঐ কাল ছোড়া এবার চেপেছে কুক্কুলের
 ঘাড় । এই কদিনে দেশের রাজা রাজড়াও অর্ধেক সাবাড় ।
 ভীষ্ম ঠাকুর ত জানে পাঁথা । যে কদিন খাস টানতে পারে ।
 মদ্র বলতে দেশে কেউ আর থাকছেন না । মাগী বলে ঐ
 কাল পুরুষটাই জগন্নাথ । উনি মানবের রূপ ধরে বর্ষরাজ্য
 পিতিষ্টে করতে দয়া করে এসেছেন । বাবা ! গাছ পিতিষ্টে,

পুকুর পিতিটে, শিব পিতিটে, কত দেখেছি বাপু, কিন্তু
 ধর্ম পিতিটে যে এমন তা কোন বেটা জানত। বাপরে!
 রক্তের নদী ব'য়ে যাচ্ছে, কেবল মারু মারু কাট কাট। ভালা
 ধর্ম পিতিটে করেছ বাবা! বলতে কি আমিও যেন মরিয়া
 হ'য়ে গেছি (অঙ্গভঙ্গীকরণ)। মাগী আর একটা কথা বলে
 যে দুকৃতদের বিনাশ করতে উনি এসেছেন। তা হ'লে দেশে
 আর বাতি পড়বে না, মাগী-মরদ সবাই জবাই হবে। কথায়
 বলে চোর বাছতে গাঁ ওজোড়। তা এ দেশকে দেশ ধু ধু
 করবে বাবা! আর তা নয়ত কি। পাণ্ডবদেরই কি নিস্তার
 আছে? আহা অর্জুনের ছেলে অভিমহুটাকে খুঁচে খুঁচে
 মেরে ফেললে। সর্ব্বনেশে দুকুল থেকে জগন্নাথ এসেছে রে
 বাপ। সব গেল! কিন্তু ঐ নামটা—জগন্নাথ জগন্নাথ
 জগন্নাথ! আমারি এই দেখ বুকটা যেন জুড়িয়ে গেল। যার
 নামটা এমন সে নিজে, এমন কেন? এ খটকা ত যাচ্ছে না।
 দেখ না কালকে কি রগড়টাই কলে। বেটা হারামের ছুরী।
 অভিমহু ম'রে গেছে শুনে পাণ্ডবকুলের আবাল-বৃদ্ধ-বনিতা
 শোকে অস্থির হ'য়ে উঠল। ঐ কাল ছোকরাটির কাছে
 একে একে যায়, আর ঠাকুর কি কলে বলে আছাড় খেয়ে
 পড়ে। দেখে বুকটা কেটে যেতে লাগল। মাইনী মাগীও
 এসে কত হাপুস হাপুস কলে। তারপর অর্জুন ব'লে, কথা
 আর এ জীবন রাখব না, এখনি আগুনে পুড়ে মরব।
 তার দেখাদেখি বৃষ্টিগির, ভীম, নকুল, সহদেব, সবাই ধনুক
 কলে দিয়ে প্রতিজ্ঞা করলে, সবাই মিলে আগুনে বাঁপ

দেব । মাগীও বলে সেই ভাল—ব'লে ও কাল ছোড়াটার দিকে কি চাহনিই চাইলে । ভাবলুম যাক, দেশটা বুঝি বাঁচল । তখন ঐ কাল ঠাকুরটীও কেঁদে একেবারে দধিকাদা ক'রে ফেললে । চোখের জলে বুক ভাসিয়ে ফুকরে ফুকরে কেঁদে বলেন, সেই ভাল, আমিও তোমাদের ছেড়ে বাঁচতে পারব না, আমিও তোমাদের সঙ্গে আগুনে কাঁপ দেব । আঃ বাঁচলুম, একটা দুর্ভাবনা ছিল ঘুচে গেল । আগুন জালাবার হুকুম হ'য়ে গেল । ওমা তারপরেই ছোড়া ফটমটিয়ে চেয়ে ঘাড় বঁকিয়ে ব'লে উঠল, হাঁ মরব. কিন্তু যে আমাদের অভিমত্যাঁকে মেরেছে তাকে মেরে তারপব সবাই মরব । বাস্ অমনি আবার যত বেটা বেটা ছিল মেরে মরব—মেরে মরব ব'লে চীৎকার ক'রে উঠল । দেখলুম ঠাকুরটী ফিক্ ক'বে চোখের কোণে একটু হাসলেন । যে লড়াই সেই লড়াই । বাপরে বেটার বুদ্ধির ভিতর ঢোকে কে ? আবার অর্জুন প্রতিজ্ঞা করেছেন আজ জয়দ্রথকে মারবেন । আমার সিঁদে কথা উনি যদি জগন্নাথ হন, কোন্ আবাগীর বেটা আর ওর নাম মুখে আনবে । বলতে কি সেই জন্তেই আমি ওর ত্রিসীমানায় যাই না । কিন্তু ওকে ছাড়তে পারব ওর নামটা ত ছাড়তে পারব না । জগন্নাথ—জগন্নাথ—জগন্নাথ—
আঃ ! না—একবার ওর সঙ্গে দেখা করুব । মরি বাঁচি ওর কাছে একবার যাব—একবার একলা পেলে ওর পা দু'খানা জড়িয়ে বলব, জগন্নাথ আমার ধাঁধা ঘুচিয়ে দাও—তোমার নামে কাজে মিল দেখিয়ে দাও, তোমার পায়ে পড়ি তোমার

নামে রূপে এক ক'রে দাও । একবার আমায় বুঝিয়ে দাও
তোমার নামের মত তুমিও মিষ্টি, তোমার নামটার মত
তুমিও সাদা । তুমি কুটিল নও—তুমি নিষ্ঠুর নও—তুমি
রক্তগঙ্গার ঠাকুর নও । তুমি দয়াময়, স্নেহময়, প্রেমময়—
জগন্নাথ—জগন্নাথ—জগন্নাথ ! সবাই বল একবার জগন্নাথ ।

(প্রশ্নান) ।

রগস্থলের অপার পার্শ্ব ।

নকুলের প্রবেশ ।

নকুল ।

অসম্ভব জয়দ্রথ বধ ।
বিপুল কৌরব চমু,
বিস্কৃত সাগর সম এখনও গজ্জিছে ।
দ্রোণাচার্য্য ব্রাহ্মণ কেশরী
বদ্ধ পণ ফাস্তনীর পণ ভঙ্গে ।
প্রতি যোদ্ধা কৌরবের,
তুচ্ছ করি প্রাণের মমতা
নিষুক্ত সমরে ।
দূরে ফাস্তনীর রথ শ্রীকৃষ্ণ চালিত
ভেদি ব্যূহ
ছোটে চারিদারে জয়দ্রথ আশে ।
অপূর্ব সারথী কৃষ্ণ
অপূর্ব ফাস্তনী !
শ্বেত অশ্ব দক্ষিণালিত অর্জুনের রথ
স্বকৌশলে ভেদ করি ইচ্ছামত

কৌরবীয় চমু,
 দিকে দিকে ছুটিছে উল্লাসে ।
 কিন্তু কোথা জয়দ্রথ !
 বৃকোদর অসম্ভব করিছে সাধন,
 একা বধিয়াছে দুর্ষ্যোধন ভ্রাতৃবৃন্দে,
 অবশিষ্ট দুঃশাসন শুধু ।
 ক্ষুধিত ব্যাঘ্রের সম
 তুলি জয়দ্রথ পণ
 ধায় ভীম দুঃশাসন বধ আশে ।
 কেহ নাহি স্থির
 আজিকার বিক্রমে তাহার ;
 ধন্য শিক্ষা ধন্য বীর্য !
 দেখে নাই কেহ কভু এ হেন সময় ।
 কিন্তু জয়দ্রথ কোথা ?

(সহদেবের প্রবেশ)

সহদেব ।

বুঝিলাম গণনা সাহায্যে,
 জয়দ্রথ নিশ্চয় মরিবে আজি
 অর্জুনের বাণে—

ভেবনা অগ্রজ ।

নকুল ।

তবু আশা হ'ল ;
 দিয়াছ কি এ বারতা মহারাজে
 অথবা শ্রীকৃষ্ণে ?

- সহদেব । পারি নাই, মৃত ঘোর সমরে সকলে ।
 আরও আছে স্তম্ভবাদ—
 দুঃশাসন হবে নিপতিত,
 শকুনির শেষ দিন আজি,
 আমার কবলে মৃত্যু তার ।
 যাই উল্লাসে যাতিয়া
 বীর দর্পে করি অহেয়ণ
 কোথা সে কুটীল ।
- নকুল । হবে কি এখন ?
- সহদেব । অভ্রান্ত গণনা নিঃসন্দেহ ।
 যাই আদি, করিব অর্জুন কীর্তি
 যত পারি বধি অরি । (উভয়ের প্রস্থান)
 (শকুনির প্রবেশ)
- শকুনি । ধন্য করেছিহু অক্ষয়ৈপ,
 ধন্য করেছিহু পণ
 কুরুকুল করিতে নিশ্চুল ।
 কুটবুদ্ধি বলে বহু পূর্বে যাহা
 হেরেছিহু মানস নয়নে,
 আজ প্রায় পূর্ণ সব ।
 শত ভ্রাতা একে একে
 হইতেছে আয়ুশূন্য
 অবশিষ্ট দুর্ঘোষন আর দুঃশাসন,
 দেখি কিবা হয় অতঃপর ।

আসে বুঝি সহদেব বীর দর্পে,
দিব অকপটে ছাড়ি তারে পথ,
মনোরথ হবে পূর্ণ
পাণ্ডবের বিজয় নির্ঘোষে ।

(সহদেবের প্রবেশ)

সহদেব ।

হেথা তুমি !

শকুনি ।

হেথা আমি—

সমরের বীজ করিয়া বপন

দেখিতেছি পার্শ্বে দাঁড়াইয়া কুতিত্ব আপন

সহদেব ।

কিন্তু বহুক্ষণ আর হবে না দেখিতে,

ধর অস্ত্র

নহে পশুসম হইবে নিহত ।

শকুনি ।

এক অস্ত্রে কোঁরব সংহার হইতেছে স্তম্ভসম,

ধরি যদি অগ্ন অস্ত্র

হবে পাণ্ডুবংশ ক্ষয় ।

সাবধান শিশু

মাতুলের সনে সাবধানে কর আচরণ ।

সহদেব ।

কাপুরুষ সম মরিবে এ রণাঙ্গনে ?

ধিক ক্রুর জীবনে তোমার ;

ধর অস্ত্র এখন মাতুল ।

শকুনি ।

কভু বুঝিবে না শিশু

কুটিল মাতুলে ।

কাজ নাই বুঝিয়া এখন ।

সরে যাও, যাও অগ্নি পথে
কর আক্রমণ কোঁরবের ব্যুহ,
নাহি দিব বাধা ।

সহদেব ।

শুধু নহে ক্রুর
অকৃতজ্ঞ তুমি ।
সাধিয়াছ পাণ্ডবের সর্বনাশ
করি অক্ষ সঞ্চালন ।
ছাড়ি অস্ত্র সঞ্চালন
পুনঃ কোঁরবের সাধিছ নিধন ।
উভয়ের শত্রু তুমি
ঘৃণ্য কাপুরুষ ।

শকুনি ।

শত্রু আমি—সত্য শত্রু !
চাহিরে বর্ষর
ক্ষত্রকুল করিতে নিশ্চূল ।
দস্তভরা, ঈর্ষা ঘেষপূর্ণ,
খল, অধার্মিক, দস্যুদল
পুণ্য ধরণীর বক্ষঃ
বারবার আত্মদ্রোহে করিছে শ্মশান ।
রক্ষকের পদে হ'য়ে অধিষ্ঠিত,
রাক্ষস আচারে
হত্যাঘাতে ব্রতী ।
স্বার্থপূর্ণ প্রাণ
জঘণ্য এ অস্ত্রধারীগণ ;

বীর নামে পরিচিত পশুবন্দ ।
 যাক্ ধরণীর বক্ষ হ'তে মুছে
 ঘুচুক ধরিত্রী ভার ।
 ধ্বংস চাই—ধ্বংস চাই ! (প্রস্থান)
 সহদেব বধ ছুটে—বধ ছুটে—
 ভীকু কাপুরুষ । (প্রস্থান) ।

তৃতীয় দৃশ্য ।

রগস্থল ।

দ্রোণাচার্য্য ।

দ্রোণ । অসম্ভব ।
 কাস্তনী করেছে পণ
 দিবা মধ্যে আজি
 জয়দ্রথে করিবে সংহার,
 নতুবা অনল মাঝে আত্ম বিসর্জিয়া
 বিস্মরিবে পুত্র শোক ।
 অসম্ভব পণ ভঙ্গ অর্জুনের,
 স্বয়ং শ্রীকৃষ্ণ অশ্ব-বরা ধরি
 সারথ্যে নিযুক্ত যার ।

(দুর্ঘোষনের প্রবেশ)

দুর্ঘোষন ।

স্বয়ং শ্রীকৃষ্ণে অশ্ব-বল্লা ধরি

সারথ্যে নিযুক্ত নহে কার ?

শুধু অর্জুনের রথে

হেরিছ শ্রীকৃষ্ণে গুরুদেব ?

অস্তরে তোমার কে ধরেছে অশ্ব-বল্লা ?

কে ধরেছে অশ্ব-বল্লা দুর্ঘোষন হৃদে

চালাইতে তারে ভ্রাতৃ-বধ মহাহবে ?

কে বাধাইল রণ ?

দুর্ঘোষন, যুধিষ্ঠির—ভুল ।

কাহার ইচ্ছায় প্রাবিত মেদিনী আজি

ক্ষত্র রক্ত শ্রোতে ?

কাহার ইচ্ছায় হইল নির্গত মম মুখে

সূচীঅগ্র ভূমি নাহি দিব বিনা রণে ?

কাহার ইচ্ছায় ব্রাহ্মণ হইয়া

মত্ত তুমি রণ-ক্রীড়া ল'য়ে ?

কাহার ইচ্ছায় শরশয্যাপরি

শায়িত জাহ্নবী-সূত ?

কাহার ইচ্ছায় সপ্তরথী মিলি

বধিলাম অভিমুগ্ধে ?

ওই শ্রীকৃষ্ণের—অস্তর মাঝারে

নিত্য যার আধিপত্য ।

যাহার ইচ্ছায় পতঙ্গ মাতঙ্গ হয়—

সিন্ধু মরুভূমি হয়—
 বিশ্ব কোটা বিলীন অব্যক্তরূপে যাহার ইচ্ছায় ।
 ইচ্ছা যদি হয় তার,
 যেতে হবে চূর্ণ হ'য়ে
 রথচক্র নিষ্পেষণে ধূলিকণাসম ।
 কিবা ভয়—কিবা চিন্তা গুরু—
 যেতে হবে—যাব,
 কলঙ্কের কণ্টক কিরীট,
 হইবে নহীতে শিরে—লব,
 হবে দিতে তুলি
 করাল কালের গ্রাসে
 ভারতের যত বীর সহ
 সমগ্র কোঁরবপুরী—দিব,
 তবু কহিব অস্তুর যাবো জগতের নাথ—
 “জানামি ধর্মং ন চ মে প্রবৃত্তি
 জানাম্য ধর্মং ন চ মে নিবৃত্তি ।
 জ্ঞয়া হৃষিকেশ হৃদি স্থিতেন
 যথা নিযুক্তোহস্মি তথা করোমি ॥”
 জানি ধর্ম জগন্নাথ
 কিন্তু নাহি প্রবৃত্তি তাহাতে,
 অধর্মও জানি প্রভু
 কিন্তু তাহে নিবৃত্তি ত নাই,
 তুমি থাকি অস্তুরে আমার

করাইছ যাহা হৃষিকেশ
করিতেছি তাই প্রভু পুত্তলীর যত ।
ফেল খুলিয়া হৃদয় গুরো—
দাও বক্ষঃপাতি কালের চরণে
করিতে তাণ্ডব নৃত্য—
নিরাশার জলন্ত শ্মশান
ধরি বুকে চালাও বাহিনী রণে ।

দ্রোণ ।

তবে কেন জয়দ্রথে
রক্ষিবারে এত আয়োজন ?

দুর্যোধন ।

প্রাণ চাহে রক্ষা তার—
প্রাণ চাহে অধর্ম পোষণ ।
আমি কি করিব ?
তুমি কি করিবে ?
ইচ্ছাময় ইচ্ছারূপে
চানাইছে যেই পথে
যাব ভাসি অবাধে সে পথে ।
ডুবি যদি পাপ-পঙ্কে, পাই যদি নির্ঘাতন,
ইচ্ছা তাঁর—ইচ্ছায় যাহার
নিয়তি নিয়ত চলে,
খেলা তাঁর—খেলায় যাহার
স্বখে দুঃখে তুল্য তৃপ্তি ।
কে বুঝিবে মোর ধর্ম ?
কৃষ্ণে কৃষ্ণরূপে

ভালবাসে প্রাণ নয় ধর্মরাজ,
 কক্ষে প্রাণরূপে হেরি আমি নিজ বক্ষে ।
 কক্ষ প্রাণের ঈশ্বর
 পাণ্ডবের, কক্ষ প্রাণ চূড়োখন হুদে ।
 রাজ্য যদি নাহি পায় যুধিষ্ঠির
 আকুল ক্রম্ভনে কাঁদাবে শ্রীকক্ষে ।
 সাম্রাজ্য আমার হয় যদি নিঃশেষিত
 নিশ্চল ভারত কক্ষ,
 অকাতরে, অবহেলে, উপেক্ষায়,
 নিক্ষেপিয়া কায়া,
 যাব নিত্য প্রাণময় বাসে ।
 সীমাময় যুধিষ্ঠির—সীমাহীন প্রান্তরেথাশূন্য
 গগনের মত চূড়োখন
 উদার সঙ্কোচশূন্য ।
 স্তন—শত স্রোতা যবে
 একামাত্র আছি আমি ।
 নিহত সকলে আছি
 ভীমের বিক্রমে ।

(প্রাণের বিস্ময় প্রকাশ)

আর চারি দণ্ড মাত্র দ্বিবা,
 তারপর অর্জুনের অনঙ্গ প্রবেশ ।
 মনে থাকে যেন
 আজি শেব আশা কলোমুখী ।

চালাও বাহিনী বীর ব্রাহ্মণ-কেশরী
 রক্ষা কর জয়দ্রথে,
 নহে দুর্ঘোষনে ।
 দ্রোণ । জয়দ্রথে রাগিয়াছি স্ককৌশলে ।
 সমগ্র কৌরব চম্
 নাহি যদি হয় নিঃশেষিত,
 পাইবে না পার্থ আজি
 রণে জয়দ্রথে ।
 মাত্র চারি দণ্ড দিবা অবশিষ্ট আর ।
 কিন্তু তবু অবিশ্বাস্য
 অর্জুনের পণ ভঙ্গ কুরুরাজ ।
 ওই হের অর্জুনের রথ চূড়া
 উদ্ধা সম ছুটিছে উত্তরে,
 যাও পূর্বভাগ হ'তে কর আক্রমণ ।
 বক্ষে যদি শ্রীকৃষ্ণ তোমার
 অর্জুনের রথ বক্ষ হ'তে
 কর কৃষ্ণে ভূমিশায়ী ;
 বিফল নতুবা
 কৃষ্ণযুক্ত পাণ্ডবের
 অনল প্রবেশ আশা ।
 দুর্ঘোষন । কৃষ্ণ কৃষ্ণ করি
 করিবে না চীৎকার এ দুর্ঘোষন ।
 শুধু অন্তরের অন্তরতম দেশে

চাপিয়া ধরিব পা ছ'খানি—
 শুধু রুদ্ধ মর্মে দাঁড়াইব
 সম্মুখে তাহার—
 শুধু মর্মে মর্মে চাপি দীর্ঘশ্বাস
 জানাইব অন্তরযামীরে—
 অধর্মের অবতার করেছ আমায়
 তবু আমি কিঙ্কর তোমার ।

(সকলের প্রস্থান) ।

চতুর্থ দৃশ্য ।

স্থান—শিব-মন্দির ।

দ্রৌপদী ।

দ্রৌপদী ।

কৃষ্ণের আদেশে
 আসিছু পূজিতে মহেশ্বরে ।
 অভিমত্ব হারা মদিত হৃদয়
 উদগারিছে প্রতিহিংসা ।
 পুত্রহারা মাতা—নহি বিহ্বলা, লুণ্ঠিত,
 দীনা, ভগ্নমর্ম-ক্রন্দন-আকুলা ।
 দৃশ্যা, লোষ্ট্রাঘাতে উত্তোলিত ফণা,
 কাল ভূজঙ্গিনী—চাহি প্রতিহিংসা ।

নয়নে নাহিক অশ্রু,
 মুখে নাহি হাহাকার,
 হৃদয় কাতর নহে,
 হিংসাবিষ প্রবাহিত
 প্রতি লোমকূপে ।
 হিংসাভরা রক্ত আঁখি
 হিংসার দংশিতাধরা
 ক্ষীত বক্ষঃ প্রতিহিংসা বিদে ।
 শঙ্কর, ঈশান, রুদ্র,
 মহাকাল, বিশ্বের প্রলয় কর্তা,
 বিশ্বসংহারক
 লহ পূজা দেব
 তৃপ্ত হস্ত, দাঁড়--দাঁড় মহাশক্তি
 বিশ্ব-বিশ্বঃশিনী নাশিতে কৌরবে ।
 সতীর দেবতা, যাচে
 সতী. শক্তি তিফা পদে ।
 এস এস কালশক্তি মহাকালী,
 এস স্ত্রীমা লোল জিহ্বা,
 বিকট-দশনা নগ্না-ভীমা,
 রক্তবীজ-ঘাতিনী জননী,
 আয় যা মহাকাল বক্ষঃবিহারিণী
 আয় স্রোপদীর হিংসা ভরা মুকে ।
 চণ্ড মুণ্ড যিনাশিনী ঘোরা,

আয় আয় এলোকেশী,
 কুধির পীযুষ প্রিয়া তাণ্ডব-নর্তিনী,
 আয় কালী দলিতে কোরবে ।
 মার্ভৈঃ মার্ভৈঃ রবে গর্জিছে জননী ওই—
 ওই টলিছে বসুধা পদভরে—
 ওই ছলিছে ভীষণ খড়্গ—
 মুখরিছে অটুহাস্ত দিগন্তের কোলে ।
 যা—যা চূর্ণ হ'য়ে পুত্রঘাতী দল—
 পূর্ণ হোক মায়ের খর্পর কোরব কুধিরে ।
 সন্তান নিহত, জননী কি রহে স্থির ?
 উন্মাদিনী এসেছে হৃদয়ে,
 হইয়াছি উন্মাদিনী কালী আমি,
 কালের করাল শক্তি
 কোরবের কুধির লোলুপা !

(শুরু হইয়া একদৃষ্টে দণ্ডায়মানা)

(ভীমের প্রবেশ করিতে করিতে)

ভীম ।

কুষ্ণা—কুষ্ণা—
 কুষ্ণা—ঘোরা কালী !
 আয়—আয় এনেছি কুধির,
 পূর্ণ সাধ আজি ।
 তৃপ্তা হও দুঃশাসন তপ্ত রক্তে ।
 ভীমের হৃদয় দেবী !
 এই মূর্তি তোমার রেখেছে সজীব ভীমে ।

এই মূর্তি তোর ভীম কণ্ঠে থাকি
 করিছে হকার অহঃরহ
 কুরুকুল করিতে নিশ্চূল ।
 এই মূর্তি তোর ছুটায়ছে ভীমে
 সিংহ সম অরাতি অরণ্য মাঝে ।
 এই মূর্তি তোর দেছে বাহুগে মস্তহস্তী বল ।
 এই মূর্তি শ্বরি বধিয়াছি সমগ্র গাঙ্কারী স্মৃতে,
 বাকী মাত্র দুর্ঘোষন ।
 পাণ্ডবেব আদরেব, ভীমেব প্রেয়সী
 এলোকেশী সমর রঙ্গিনী
 অপকপ রূপা ভুবন মোহিনী !
 পড়ে মনে অক্ষুণ্ণীড়া দিনে
 লাঞ্জিতা দ্রৌপদী তুমি,
 দশন পেষণে চাপিয়া অধর
 করিলি লো পণ—
 “রব এলোকেশী
 যত দিন দুঃশাসন নাহি হয় বধ” ।
 করিলাম পণ দস্ত ভরে
 চাহি তোর গর্ভ দীপ্ত মুখ—
 “দুঃশাসন তপ্ত রক্তে
 দিব বাধি বেণী” ।
 বহু দিন—বহু দিন অপেক্ষার পর
 আজ হইয়াছে সূত্রভাত,

আজ আসিয়াছি তার
 তপ্ত রক্ত করি পান
 মাখি সর্ব অঙ্গে,
 আয় পূর্ণ করি সাধ
 বাধি বেণী তোর ।

দ্রৌপদী গান্ধারীর শত পুত্র মধ্যে
 অবশিষ্ট মাত্র দুর্ব্যোধন ?
 সত্য কথা ?

ভীম । অসম্ভব কিবা তার
 তুমি যার শক্তি স্বরূপিণী ।
 কৃষ্ণা—প্রাণের ঈশ্বরী !
 তোর প্রতি তপ্ত খাস স্মরি
 গান্ধারীর প্রতি পুত্রে
 করিয়াছি পদাঘাত—
 পেষিয়াছি ধূলি সম চরণের তলে
 কৃষ্ণা যার মহাশক্তি—
 কৃষ্ণা যার প্রাণ,
 তারই কার্য্য অসাধ্য সাধন ।

দ্রৌপদী দুঃশাসন বক্ষঃ ভেদী
 হুংপিণ্ড তার .
 এনেছিলে ছিঁড়িয়া নখরে ?

ভা করিয়া চর্কণ দস্তে
 করিয়াছি রক্ত পান ।

এই রক্ত—এই রক্ত
সুধা সম স্মিষ্ট সুস্বাদ ।
দ্রৌপদী । মরিল যখন তুষ্ট
ছেড়েছিল তীব্র আর্তনাদ ?
ভীম । সমগ্র কোরব চমু
উঠেছিল হাহাকার করি
আর্তনাদে তার প্রিয়ে ।
মূর্ত্তি দেখি মোর
শিহরি উঠিল সমগ্র বীরেন্দ্র দল ।
গর্জনে আমার
কাঁপিয়া উঠিল বনুষ্করা ।
দ্রৌপদী । এস বক্ষে আজ
দ্রৌপদীর বীরেন্দ্র বল্লভ । (আলিঙ্গন)
বাঁধি দাও বেণী
চর্চ্চিয়া রুধিরে । (বেণীতে হস্ত প্রদান) ।

পঞ্চম অঙ্ক ।



প্রথম দৃশ্য ।

রণস্থল ।

(অগ্নি চিতা প্রজ্বলিত ।)

যুধিষ্ঠিরাদি পঞ্চ ভ্রাতা, শ্রীকৃষ্ণ, দ্রোণাচার্য্য, দুর্য়োধন,
জয়দ্রথ ও বিশ্ববুদ্ধি ।

শ্রীকৃষ্ণ ।

তা কি করিবে সখা,
করিয়াছ যাহা
কেহ কভু করিতে পারে না ।
লক্ষ্য ভেদ করি করেছ নমিত
পৃথিবীর যতেক রাজ্য শির,
রাজস্থয় যজ্ঞ করি
করিয়াছ নত জ্যোষ্ঠাগ্রজ পদে দেবতার দলে ।
বীরত্বের অক্ষয় কীর্ত্তি
স্থাপিয়াছ অবনী মণ্ডলে ।
খাণ্ডব দাহনে করিয়াছ পরাজয় একা
সমগ্র দেবতা বৃন্দে ।
মহেশ্বরে রণে তুষ্ট করি
লভেছিলে অস্ত্র পাণ্ডপত ।

কে কোথা পেরেছে ?
 বিরাটের গোধন হরণে
 একা করিয়াছ পরাজিত সমগ্র কোঁরবে ।
 অধিতীয় বীর তুমি,
 অজ্ঞেয় সমরে গঙ্গার নন্দনে
 শর শয্যাপরি—সাক্ষী তব বীরত্বের ।
 কিন্তু বিধাতার ইচ্ছা
 কে করিবে রোধ ?
 আজি যদি হয় প্রতিজ্ঞা রক্ষিতে,
 অবিচল চিত্তে হান্স মুখে
 দিব রে বিদায় তোরে
 ছাড়িতে এ মরলোক ।

ভীম ।

মরণে না ভয় হে মুরারী ।
 মারিয়াছি দুঃশাসনে আজ,
 করিয়াছি রক্ত পান তার,
 আর নাহি কোন সাধ অফুরস্ত ।
 ভাবিতেছি বাল্য হ'তে
 শুধু সমরে কাটানু কাল ।
 শুধু দস্তে দর্পে
 করিলাম দিনক্ষেপ ।
 শুধু চকিতের মত কেটে গেল জীবনের দিনচয় ।
 পেয়ে নিকটে তোমায় সখারূপে,
 কেহ কভু পায় নাই যাহা,

কভু না পূজিছু ও চরণ—
 কভু না কহিছু, চক্রধারী !
 মায়া চক্র সরাও মুরারী—
 বারেকের তরে ছাড়ি নররূপ,
 চতুর্ভুজ, শঙ্খ-চক্র-গদা-পদ্ম-ধারী
 আআরাম রূপে এস এ পাষণ বক্ষে ।
 হবে বুঝি আসিতে আবার,
 করস্থিত রত্ন ফেলে দূরে উপেক্ষায়,
 হবে আবার কাঁদিতে
 হা কৃষ্ণ—হা কৃষ্ণ করি
 জগতের দিকে দিকে ।

অর্জুন ।

শুধু ওই খেদ ।
 ক্ষত্রবীর থাকে জীবন মোদের
 অসির ফলকে কিম্বা
 তীক্ষ্ণ বাণ অস্ত্রে ।
 মৃত্যু তুচ্ছ,
 ছাড়ি এ জগতের মায়া
 পশিব অনলে অনায়াসে ।
 কিন্তু কি করিছু—
 বিশ্বপতি ইঙ্গিতে তোমার
 অনন্ত ব্রহ্মাণ্ড পুঞ্জ চলে,
 সারথী হইয়া ধরিয়াছ অশ্ব-বল্লা মোর !
 যবে প্রবেশি এ রণাঙ্গনে

কর্তব্য বিমূঢ় হ'য়ে হইলু শরণাগত,
 ধরি বিশ্বরূপ হে ব্রহ্মাণ্ডের প্রাণ
 দেখাইলে একা অদ্বিতীয় তুমি
 রয়েছ ব্যাপিয়া ত্রিভুবন ।
 হেরিলু বিশ্বয়ে
 কোটা কোটা চন্দ্র সূর্য্য
 উদ্ভাসিত তব অঙ্গে ।
 আব্রহ্মসুন্দর যাহা কিছু
 তুমি একা তোমারই তরঙ্গ ভঙ্গ ।
 ব্রহ্মাদি দেবতা,
 সিদ্ধ সাধ্য মহা ঋষি,
 উরগ-গন্ধর্ব্ব-যক্ষ-পন্নগ-কিন্নর,
 তোমারি বিভূতি সব
 করিছে তোমার স্তুতি বন্ধাঞ্জলি করে ।
 তুমি প্রাণ রূপে—
 জলে স্থলে অনলে অনিলে
 নভে—অচ্যুত ঈশ্বর ।
 দেখেছি তোমার স্নেহপূর্ণ আঁধি
 আছে চাহি সর্ব্ব জীব মুখ পানে ।
 অন্তরে থাকিয়া
 শুনেছি তোমার মহান্ সত্যের গীতি
 মুখরিত প্রতি অণু মাঝে ।
 বায়ুর পরশে পাইয়াছি

পরশ তোমার স্নিগ্ধ শ্রীঅঙ্কের—
 তুমি প্রাণ—অচ্যুত অচিন্ত্য
 অব্যক্ত অমূর্ত অক্ষয় অগোচর,
 তুমি প্রাণ—বিশ্বরূপ বিশ্বনাথ
 বিশ্বাণ্ড বিশ্ব বীজ,
 বিশ্বের বিমল পুণ্য হৃদয় ভূষণ ।
 তুমি অমৃত—অমৃতের উৎস তুমি,
 তুমি সত্য—সত্যের সমুদ্র তুমি,
 তুমি জ্ঞান—জ্ঞানের আলোক তুমি,
 তুমি শূন্য—তুমি পূর্ণ,
 তুমি অণু হ’তে অণু
 মহান্ হইতে মহীয়ান্
 রাজা-গুরু-সখা-দেবতা-সর্বস্ব আমার ।
 দেখিয়াছি—তবু দেখি নাই,
 জানিয়াছি—তবু জানি নাই,
 উপেক্ষায় হতাদরে
 নিত্য রাখিয়াছি ঠেলি হৃদয় বাহিরে ।
 নব-শ্রাম-জলধর চতুর্ভূজ শঙ্খ-চক্র-ধারী !
 কি দেখালে—
 “সহস্রশীর্ষ পুরুষঃ সহস্রাক্ষঃ সহস্রপাং”,
 “অনাদি মধ্যান্ত মনস্ত বীৰ্য্য
 মনস্ত বাহুঃ শশী সূর্য্য নেত্রং”
 কি দেখালে—

“কিরিটীনং গদিনং চক্রিণঞ্চ
 তেজোরশিং সৰ্বতো দীপ্তিমস্তং”—
 দেখিলাম তবু ভুলিলাম—
 মাতিলাম রণে ।
 নাহি কহিলাম গুরো
 ক্ষমা কর এ মুরতি ছাড়ি
 নাহি লব তুলি
 জগতের এ ধূলি হৃদয়ে ।
 বড় খেদ রহিল অন্তরে,
 পূজি নাই—পূজিতে দিলে না,
 সেবি নাই—সেবিতে দিলে না,
 ডাকি নাই—ডাকিতে দিলে না
 জগন্নাথ বলিয়া তোমারে ।

যুধিষ্ঠির ।

হে গতি—হে প্রভো
 অনাথ শরণ !
 দীন কিঙ্করের শেষ নমস্কার
 লহ কৃপা করি ।
 অৰ্জুনের সনে সকলে পশিব আজি
 ধর্ম রক্ষা তরে অগ্নির মাঝারে ।
 তোমার মহতী ইচ্ছা হউক পূরণ ।

নকুল, সহদেব । পূর্ণ হোক তব ইচ্ছা পরম পুরুষ,
 পূর্ণ হোক ইচ্ছা তব হে বিশ্ব সারথী,
 পূর্ণ হোক ইচ্ছা তব ব্রহ্ম সনাতন ।

(দুর্ঘোষন, দ্রোণাচার্য্য, জয়দ্রথ ও বিশ্ববুদ্ধির প্রবেশ)

দ্রোণ । আজি দিবাভাগ যেন দ্রুত
হইয়াছে অবসান ।

দুর্ঘোষন । আহা প্রিয় শিষ্য তব
অকালে মরিল ।
ভুলিল বিধাতা
বাড়াইতে দিবাদণ্ড আজি ।

জয়দ্রথ । (পশ্চিম দিকে চাহিয়া)
সূর্য্যদেব সত্য অন্তমিত ।

বিশ্ব । চাকি ডুবেছে গো, আর ভয় কি, হাড়িকাট থেকে ফিরেছ
বাবা ।

ভীম । এস এস ভ্রাতৃবৃন্দ,
বহুকাল পরে আজ
সাদর আহ্বানে করিতেছি সমাদর ।
কৃষ্ণ নাম বুকে ল'য়ে
নেমেছিহু এ ভ্রাতৃ বিরোধে,
কৃষ্ণ নাম নিতে নিতে
কৃষ্ণের ইচ্ছায়
পশিব অনলে আজি ফাস্তুনীর সহ ।
কর রাজ্যভোগ-নিষ্কণ্টকে ।
যেই নাম বলেন দুর্ঘোষন,
শত শত কূটচক্র হ'তে তব
রক্ষিয়াছি ভ্রাতৃবৃন্দে,

যেই নাম বলে
করিয়াছি অসংখ্য অহুর পাত,
যেই নাম বলে আজি একা
বধিয়াছি ভ্রাতৃবৃন্দে তব অনায়াসে,
যেই নাম বলে লভেছিল
পাঞ্চালী বসন পাপ সভাস্থলে তব,
যেই নাম বল
দুর্কাসার চক্র পরিত্রাতা—
লহ সেই নামের আশ্রয় ।
আর খেকনা ডুবিয়া
পাপের ছুরিতার্ণবে ।
ওই শুন
সবিস্ময়ে স্বর্গ মর্ত্ত
করিতেছে নামের ঝঙ্কার ।
নামের লহরী পত্রে পত্রে বহে,
ঝিম্ ঝিম্ বহিছে পবন
নামে হ'য়ে কণ্টকিত ।
নামে আধার আসিছে নামি
নিঝুম নীরবে
জগতের শিরে দিতে শান্তি বারি ।
নামে গঠিত এ ভীম দেহ
নামে প্রজ্জ্বলিত এ অনল
জল-স্থল-ব্যোমপূর্ণ মহানামে

নীরবে খেকনা-দুর্যোধন
বল হরে মুরারে মধুকৈটভারে
গোপাল গোবিন্দ মুকুন্দ শৌরে ।

(শ্রীকৃষ্ণকে প্রণাম)

অর্জুন ।

বিদায় ধরনী, বিদায় রাজন্যবর্গ
বিদায় পাণ্ডব সখা
এ বাহু জগতে ।
অস্তর দেবতা তুমি মম,
অস্তরে পূজিতে
চলিলাম অস্তর সাম্রাজ্যে ।
নাহি যেথা বিষয়ের কোলাহল
দূর সে অস্তরে
যেথা মাত্র তুমি শুভ্র জ্যোতির্ময় ।
(সকলের স্তব পাঠ ও অগ্নি প্রদক্ষিণ)
নমঃ সবিতৃ মণ্ডল মধ্যবর্তী
নারায়ণঃ সরসিজাসনসন্নিবিষ্টঃ ।
কেয়ুরবান্ কনককুণ্ডলবান্
কিরিটীহারী হিরণ্ময়বপুর্ধ্বত শঙ্খচক্রঃ ॥

জয়দ্রথ ।

দূর হ'ল জগতের পাপ ।

দুর্যোধন ।

সমরের সাধ রহি গেল ভীম সনে

অসঙ্গত সময় সমাপ্তি ।

যুধিষ্ঠির ।

দাও খুলি মায়াজাল

চক্ষু হ'তে মায়াময়

মরি দেখিতে দেখিতে
 তব চতুর্ভুজ রূপ ।
 কুরুপক্ষ । আহা দাও দাও খুলে দাও ।
 শ্রীকৃষ্ণ । দিব খুলি ।
 শুন সমবেত কুরু রাজগুমণী
 শুন দুর্ঘোষন ।
 ভাবিয়াছ অধর্মেরে করিয়া আশ্রয়
 ধর্মেরে তুমি হইবে বিজয়ী ।
 ভাবিয়াছ অধর্মের জয়
 গাবে ইতিহাস
 ধর্মেরে করি উপেক্ষিত ।
 ভাবিয়াছ কুরুপক্ষ সেবিয়া অধর্মেরে,
 গায়ে করি পদাঘাত—
 সত্যে দলিয়া চরণে—
 ক্ষত্র ধর্ম করি উপেক্ষিত
 লভিবে সাম্রাজ্য নিকটকে ।
 বিধাতার নহে এ বিধান
 ধর্ম তাহা নাহি সহ করে ।
 ধর্ম রক্ষা করে আপন সেবকে
 অধর্মের অভ্যুত্থানে,
 মহিমা অপার ।
 মাতৃসম সেবকে লইয়া বৃকে,
 সর্ব বিঘ্ন করি বিমদিত

ল'য়ে যায় উচ্চ প্রতিষ্ঠায় ।
 সূর্য্য নিত্য সাক্ষী তার । (সূর্য্যের প্রকাশ)
 ওই হের পশ্চিম গগনে
 রক্ত ভানু বিরাজিত ।
 দিবা হয় নাই অবসান
 ধর্ম্ম মহিমায় ছিল আচ্ছাদিত
 ধার্ম্মিকের পণ রক্ষা তরে ।
 জয়দ্রথ, আজ তব শেষ দিন ।
 রে ফাস্তুনী,
 ধর্ম্মের রক্ষিত পরস্তুপ !
 দাও গাণ্ডীবে টঙ্কার,
 ছিন্ন কর জয়দ্রথ শির ।
 বাণে বাণে শূন্যে শূন্যে
 ল'য়ে যাও খণ্ডিত মস্তক
 উহার পিতার ক্রোড়ে
 নতুবা বাঁচিবে পুনঃ
 ভূতলে পড়িলে ।

(পাণ্ডবের জয়ধ্বনি কুরুপক্ষের পলায়ন ও পাণ্ডবগণের অনুধাবন ।)

(বিশ্ববুদ্ধির পুনঃ প্রবেশ)

বিশ্ব । (সবিস্ময়ে) রাত সূর্য্যি ! বাবা রেতে সূর্য্যি উঠিয়ে
 ছাড়লে! চাঁদের বদলে সূর্য্যি ! কোথায় লুকোবোরে
 বাবা । রাত্তিরে সূর্য্যি উঠল ! বাবা জগন্নাথ কত কেরামত

দেখালে বাপধন । এঁয়া সূচিয়া না আতস বাজি, না ব্রহ্মবাণ
 জলছে ? (চক্ষু রগড়াইয়া) এঁয়া স্বপ্ন দেখছি নাকি ? .আমি
 জেগে আছি না ঘুমুছি । না মরে সূচিয়ার দেশে এসেছি ।
 কাকে ডাকি গো—কে আছে গো—ওগো ও ব্রাহ্মণী খুড়ী খুড়ী
 ও জগন্নাথ ও জগন্নাথ । আঃ বাঁচলেম জগন্নাথ, বাবা হয়েছে ।
 এবার ও চাকিখানা নিবিয়ে দাও বাবা । আমার বড় ভয়
 হচ্ছে । বাবা জগন্নাথ এত ভেঙ্কিবাজী জান বাবা ।
 (প্রকৃতিস্থ হইয়া) না সূচিয়াই বটে । ঐ মাগী আর ঐ
 জগন্নাথ না পারে হেন কাজ নাই । তা চুলোয় যাক ।
 গরীব ব্রাহ্মণ আমি, আমার এত মাথাব্যথা কেন ? শেষটা
 কি ক্ষেপে যাব ? আচ্ছা বাবা জগন্নাথ ! তোমার এত ক্ষমতা
 তবে আমায় আর কেন কষ্ট দাও ? আমার বুকের ভিতর
 কেন ঢুকলে ? আমার বুকের ভিতর কেন চোক ছুটো ঢুকিয়ে
 দিয়ে বসে রয়েছে ? একবার এস । একবার তোমার
 সামনে দাঁড়িয়ে ছুটো কথা ক'য়ে প্রাণটায় একটু দম দিয়ে
 নিই । তোমার ছনিয়ায় এ ভুতুড়ে কাণ্ড দেখে আমি যে
 খাবি খাচ্ছি । জগন্নাথ জগন্নাথ জগন্নাথ ! আঃ তা শুধু
 আমি নয়, ঐ অর্জুন সেও বলেছিল তোমায় জগতভোর
 দেখতে পেয়েছে । বুঝি সবাই পায়, বুঝি যার কানে
 তোমার নামটা ঢোকে সেই তোমায় আকাশে পাতালে
 গাছে পালায় জলে মাটিতে সব যায়গায় দেখতে পায় ।
 আর সেই ক্ষেপে যায় আর সেই হা জগন্নাথ—হা জগন্নাথ
 ক'রে আমার মত কেঁদে মাটিতে গড়াগড়ি দেয় । তা বাবা

আমায় ছাড় কি চাই বল কি দিলে সন্তুষ্ট হবে বল? কি দিলে তুমি আমার বুকটা থেকে নেমে যাবে না হয় একেবারে আমাকে তোমাতে মিশিয়ে নেবে। আমি আর বিশ্ববুদ্ধি না থেকে তোমার মত হ'য়ে যাব—তুমি হ'য়ে যাব। আর কি আছে আমার দেবতা! ব্রাহ্মণের ছেলে আমি কখনও পূজা শিখিনি, আমি কি ক'রে তোমায় পূজো দিয়ে তাড়াব ঠাকুর! জগন্নাথ—জগন্নাথ—জগন্নাথ! সবাই একবার বলত জগন্নাথ! আঃ ঐ দেখ নামটার গুণ দেখ। ঐ নাও ভীম বেটা ঠিক বলেছে—ঐ মাটা বলছে জগন্নাথ, ঐ গাছগুলো বলছে জগন্নাথ, ঐ ঘাসগুলো বলছে জগন্নাথ, ঐ বাতাস বলছে জগন্নাথ, ঐ আকাশ বলছে জগন্নাথ, ঐ সূর্য বলছে জগন্নাথ, আমার প্রাণ বলছে জগন্নাথ—ভুবনভোর জগন্নাথ—জগন্নাথ করছে। দুনিয়া ক্ষেপিয়ে দিয়েছে—দুনিয়া মাতাল ক'রে দিয়েছে। (বিস্ময়ে) ও বাবা ঐ দেখ, ঐ কাটা মুণ্ড উড়ে যাচ্ছে। ওরে ঐ ত জয়দ্রথের মুণ্ড জগন্নাথ—জগন্নাথ ক'রে আকাশে ঘুরে বেড়াচ্ছে। বাবা জগন্নাথ—বাবা জগন্নাথ রক্ষা কর।

(প্রস্থান)।

দ্বিতীয় দৃশ্য ।

রণস্থল ।

(কর্ণ ও পশ্চাৎ পশ্চাৎ শল্যের প্রবেশ)

কর্ণ ।

বহু পশু সম
বাধিলাম যুদ্ধিগিরে ধনু ফাঁসে ।
আজি বহু পশু সম বধিব অর্জুনে,
চল শল্য বামে দ্রুত ।

শল্য ।

দিয়াছিলে পরিজ্ঞান
ফাস্তুরী ভয়ে ।
আজ স্বয়ং ফাস্তুরী সেনাপতি,
কুরু তরী বুঝি আজ
কর্ণহীন হয় ।

কর্ণ ।

কর জিহ্বা সঙ্কচিত
অর্কাচীন অযোগ্য সারথী ।
সহস্র ফাস্তুরী
নহে সমকক্ষ মোর
বীর্যে, মন্ত্রবলে, বাণে বা বিজ্ঞায় ।
আসে যদি সম্মুখ সমরে
শত কৃষ্ণ চক্রধারী হ'য়ে,
তবু নহে সমকক্ষ মোর ।
অর্জুনের শতক গাণ্ডীব
ক্রীড়নক সম

এ বিজয় শরাসন পাশে ।
 পার্থের সারথী কৃষ্ণ,
 তুমি সারথী আমার
 নগণ্য অযোগ্য—
 এই মাত্র ক্ষোভ ।
 শল্য । শরাসন বিনিহত
 বাণ হ'তে তব
 বাক্যবাণ তীক্ষ্ণতর ।
 আমি অযোগ্য সারথী
 যোগ্য রথী তুমি ফাস্তনীর !
 দাও পরিচয়
 বাণে, নহে বাক্যে স্তত পুত্র
 দুর্ভাগ্য আমার
 হইলু স্বীকার
 শৃগালের রথ সঞ্চালনে ।
 কৰ্ণ । দিব পরিচয়
 বাণে শল্য
 সমগ্র জগতে,
 বহুসেন নহে বাক্যবীর ।
 এই বাণ—এই বাণ মুখে
 আছে প্রচ্ছন্ন নীরবে
 মৃত্যু ফাস্তনীর ।
 এই বাণে হবে নিষ্ফলক

কৌরবের জয়পথ ।
 এই গ্রীবাগ্নি বাণে অর্জুনের শির
 লুটিবে ভূতলে ।
 অব্যর্থ এ বাণ—
 রহ উৎকর্ষে প্রগলভ
 শুনিবারে পাণ্ডবের হাহাকার ।
 ওই দেখ ফাস্তনী নিধন
 হেরিবারে দেবতার দল
 বিশ্বয়ে বিভ্রমে অন্তরীক্ষে আবিভূত ।
 চল ল'য়ে আসি অর্জুনের শির
 ক্রীড়া কন্দুকের সম,
 দিতে উপহার কুরুরাজে । (উভয়ের প্রস্থান) ।

পট পরিবর্তন ।

শ্রীকৃষ্ণ ও অর্জুন ।

অর্জুন । অসম্ভব কর্ণ বধ
 আজি হে অচ্যুত ।
 ক্লাস্ত হইল করদ্বয়
 অবশাক,
 লক্ষ্য না রাখিতে পারি স্থির ।
 জীবনে সমরে কভু
 সম্ভস্ত এমন হই নাই সখা ।
 করেছি সংগ্রাম পশুপতি সনে,

থাগুব দাহনে
জিনিয়াছি একা
সমগ্র দেবতাবৃন্দে,
বিরাটের গোধন উদ্ধারে
একা করিয়াছি বিতাড়িত
সমগ্র কৌরবে ।

কিন্তু বৃষ্টিতে না পারি
কোন দৈব বলে বলীয়ান
কর্ণ আজি ।

অসম্ভব রণ সঞ্চালন ।
গাণ্ডীব পড়িছে খসি,
জর্জরিত তনু অরি শরে,
ফিরাও গোবিন্দ রথ
অজিকার মত ।

দিব ভঙ্গ রণে
কাল পুনঃ কর্ণবধে
হব অগ্রসর ।

শ্রীকৃষ্ণ ।

কর শির অবনত
সম্বর ফাস্তনী,
আসিছে গ্রীবাঙ্গি বাণ—
ক্রত নামি পড়
রথ হ'তে ।
না না নাহিক সময়

হয় বুঝি পার্থ দ্বিখণ্ডিত ।

করি বিনমিত রথ অশ্বসহ ।

(রথ বিনত হইল ও কর্ণের বাণ অর্জুনের শিরের ঈষৎ
উর্দ্ধ দিয়া চলিয়া গেল)

অর্জুন ।

অচ্যুত সারথী !

রক্ষিলে পার্থেরে আজি

সারথ্যের স্ককৌশলে ।

হের জাদ্য মোর

হের কর্ণের বিক্রম,

নহি আমি সমকক্ষ আজি রণে তার ।

চল—চল ছাড়ি রণস্থল

আজিকার মত ।

শ্রীকৃষ্ণ ।

কেন কৈব্য এত

বীরেন্দ্র কেশরী ?

কর্ণ বধ্য তব আজি

কহিতেছি বার বার ।

ওই হের দেবতার দল

অস্তরীক্ষ হ'তে

করে পুষ্প বৃষ্টি

হেরি তব রণ নিপুণতা ।

কর্ণের বীরত্ব

বিশ্রুত তুবনে ।

ইন্দ্রাদি দেবতা জানে সবে

অজেয় এ বহুসেন
 থাকে যদি রথোপরি,
 করে যদি ব্যবহার যত কিছু
 দৈবলক্ষ বাণ তার ।
 স্বর্গে দেবরাজ,
 মর্ত্তে বহুসেন
 সমতুল্য দুইজন ।
 তুমি তুল্য বল স্থনিশ্চিত,
 কিন্তু রথস্থ রাধেয়
 শ্রেষ্ঠ তোমা হ'তে ।
 তাই আদর্শ এ রণ আজিকার ।
 ছাড় মোহ দুর্বলতা ভীতি,
 অবিলম্বে বধি কর্ণে
 কোঁরবের শেষ আশা করিবে নিশ্চল ।
 অর্জুন । হের দিগন্ত ব্যাপিয়া
 আসে বাণ বিভীষণ
 মেঘজাল সম বজ্র জালাময় ;
 অসম্ভব রাধেয় নিধন ।
 শ্রীকৃষ্ণ । অসম্ভব সম্ভব
 তোমাতে ধনঞ্জয় ।
 কেন এত বিশ্বাস—
 কেন ভোল
 স্বয়ং শ্রীধর সারথী তোমার,

জয়শ্রী নিত্য তব
ললাট ভূষণ ।
নর নারায়ণ এক রথে
হেরিতেছে বিশ্বাসী,
সোৎসুক্কে দেবতারূপ
হেরে স্বর্গ হ'তে,
ধর্মাধর্ম্যে আদর্শ সমর ।
প্রীতি আলিঙ্গনে
বন্ধ জগতের নাথ নরসনে,
ধর্মরাজ্য প্রতিষ্ঠার তরে ।
এস বন্ধে লহ শক্তি
পশুসম কর হত্যা
বৈকর্তনে আজি । (উভয়ের আলিঙ্গন)

পট পরিবর্তন ।

(কর্ণের রথচক্র ধরনীতে গ্রথিত)

কর্ণ । ভাঙ্গিল কি রথচক্র
 কিংবা গ্রথিত হইল
 পৃথ্বী বন্ধে ?
 (কর্ণ ও শল্য উভয়ের নিরীক্ষণ)

শল্য । নহে ভয় চক্র,
 ধরনী করিল গ্রাস
 সেনাপতি !

কর্ণ ।

চক্র মেদিনীর গ্রাসে
 ব্রহ্মশাপ হইল পূরণ ।
 ধিক্ ভাগ্যে—ধিক্ ধর্মে—
 ধিক্ বিধাতায় ! (তুলিতে চেষ্টা করিল)
 দণ্ডমাত্র রথ হইত চলিত
 যত্নপি আর
 নিরাপদে,
 ফাস্তুনীর শির
 লুটিত ভূতলে ।
 ফিরিত শ্রীকৃষ্ণ
 শূন্য রথ ল'য়ে
 কুরুক্ষেত্র রণাঙ্গন হ'তে,
 পার্থ শূন্য হইত পৃথিবী ।

শল্য ।

কিবা পারিত ঘটতে,
 কিবা হবে ভবিষ্যতে,
 সে চিন্তায় ক'রনা বাহিত
 ঋণমাত্র সেনাপতি ।
 হেরি রণ নিপুণতা তব
 চমৎকৃত আমি,
 চমৎকৃত রথীবৃন্দ সবে ।
 তোমার এ সমর গৌরব
 গাহিবে অনন্তকাল
 পৃথিবীর ইতিহাস ।

ক্রমা কর কহিয়াছি
 কটু যাহা ।
 বিধি বিড়ম্বনা—
 কি করিবে,
 ধর চক্র কর উত্তোলিত
 আনিও না হৃদয়ের দুর্বলতা ।
 কৰ্ণ ।
 ভীত নহে কৰ্ণ
 মৃত্যু ভয়ে ।
 রণোত্তম মম আছে
 অবিকম্প স্থির ।
 কিন্তু ভাবিতেছি শুধু
 ভাগ্যালিপি ।
 ইহা নহে তুচ্ছ দুষ্কিপাক—
 ব্রহ্মশাপ ।
 মেদিনী করিল চক্রগ্রাস,
 আজি মোর শেষ দিন ।
 কুক্ষণে লভিহু জন্ম,
 মাতৃস্নেহে বঞ্চিত অভাগা
 হহু নির্বাসিত ।
 বাঁচিহু যত্নপি,
 হীন স্নতগৃহে হইহু পালিত ।
 সূর্য্যের তনয়
 স্নত পুত্র নামে বিঘোষিত ।

মাতা পিতা রহিল অজ্ঞাত
 অগ্রে করিলাম পিতৃ সন্তাষণ ।
 রহস্যের আবরণে রহিল আবৃত
 জীবনের ইতিহাস ।
 হায় জানিতাম যদি
 পাণ্ডব অগ্রজ আমি !
 গেমু গুরুগৃহে,
 প্রাণান্ত সেবায় তুষিয়া ভার্গবে
 লভিহু অপূর্ব অঙ্গরাজি ।
 বিধি বিড়ম্বনা !
 ভাগ্য দোষে
 লভিলাম অভিশাপ—
 বিশ্বত হইব অস্ত্র
 প্রয়োগের কালে ।
 পিতৃ দত্ত কবচ কুণ্ডলে
 ছিল অঙ্গ সুরক্ষিত,
 ছিলাম অজ্ঞেয় রণে,
 দুর্ভেদ্য কবচ
 হরিল বাসব ছদ্মবেশে ।
 ধর্ম রক্ষা তরে
 নিজ করে আপনার প্রাণ
 দিহু উপাড়িয়া ।
 ধিক্ ধর্ম্মে—ধিক্ বিধাতায় !

করিছু প্রতিজ্ঞা
 একা বধিব পাণ্ডবে ।
 অনন্ত অপরাধের অস্ত্র অধিকারী,
 অসাধ্য ছিল না কিছু ।
 তুচ্ছ পঞ্চভ্রাতা—
 পারি দেবরাজে পরাজিতে ।
 স্বার্থপর জননী আসিল,
 দিল পরিচয়
 পুত্র আমি তার,
 স্নেহহলে ভিক্ষা মাগি নিল
 অগ্র পুত্র প্রাণ ।
 বাঁধিল আমারে পণের শৃঙ্খলে
 মরণের তরে ।
 ধিক্ নারী—
 ধিক্ মাতৃভে—
 কিম্বা ধিক্ ভাগ্যে মম ।
 করিছু সঙ্কল্প
 ছাড়ি অগ্র ভ্রাতা
 বধিব অর্জুনে শুধু ।
 বীর্ষ্যে, বাণে, বিক্রমে, পৌরুষে,
 পরাজিছু তারে ।
 চমৎকৃত হইল দেবতারুন্দ
 ভীত ত্রস্ত ভগ্নবৃহ

পাণ্ডব বাহিনী,

লুটিল ফাস্তনী কৃষ্ণকোড়ে ।

ক্ষণমাত্র—ক্ষণমাত্র আর

চলিত যত্নপি রথ !

পাষণী মেদিনী

ল'য়ে ব্রাহ্মণের কোপ

গ্রাসিল করাল গ্রাসে

রথচক্র মম ।

জন্মে, কৰ্ম্মে, ধৰ্ম্মে,

ভাগ্য বিধাতায়

শত ধিক্—শত ধিক্ । (রথ উত্তোলনের চেষ্টা)

(কর্ণ বধোন্মুখী হইয়া শ্রীকৃষ্ণ ও অর্জুনের প্রবেশ)

শ্রীকৃষ্ণ

ধিক্ ধৰ্ম্মে নহে,

নহে বিধাতায়

কৰ্ম্মে তব শত ধিক্ ।

ধৰ্ম্ম বিধি করি পরিহার

ছিলে মত্ত কৰ্ম্মশ্রোতে

অন্যায় অধৰ্ম্মময়,

আজি তার শেষ পরিণাম ।

কর্ণ ।

রথ মম অকৰ্ম্মণ্য

দেখিছ ফাস্তনী,

রণনীতি হইয়া বিশ্বত

করিও না অস্ত্রক্ষেপ,

দাও ভিক্ষা কণমাত্র অবসর
 উত্তোলিতে রথচক্র ।
 বীর ধর্ম্মে ক্রমাযোগ্য আমি ।
 বীর যাচে নীতি সিদ্ধ ক্রমা
 বীরের সমীপে ।
 অস্ত্রহীনে রথহীনে অস্ত্রক্ষেপ
 নহে বীর নীতি জানত বীরেন্দ্র ।
 (অর্জুন শ্রীকৃষ্ণের দিকে চাহিল)

শ্রীকৃষ্ণ ।

বীরযোগ্য ব্যবহার
 যাচিতেছ বনুসেন
 করি উল্লঙ্ঘন বীর ধর্ম্ম চিরদিন ?
 কোথা ছিল ধর্ম্মজ্ঞান তব
 জতুগৃহ দাহ কালে ?
 কোথা ছিল ধর্ম্মজ্ঞান
 কুরু সভা মাঝে
 দ্রৌপদীর বসন হরণে ?
 কোথা ছিল ধর্ম্মজ্ঞান
 অক্ষয়ীড়া কালে,
 ছলে যবে পাঠাইলে
 বন মাঝে ধর্ম্মরাজে ?
 কোথা ছিল ধর্ম্মজ্ঞান
 অভিমুখ্য বধ কালে ?
 সপ্তরথী যিনি

নিরস্ত্র বীরেন্দ্র শিশু
 করিয়াছ হত্যা জন্মাদের সম—
 সে কি ধর্ম যুদ্ধ ?
 সে কি বীরযোগ্য ব্যবহার ?
 ধর্মনীতি করিয়া আশ্রয়
 হতেছ করুণা প্রার্থী
 চিরদিন ধর্মে করি পদাঘাত ।
 বীর্যবান পশু তুমি,
 তাই আজি ধর্মযজ্ঞভূমে
 যজ্ঞ বলি রূপে বধ্য তুমি
 কর্মযুগে ;
 পশু সম হইবে নিহত ।
 হত্যা কর—হত্যা কর ধনঞ্জয়
 যাচি পুনরায় ক্ষমা
 কিরীটীর পাশে ।
 নহে প্রাণ ভয়ে—
 মাত্র ধর্ম যুদ্ধে
 দেখাতে জগতে
 চিরদিন স্মৃত পুত্র বলি
 হের চক্ষে হেরেছিলে যারে,
 তার কাছে বীর্য কিরীটীর
 শিশুর কুর্দন ।
 কেশব কিরীটি

কর্ণ ।

নহে সমকক্ষ কভু
 কর্ণের—রবি তনয়ের ।
 যথার্থ ই রবিস্তৃত আমি ফাস্তুনীর ।
 শ্রীকৃষ্ণ । বিমূঢ় হয়োনা পার্থ
 বাক্জালে,
 কর অস্ত্রক্ষেপ ।
 বিধির বিধান—
 রথচক্র গ্রাসিবে পৃথিবী যবে
 বসুসেন প্রাণ ছাড়িবে মেদিনী ।

অর্জুন । রথ চক্র করিয়াছে গ্রাস
 মেদিনী জননী,
 দেবতার দল রহিয়াছে
 উদগ্রীব হইয়া
 হেরিতে নিধন তব ।
 ওই সূর্য্য একাগ্র নয়নে
 রহিয়াছে চাহি অপেক্ষায়,
 স্বয়ং কেশব ধর্ম রক্ষা তরে
 চাহেন সংহার তব,
 অধর্মের প্রায়শ্চিত্ত মৃত্যু অসহায় ।
 কৃষ্ণের আদেশ,
 ধর্ম্মাধর্ম্ম নাহি জানি
 শেষ হোক তোমার জীবন ।

(অস্ত্রত্যাগ ও কর্ণের পতন) ।

তৃতীয় দৃশ্য ।

পাণ্ডব শিবির ।

দ্রৌপদী আসীনা ।

দ্রৌপদী ।

ঘোর নিশা সূচীভেদ্য ।

নিদ্রিতা প্রকৃতি,

নিদ্রিত শিবিরবাসী সবে ।

কাল শুধু রয়েছে জাগ্রত

সাক্ষী সম বিস্তারি প্রশান্ত চক্ষু,

স্বপ্নি মায়াজালে আবরি জগত জীবে ।

কর্মে রত জীব নিত্য পড়ে ঘুমাইয়া,

নিত্য পুনঃ ভাঙ্গে ঘুম

আরম্ভিতে কর্ম্ম অসমাপ্ত ।

নাহি ভাবে মনে

একদিন ভাঙ্গিবে না ঘুম আর,

হ'তে পারে এই ঘুম

চির নিদ্রা তার ।

যাঁর বন্ধে, যাঁহার আশ্রয়ে,

যাঁর উদ্বোধনে মত্ত হয় কর্ম্মরঙ্গে,

বলেনা'ত তারে—দাও প্রভু

তোমার বিশাল চৈতন্য বন্ধে স্থান

পড়ি ঘুমাইয়া ।

কর্মক্লাস্ত কায়া
 আবল্যে পড়িছে ঢলি,
 দাও নাথ দাও বুকে স্থান ।
 ঘুম সেথা জাগরণ, মৃত্যু সেথা অমর জীবন,
 ত্যাগ সেথা মহা প্রাপ্তি,
 নিষ্কাম সেখানে পূর্ণ মনস্কাম ।
 এস প্রভু—এ নিস্তরু ধরা বক্ষে
 দ্রৌপদীর বক্ষ হয়নি নীরব নাথ,
 কামনার কোলাহল যায়নি মুছিয়া,
 চাহিছে মঙ্গল আত্মীয়ের ।
 তবু এস—কামক্লিন্ন ভীতি-বিক্ষোভিত
 জীবত্বের মায়া কুঞ্জাটিকা
 ঘোচে নাই—তবু নাথ এস ।
 প্রভাত হইলে তবে ভানুর উদয়
 নাহি হয় প্রভু,
 ভানুর উদয়ে তবে হয় সুপ্রভাত ।
 অজ্ঞান ঘুচিলে নাহি হয় জ্ঞানের উদয়,
 জ্ঞানের উদয়ে তবে ঘোচে অজ্ঞানতা ।
 মায়াজাল ছিন্ন হ'লে
 পরে, তবে তুমি আস—
 মিথ্যা কথা,
 তুমি এলে তবে ঘোচে
 মায়ী মায়াময় ।

তাই এস—এস জীবন সর্বস্ব—
 এস প্রিয়—এস প্রাণ—এস সখা মোর ।
 এস বাঞ্ছিত চির সঞ্চিত প্রীতি
 নিতে নাথ—এস হে
 এস লুপ্তিত পাপ সিঞ্চিত
 দীন বঞ্চিত সখা হে । (ধ্যানস্থ)

(বিশ্ববুদ্ধির প্রবেশ)

বিশ্ব । (স্বগতঃ) তা'ত জানি, ডাইনের চোখে ঘুম নেই, চোরের
 ঘুম নেই, লম্পটের ঘুম নেই, আর জগন্নাথের ঘুম নেই । ঐ
 দেখ হজমী মস্তুর আঙড়াচ্ছে । ছুনিয়ায় মানুষ খেতে আর
 বাকী রাখলে না । দ্রোণ, কর্ণ, শল্য আর কেউ নেই,
 দুর্ঘোষন ত মাঠে পড়ে রক্ত তুলছে । ওপাশ সব মুছে
 খেয়েছেন তবু মস্তুর পড়ে থিদে করচে । ডাকচে গো—
 পাখীগুলো যেমন মুখে করে খাবার নিয়ে এসে বাচ্ছাগুলোকে
 ডেকে ডেকে খাওয়ায়, তেমনি ঠাকুরটাকে ডাকচেন । তবু
 কিন্তু ওকে না দেখে থাকতে পারিনি, তাকেও না ডেকে
 থাকতে পারিনি । (নিকটে গিয়া প্রকাশ্যে) মা চক্ষু কি ঘুম
 নেই মা ? এত রাজারাজড়া ঘুমুলো, এই দলে যে কটা
 গরীবের বাচ্ছা আছে তাদের রেহাই দাও না ? মা পাঁঠা
 দেব, মহিষ দেব, মেঘ দেব, ঠাণ্ডা হও মা, দুকূল খাকী
 জগজ্জননী ।

দ্রোপদী । (সচকিতে) কে ও ব্রাহ্মণ বিশ্ববুদ্ধি ?

বিশ্ব । হতবুদ্ধি হ'য়ে গেছি মা, বিশ্ববুদ্ধি কোন চণ্ডাল ।

- দ্রৌপদী । কি হয়েছে ব্রাহ্মণ—এত রাতে সবাই নিদ্রিত,
এখানে একেলা আমি, তুমি কেন এলে ?
- বিশ্ব । তুমি একলা এক নিমেষও নয় মা । সে জগন্নাথ তোমার
আঁচল ধরে ঘুরছে । জোড় খুলতে পারলাম না মা—দেশটাও
শ্মশান হয়ে গেল ।
- দ্রৌপদী । ইচ্ছা তাঁর কাল পূর্ণ
সকলই বিলয় হয়
অঙ্গে তাঁর জলবিন্দু সম ।
পুনঃ উঠে ফুটি ইচ্ছায় তাঁহার,
তাই তিনি জগতের নাথ ।
- বিশ্ব । আচ্ছা তবে এই যে এত লোক ম'ল এসব কোথায় গেল ?
- দ্রৌপদী । কোথা আছে অগ্নি স্থান আর ?
সকলের আশ্রয় শ্রেয়স্কর
বিশ্বস্তর তিনি,
আছে সবে অব্যক্ত অঙ্গেতে তাঁর ।
- বিশ্ব । (অবাক হইয়া) কই মা । এই ত পরশু দিন হন্ হন্ ক'রে
পাশ কাটিয়ে চলে গেলেন, ঠাকুর যেমন তোমার গুঁটকো
কালো হাড় বের করা ধনিকেষ্ট তেমনই ত রয়েছেন । একটু
মোটাও ত হয়নি । আহা অতগুলো মানুষ গায়ে জুড়ে গেল
বল্ছ, মোটা হ'ল না, একি ছেলে ভুলান কথা ?
- দ্রৌপদী । হে ব্রাহ্মণ উহা তাঁর ক্ষুদ্র নররূপ ।
নর নারায়ণ রূপে অবতীর্ণ
ভূভার হরণে স্বয়ীকেশ ।

আছে অগুরূপ তাঁর,
 অরূপ সে অপরূপ বিশ্বব্যাপী—
 বিশ্ববিশ্ব রচিত তাহাতে ।
 হাস বুদ্ধিহীন নিত্যপূর্ণ নিৰ্ঝিকার,
 প্রতি বিশ্ব অমু মাঝে দ্রষ্টা দামোদর ।

বিশ্ব । শুধু দামোদর নয়রে আঁটকুড়ীর বেটা । হিঞ্জে কলমীর দাম
 সেত খানায় ডোবায় ধরে । শালোদর, সেগুনোদর, পাইাড়
 পৰ্বতোদর, জলোদর, স্থলোদর, অনলোদর, আকাশোদর—
 আঃ বেটার পেট ফাঁপে না গা ? (ক্রণেক চুপ করিয়া) আর
 দেখ মা ঐ যে বলে বিশ্বব্যাপী, তা তোমায় বলতে কি,
 বিশ্বব্যাপী কিনা বুঝতে পারিনি । তবে যখন ডাকি—খুড়ী
 যখন সে পেয়ে বসে, তখন বেশ বুঝতে পারি সে বিশ্ববুদ্ধির
 অন্তর ব্যেপে নিয়েছে বটে—বিশ্ববুদ্ধিব্যাপী । ঐ—প্রাণটার
 ভিতর ঐ আকাশের মত দেখতে পাচ্ছি । আঃ জগন্নাথ
 জগন্নাথ !

দ্রৌপদী । মহা সত্য কহিলে ব্রাহ্মণ ।
 বিশ্বের প্রত্যেক বুদ্ধিবলে
 হন তিনি আভাসিত ।
 বুদ্ধিযোগে রূপ তাঁর হয় প্রকটিত ।
 ডাক বার বার ঐরূপে
 অচিরে ঘুচিবে মোহ ।

বিশ্ব । তা দেখ মা তোমায় খুলে বলি । আমি ও যত্নপতিটার কাছে
 ঘেঁসতে পারিনি । কেমন ভয় করে, দেখতে পেলেই পাশ

কাটিয়ে সরে পড়ি। জ্যান্ত রাক্ষস কিনা। আমি কিছু চাইব না, শুধু দয়া ক'রে আমার বুক থেকে বেরিয়ে যেতে বলব। যখন ব্রাহ্মণীর কাছে থাকতুম তখন তাঁর চিন্তায় পেটের ভাত চাল হ'য়ে যেত। এখন গুঁর ভাবনায় আমার খেয়ে স্নখ নেই, বসে স্নখ নেই। দিন রাত্রির প্রাণটা হাঁচড় পাঁচড় করলে মানুষ কতক্ষণ বাঁচবে মা।

দ্রোপদী। কেন তবে ডাক তাঁরে ?

বিশ্ব। আপনি আসে, আপনি ডাক এসে যায় গো। সে সময়টা কেমন কি একটা হয় স্নখের মত, না নেশার মত, না আলোর মত—আঃ কি পাগল ঘোঁড়াই বৃকের ভিতর ঢুকিয়ে দিয়েছে। দেখ এখন একটা যুক্তি করেছি, এই পূজো করলে ত দেবতারা সন্তুষ্ট হয়, তা আমি মনে করেছি ওকে পূজো ক'রে তাড়াব। কি ক'রে পূজো কর মা তোমরা? খালি ফুল ফল একটু নৈবেদ্য ধূপ ধূনা এইসব হলেই হবে ত ?

দ্রোপদী। কেন চাহ তাড়াইতে ?

বিশ্ব। আরে হয় আশুক নয় সরে পড়ুক। এমন জালে লাউ গাঁথা হ'য়ে কি মানুষ বাঁচে রাক্ষসী ?

দ্রোপদী। বুঝিলাম অবস্থা তোমার বিপ্রবর

মুঞ্চ তাহে তুমি।

সজীব প্রত্যক্ষবৎ হেরিতেছ কর্তব্য তাঁহার

এ ভীষণ রক্ত রঙ্গে,

ঘোর কালধর্ম তাঁর

উদ্ভাসিত বক্ষে তব

বিমিশ্রিত প্রীতি সনে ।

সরল বিশ্বাসী তুমি,

পাবে সরল বিশ্বাসে ।

পত্র পুষ্প ফল যাহা পাও,

ভক্তিভরে দাও

করিবেন সাদরে গ্রহণ ।

বিশ্ব । ভক্তিও বুঝি না, তোমার ভয়ও বুঝি না । বলি এই সিঁদে
কথায় নিতে বলব, যা থাকে কপালে । ও ছুকুল খেকোর
সঙ্গে এবার আমার বোঝা পড়া ।

দ্রৌপদী ।

যাও বিপ্রবর

চিত্ত একান্ত উদ্ভিন্ন মম পুত্রগণ তরে ।

কৃষ্ণশূণ্ড এ শিবির আজি

স্বয়ং শঙ্কর রক্ষিছেন দ্বার ।

আছে গুরু অমঙ্গল

লুকায়িত আমার ললাটে

এ রণের অবসানে,

বলেছেন প্রভু ।

যাও, পুত্রগণে দেখে আসি । (প্রস্থান)

বিশ্ব । বারে মায়া, বারে আমার পুত্রুর স্নেহ ! ও বেটা কি রাক্ষসী ?
এইবার এইদিকে ঝাঁক । তা হলেই ছুকুল ফাঁক । পালাও
বিশ্ববুদ্ধি আর নয় । ডাইনি আপনার ছেলেকেও ফাঁক দেয়
না—আমি ত পাতান ছেলে । তার নাম কৃষ্ণ আর গুর নাম
কৃষ্ণা, শুধু আকারের তফাৎ । প্রভুকে যে ডাকে সেও গুণে

মনে প্রাণে সেই রকম হ'য়ে যায়, থাকে শুধু আকারের তফাৎ ।
যে কৃষ্ণ বলে সেই কৃষ্ণ হ'য় রে বাপ ! আর নয় ।

(প্রস্থান)

চতুর্থ দৃশ্য ।

পাণ্ডব শিবির সম্মুখ ।

অশ্বখামা ও দ্বারীবেশে মহাদেব ।

অশ্বখামা । সুষ্প্ত বিশ্ব, সুষ্প্ত তরুরাজি,
 নিস্তরু আকাশ
 স্তব্ধে রহিয়াছে চাঁদ,
 স্তব্ধ বায়ু, স্তব্ধ অরণ্যানী,
 স্তব্ধ গিরি শৃঙ্গ উত্তোলিয়া
 নীরবে হেরিছে
 চৌর গতি মোর ।
 সুষ্প্ত প্রাণ নীরবে নিস্তব্ধে
 রৌরবের ছবি দিতেছে আকিয়া হৃদে
 (উদ্ধাপাত দৃষ্টে) ঝরিল নক্ষত্র শিরে
 কাঁপিল অস্তর,
 কাঁপিয়া উঠিল কেন জানি
 বজ্র ধনু করে ।

বুঝিনেহে বীরযোগ্য,
 কার্যে আমি ব্রতী ।
 বীরধর্ম অরিন্ধ্য,
 রণে বা কৌশলে শত্রুর নিপাত
 বীরত্বের বিজয় নিশান ।
 তবে কেন কম্পিত চরণ ?
 (বিচরণ করিয়া) জন্ম বিপ্রকুলে,
 ছাড়ি ব্রহ্মপদ সেবা—
 ব্রাহ্মণের অক্ষুণ্ণ ধরম
 জীবনকে কাটানু জীবন ।
 (পুনঃ উদ্ধাপাত) ঐ পুনঃ বারে উদ্ধা,
 যেন কার পদশব্দ
 বক্ষে মোর হতেছে ধ্বনিত ।
 (চারিদিকে চাহিয়া)
 প্রতিপদে হইতেছি অগ্রসর
 পাপের পঙ্কিলার্ণবে ।
 কেন—কেন যাব ?
 পারি ফিরে যেতে,
 পারি ছাড়ি ধনুঃশর লইতে শরণ
 চরণ সরোজে তাঁর,
 যিনি অস্তরে আমার
 কহিছেন বজ্রস্বরে কাস্ত হও
 বিপ্রকুল কলক পামর । (পশুপক্ষীর শব্দ)

(উর্ধ্বে বাণত্যাগ করিয়া)

চাহে দিতে জাগাইয়া চৈতন্য অন্তরে

“আরে বিপ্র ক্ষান্ত হও” বলি ।

নাহি জানে ক্ষুদ্র জীব

কতদূর হইয়াছে

অগ্রসর পাপ পক্ষে ।

ঘনঘটা ছাইছে আকাশ,

তদপেক্ষা নিবিড় নীরদ

ছাইছে হৃদয় মোর ।

আর কেন ধর্মের বিজলী

থাকি থাকি উঠিছে জলিয়া ?

সম্মুখে আমার পাণ্ডব শিবির,

ধীরে সন্তর্পণে হও পদ অগ্রসর ।

কাঁপিও না ভূজঘয়,

স্থির হও হৃৎপিণ্ড ।

চারিধার জনশূন্য,

কেহ নাহি ক্রুর এ মুহূর্তে

অন্তরে কি এ বাহু জগতে

দিতে জাগাইয়া ধর্ম দুর্বলতা ।

(অগ্রসর হইয়া) নিস্তরু, কাল নিদ্রাছায়া

ঘেরিয়াছে মহাবিশ্ব ।

শিবির সম্মুখে

রক্তভ ভূধর সম

পাণ্ডবের তোরণ শোভিছে ।
 (অগ্রসর ও পশ্চাৎপদ হইয়া)
 না নহেত তোরণ—
 বীরবপু পর্বত সদৃশ—রুদ্রমূর্তি !
 জটাজাল বিমণ্ডিত শির,
 ললাটে অর্ধেন্দু ভাতি ।
 শিবমূর্তি—সর্বনাশ !
 শিব আজ রক্ষিছে পাণ্ডব দ্বার ।
 যাই ফিরি,
 অথবা ছাড়িয়া য় এই যুক্তকরে
 মহেশ্বর চরণ কমলে
 মাগি লই ক্ষমা ভিক্ষা ।
 ঐ পুনঃ ধর্মের বিজলী—
 দূব হও দুর্বলতা ।
 বীরসম করিয়াছি পণ—
 বীরসম করিব সমর
 হোক ব্রহ্মা বিষ্ণু কিংবা মহেশ্বর । (বাণক্ষেপ)
 সত্য যদি মহেশ্বর
 বাঞ্ছা কল্পতরু,
 তুমি আজ দ্বারীবেশে
 বন্ধপণ রক্ষিতে পাণ্ডবে,
 আশুতোষ তুমি,
 স্মরিয়া তোমায় .

পারি যেন পরাজিতে
তোমাতে সমরে ।
মহাদেব । ওহো সহসা ভাঙিল ধ্যান ।
যেন কোন ছুঁই কীট
দংশিল হৃদয়ে,
না—না এ যে শর !
(হাস্য করিয়া) আরে কোন্ অল্পবুদ্ধি জীব
শক্রভাবে আক্রমিছে মোরে ?
অবোধ মানব,
জগতের ধূলিকণা তরে
মোহাক্ষ নয়নে না পায় দেখিতে,
মূর্ত্তিমান গুরু নিত্য সম্মুখে তাহার
উৎসুক রক্ষিতে তার
পাপ পথে গতি । (বাণ মুখব্যাদান করিয়া ভঙ্গ)
নিজ নিজ অহঙ্কার বশে
নাহি হেরে অচ্যুত গুরুর মূর্ত্তি
হৃদয়ে তাহার নিত্য অধিষ্ঠিত—
ধরিয়া ইন্দ্রিয় অশ্বের বলা
দৃঢ় করে, চালাইছে দেহরথ
কেন্দ্র অভিমুখে ।
নিজ নিজ অহঙ্কার বশে
নাহি পশে শ্রবণে তাহার
শব্দহীন গুরুর আদেশ ।

যেন জীব নিজেই করিছে
 সর্বকর্ম সম্পাদন ।
 তাই ঐ দ্রোণ পুত্র
 নিবিড় আধারে এ ঘোর নিশীথে
 কর্তৃত্বের বিষমাখা বাণ
 যুক্তকরি কামনা কার্ম্মকে
 হানিছে গুরুর বক্ষে
 অব্যর্থ সন্ধানে ।
 হায় রে অবোধ জীব
 পুনঃ পুনঃ কেন হান
 কর্তৃত্বের শর বৃথা মহাকাল মুখে ।
 জান নাকি কাল আমি—
 সকল আঘাতে লয় ?
 যতদিন জীবত্বের বিন্দুমাত্র ছায়া
 রহিবে সঞ্চিত জীব কর্ম্মশয়ে,
 ততদিন না ছাড়িব,
 করিব সকল গ্রাস
 জীবের অলক্ষ্যে ।
 যতদিন নামরূপ কর্ম্ম সব
 নদী সম না মিলে সাগরে,
 ততদিন মহাকাল রূপে
 হই প্রকটিত
 জীবত্বে করিতে গ্রাস ।

অথবা জীবন্তে করিতে পুনঃ
ব্রহ্মত্বে মিলন
সর্বগ্রাসী কালরূপে রহি প্রকটিত
জীবন্তের দ্বারে ।

অশ্বখামা ।

একবার, দুইবার, তিনবার
অব্যর্থ সন্ধানে করিলাম
লক্ষ্য মহেশ্বরে ।
কিন্তু কি আশ্চর্য্য !
ক্ষুদ্র বৃষ্টিবিন্দু যথা সাগরে মিলায়
তেমনি করিল গ্রাস
মুখ প্রসারিয়া ।
করেছি প্রতিজ্ঞা আজ,
নিশ্চয় জিনিব রণ ।
পিতৃহত্যা প্রতিশোধ
দিতে ধৃষ্টদ্যুয়ে আর যত
পাঞ্চাল পাণ্ডবে
আসিয়াছি গভীর নিশীথে ।
এবে না করিয়া প্রতিজ্ঞা পূরণ
কোন্ মুখে ফিরে যাব
দুর্য্যোধন পাশে ?
দেখি পুনঃ করিয়া সন্ধান । (বাণক্ষেপ)
ব্যর্থ শ্রম—ব্যর্থ আয়োজন,—
ব্যর্থ হ'ল উদ্যম উৎসাহ ।

একে একে সর্ব্ব অস্ত্র করিহু নিষ্ক্ষেপ
সকলি করিল গ্রাস
কাল অবহেলে।

‘আর না—কর্তৃত্বের অহঙ্কার
হইয়াছে বিচূর্ণিত।

কর্তৃত্বের অভিমান মাথা কৰ্ম্ম,
কিংবা জ্ঞানরূপী বাণ শত শত
করিয়া নিষ্ক্ষেপ

কবিব তোমারে জয় ভেবেছিহু মনে।

তাই মোর বি.ল. প্রয়াস।

(চিন্তা করিয়া) ‘ওহে . সুনিয়াছি বিশ্বগুরো

মহেশ্বর তোমারই কৃপায়,

আশুতোষ নাম তব,

ভক্তি সুলভ তুমি

তুষ্ট বিম্বদলে।

ঐ যে রয়েছে এক

পল্লবিত বিম্বতরু সন্মুখে আমার,

উহাই আমার বাণ। (বিম্বশাখা অর্পণ)

সুনিয়াছি তব মুখে

পত্র, পুষ্প, ফল, জল দেয় যেবা

ভক্তিভরে চরণে তোমার,

হোক দুরাচারী, হোক সে অজ্ঞান,

হোক কৰ্ম্ম হীন, তবু পায় সে

তব শ্রীচরণ অনায়াসে ।
 তাই উপাড়িয়া বিষতরু
 রণস্থলে করিহু অর্পন—
 করিহু অর্পন প্রাণ
 বিষদল সহ তব শ্রীচরণে ।
 হে কাল প্রসন্ন হও,
 দাও বিশ্বগ্রাসী শক্তি
 বিনাশিতে দুর্ষোধান অরি ।
 “নমঃ শিবায় শাস্তায় কারণত্রয় হেতবে
 নিবেদয়ামি চাত্মানং ত্বংগতি পরমেশ্বর ।”

(বিষশাখা অর্পন)

মহাদেব । (সৌম্যমূর্তি ধারণ করিয়া) কেরে তুই
 করিলি হৃদয় ভেদ
 বাণে কিম্বা প্রাণে ।
 অহঙ্কার বিষমাখা বাণ পরিহরি
 প্রাণ সহ কেরে তুই দিলি
 প্রিয় বিষ উপহার ।

অশ্বখামা । (অগ্রসর হইয়া) আশুতোষ প্রণমি চরণে তব
 দ্রোণ পুত্র আমি ।
 অন্তর্যামী তুমি সকলই বিদিত
 কেবা আমি কেন আসিয়াছি ।
 কিবা তুমি নাহি জান ?
 ছাড় দেব ছল,

হইয়া প্রসন্ন ছাড় দ্বার,
দাও হে অভয়,
পারি যেন করিবারে
প্রতিজ্ঞা পূরণ ।

মহাদেব সুপ্রসন্ন আমি আত্ম সমর্পনে তোর
ভক্তি বিষদলে ।

অশ্বখামা বিশ্বনাথ !
বিশ্বের নিয়ন্তা তুমি,
আজি কেন সামান্য প্রহরী বেশে
পাণ্ডব শিবিরে ?
প্রিয়াপ্রিয় ভেদ নাহি তব,
তুল্য ভাবে শত্রু মিত্রে
প্রভাব তোমার জানি চিরদিন ।
কিন্তু আজ এবি ব্যবহার !
রক্ষিতে পাণ্ডব চমু
প্রহরীর বেশে শূল হস্তে
রয়েছ দাঁড়ায়ে তুমি নিজে
দ্বারদেশে ।

মহাদেব সত্যবটে
প্রিয়াপ্রিয় ভেদ কিছু
নাহি মম কাছে ।
কিন্তু জানিও নিশ্চিত
যেই জন প্রাণ দিয়া পূজে মোরে,

তাহার উপর
 দয়ারূপে হয় প্রকটিত
 অমোঘ প্রভাব মোর ।
 যারা হেরে শুধু কাল আমি,
 বিশ্বের প্রলয় কার্যে নিয়ত নিরত,
 তাহাদের কাছে সত্যই করাল
 কালরূপে হই প্রকটিত ।
 যেই জন যেই ভাবে ভাবিবে আমায়
 তার কাছে সেই ভাবে হইব উদয়,
 নাহি কেহ দ্বেষ্য কিম্বা প্রিয় মোর ।
 শুন রহস্য ইহার ।
 শ্রীকৃষ্ণের সত্যজ্ঞানে,
 সহজ সরল প্রাণের
 সত্য আরাধনে বড়ই প্রসন্ন আমি ।
 তাই তাঁর অনুরোধে রণশ্রান্ত
 পাণ্ডব সেনায় রক্ষিতেছি হইয়া প্রহরী ।
 গভীর সুষুপ্তিমগ্ন পাণ্ডব বাহিনী ।
 লভি কৃতার্থতা ভীষণ সমরে,
 ক্লান্ত পাণ্ডব সাধক
 আত্ম তৃপ্তি মোহে
 এবে রয়েছে নিদ্রিত
 ইচ্ছাশক্তি দ্রোপদীর সহ ।
 আমি আজ প্রহরী তাদের ।

অশ্বখামা ।

আশুতোষ—ভোলানাথ !

হইলে প্রসন্ন যদি পুত্রের উপর

ছাড়ি দ্বার দাও হে অভয়

পুরাও পুত্রের সাধ ।

(ক্ষণপরে উত্তর না পাইয়া) আশুতোষ দিলে না উত্তর
দিলে না অভয়

কাতরে তনয় যাচে করুণা তোমার ।

আশুতোষ নাম তব

কেন গিরিশের প্রায়

আছ স্থির অচল গম্ভীর ।

হায় বুঝিলাম অধম সন্তানে

দয়া হবে না তোমার ।

লও এবে তনয়ের প্রাণ ।

আর কেন ?

যদি আশা না পূরাবে

দয়া না করিবে

তবে এই কলঙ্কিত ঘৃণিত জীবন ভার

কেন বৃথা রাখিব সংসারে ।

এই লও তনয়ের প্রাণ ।

(নিজ বক্ষে অসির আঘাত করিতে উদ্যোগ ও শিব কর্তৃক ধারণ)

মহাদেব ।

ক্ষান্ত হও বৎস ।

দিবু ছাড়ি দ্বার,

এই লও অসি

ইহার প্রভাবে আজিকার
এ ঘোর সৌপ্তিক রণে হইবে বিজয়ী তুমি ।
সঙ্গে তব সহায়তা তরে
দিহু আজি প্রথম নিকরে ।
কর পূর্ণ কালের প্রভাব ।
যাই আমি যথা আছে

চৈতন্য রূপিনী উমা পর্বত নন্দিনী । (প্রস্থান)

অন্থখামা ।

সার্থক ধরিলে নাম
গুরু আশুতোষ ।
সহস্র প্রণাম তব যুগল চরণে ;
পূর্ণ অভিলাষ—মহাক্রুর শক্তি
আসি জাগিল হৃদয়ে ।
কাল আশীর্বাদে সাধিব
এ কাল ক্রীড়া বিনা বিয়ে ।
হোক ঘোষিত ভুবনে,
নইলে শরণ তাঁর
দেন সিদ্ধি তিনি
কু—সু কভু না করি বিচার । (প্রস্থান)

পঞ্চম দৃশ্য ।

বৈপায়ন হ্রদের তীর—রাত্রির শেষভাগ

ভগ্ন উরু দুর্ঘোষন অর্ধশায়িত ।

দুর্ঘোষন ।

বড় তুষা !

কে আছ গো দাও বিন্দুবারি—

অসহ যন্ত্রনা !

আ° প্রাণ যায়—বারি দাও—বারি দাও ।

ব্রহ্মাণ্ড কি শূণ্য ?

কেহ নাহি শুনিবে । ক আর্ন্তের বিলাপ ?

(উচ্চঃস্বরে) কে আছ জল দাও ।

(উচ্চহাস্যে) কে আছে—কে থাকিবে আর ?

করিয়াছি অগ্নিদাহে

বিদগ্ধ জনমণ্ডলী,

রাখিয়াছি অবশিষ্ট

কুরুকুলে নারীবৃন্দ শুধু জলিবারে

বৈধব্যের অগ্নিদাহে ।

করিয়াছি ভূমণ্ডল

অগ্নির দাহনে জ্বালাময় ।

কেমনে থাকিবে হেথা

করণার স্নিগ্ধ নীর

দিতে বারি অস্তিম শয্যায় দুর্ঘোষনে ?

(পুনঃ উচ্চহাসে) হাঃ হাঃ—একা আমি—একা আমি
শত্রু মিত্র হীন ।

শূন্য ঐশ্বর্য সম্পদ—

রাখিয়াছি শুধু ল'য়ে বন্ধে

কতিপয় শ্বাস,

করিবারে অভ্যর্থনা

মরণের দূতচয়ে ।

একা আমি—একা আমি ।

তাই কি—সত্য কি হয়েছে একা ?

হৃদয় আমার করিয়া বমন

উত্তপ্ত রুধির শ্রোত

বন্ধঃ হ'তে করেছে কি

বিলুপ্ত এ জগতের ছবি ?

সাম্রাজ্য গৌরব,

বিজয় আকাঙ্ক্ষা,

যশঃ, দর্প, অরি মিত্র জ্ঞান,

সুখ দুঃখ মোহ ঈর্ষা ঘেব,

সব হয়েছে কি বহিভূত,

বিধৌত নির্মল রাখি

অস্তরের স্থালী ?*

(উচ্চৈঃস্বরে) কিছু যায় নাই—সব আছে,

পারি নাই হইতে একাকী ।

তাই একা হ'লে আসে সে একক সখা

অধিতীয় জগতের হৃদয় বল্লভ ।
 তাই আসে নাই এখনও সে দিতে বারি
 কাতর এ দুর্ঘ্যোধনে । (রক্ত বমন)
 যাও তপ্ত রক্তশ্রোত—
 ধুয়ে নিয়ে যাও হৃদয় হইতে
 জগতের স্মৃতি ।
 একা কর—একা কর ক্ষণেকের তরে ;
 যাও—যাও হয়ে যাও বহির্গত
 অস্থি, মজ্জা, মাংস, মেদ রস,
 স্নায়ু মন—দূরে যাও দূরে যাও,
 হৃৎ ছিন্ন ভিন্ন—
 যাই আকাশের গায়ে মিলাইয়া
 বিশ্বতির সূচীভেদ্য অন্ধকারে ।
 একা কর—আঃ একা কর মোরে ।
 আসিবে কি একেশ্বর
 সত্য সনাতন নির্মল পুরুষ—
 শুধু চকিতের মত
 বারেক আসিবে কি গো !
 নহে বারি দিতে—
 নহে দিতে বুলাইয়া স্নিগ্ধ কর তব
 পেষিত এ ক্রুর বক্ষে—
 নহে ভাবিয়া শরণাগত
 আতুর এ পাপ দুর্ঘ্যোধনে ।

শুধু এস—শুধু ভীম বঙ্গ সত্য স্বরে
 ক’রে যাও নির্ধোষিত
 ক্ষীণ শক্তি শ্রবণ কুহরে মোর—
 তোমারি মহতী ইচ্ছা হ’য়েছে পূরিত ।
 আর শুনে যাও শুধু মৃত্যু বিজড়িত স্বরে
 কহি সমক্ষে তোমার—
 “ জানামি ধর্মং ন চ মে প্রবৃত্তি
 জানাম্য ধর্মং ন চ মে নিবৃত্তি ।
 ত্বয়া হৃষীকেশ হৃদি স্থিতেন
 যথা নিযুক্তোহস্মি তথা করোমি ।”

(অসি হস্তে রক্তাক্ত বস্ত্রাবৃত পঞ্চমুণ্ডসহ অশ্বখামার প্রবেশ)

অশ্বখামা । যথা নিযুক্তোহস্মি তথা করোমি ।
 দুর্ঘোষন । ও কি, প্রতিধ্বনি ?
 অশ্বখামা । প্রতিধ্বনি মহারাজ ।
 শব্দপাশে যথা প্রতিধ্বনি
 তেমতি তোমার পাশে
 সমাগত সখা তব,
 দাস তব, গুরুপুত্র তব,
 অশ্বখামা আমি ।
 প্রতিধ্বনি—প্রতিধ্বনি
 যথা আনে শব্দ ফিরাইয়া,
 করিয়া গস্তীরতম ব্যাপ্ত দিক্ ভেদি,
 আনিয়াছি আত্মা তব

তেমতি হে কুরুরাজ
 শত্রু বক্ষঃ ভেদি সত্যে করি পরিণত ।
 প্রতিধ্বনি—আমি তব স্পষ্ট প্রতিধ্বনি ।
 দিক্চয় হইয়াছে প্রকম্পিত,
 হইয়াছে উদ্বেলিত
 ছিন্ন ভিন্ন গগনের হৃদি,
 স্থলিত হয়েছে গগনের বক্ষঃ হ'তে
 অসংখ্য নক্ষত্র পুঞ্জ,
 শ্বাসে বহিয়াছে প্রভঞ্জন,
 দন্তের পেষণে হইয়াছে শত বজ্রাঘাত,
 অসি বিঘূর্ণনে ঘটিয়াছে অসংখ্য চপলা নৃত্য,
 রক্তপারে পাণ্ডবের হয়েছে মুষল বৃষ্টি ।
 কাল সাধনায় মম
 কাল উদ্বাপনে
 ধরেছিলা কালমূর্তি,
 সাক্ষাৎ কৃতান্ত কাল আসি তাই
 দিয়াছিল ঢালি কালশক্তি ।
 সেই কালশক্তি
 এখনও বহিছে হৃদয়ে ।
 আনিয়াছি উপহার
 শির পাণ্ডবের
 দিতে যজ্ঞে পূর্ণাহতি রাজা ।
 লহ শির পঞ্চ পাণ্ডবের ।

দুর্যোধন ।

কে ও কে তুমি ?

অশ্বথামা ।

শুভক্ষণে হ'লে কি বধির ?

আমি অশ্বথামা

পাণ্ডবের কাল ।

আনিয়াছি পাণ্ডবের পঞ্চশির,

লহ সখা তার শেষ উপহার ।

এখনও বারিছে রক্ত পেশী আকুঞ্জে,

এখনও রয়েছে অবিকৃত ।

(উচ্চহাস্যে) হাঃ হাঃ পারে দংশিতে তোমারে

পাইলে স্মযোগ ।

সাবধানে লহ একে একে ।

অন্ধকারে এখনও জ্বলিছে চক্ষু

ক্রোধ দীপ্তি মাখা ।

দুর্যোধন ।

(ঈষৎ উঠিয়া) কে তুমি ?

অশ্বথামা ।

আহা ভাগ্যদোষে মোর

হ'য়েছ বধির ।

কীর্তি মম রবে কি অপূরকৃত ?

ভাষার আকারে হবে নাকি

উচ্চারিত দুটো কথা প্রসংশার ?

আমি অশ্বথামা—

শুন ভাল ক'রে,

দ্রোণ পুত্র পাণ্ডব ঘাতক ।

আজ্ঞা তব অক্ষরে অক্ষরে

করেছি পালন—

ধরনী পাণ্ডব শূন্য ।

দুর্যোধন । (অর্ধ দণ্ডায়মান হইয়া) কে তুমি ?

অশ্বখামা । (উচ্চৈঃস্বরে) অশ্বখামা

সহ পঞ্চ পাণ্ডবের শির ।

পেলে কি গুণিতে ?

দুর্যোধন । (যথা শক্তি দাঁড়াইয়া) একবার

পার কি ধরিতে বক্ষে

ভগ্ন পদ দুর্যোধনে

দিতে কণ্ঠে বারি বিন্দু ।

অশ্বখামা । তবে পেরেছ বুদ্ধিতে ।

ধন্য হনু,

সখা ভাবে চাহ দিতে আলিঙ্গন ।

এস বক্ষে কুরুকুল চুড়ামণি,

দিই কণ্ঠে তব

পাণ্ডবের তপ্ত রক্ত ধারা,

করি পান লভ পঞ্চ প্রাণ ফিরাইয়া । (বক্ষে ধারণ)

দুর্যোধন । নাহি জানি কেবা তুমি

মিত্র কিম্বা অরি ।

যেই হও বক্ষে তব

লভিয়া আশ্রয়

হইয়াছি কথঞ্চিৎ প্রশমিত ।

দীর্ঘজীবী হউক পাণ্ডব ।

অশ্বখামা । (দুর্ঘোষনের মুখের দিকে একদৃষ্টে তাকাইয়া সচকিতে)
 মরণের মোহে
 পারমাই চিনিতে এখনও ।
 আমি শক্র নহি তব
 আসি নাই করিতে ছলনা,
 সত্য আমি প্রিয় সখা অশ্বখামা ।
 এস বস মম অঙ্ক পরে,
 দিই একে একে পাণ্ডবের শির । (ক্রোড়ে ধারণ)

দুর্ঘোষন । ওহো অশ্বখামা !
 হয়েছিল বিস্মরণ ক্রমা কর ।
 পার দিতে বারি বিন্দু—
 বিন্দু মাত্র বেশী নহে
 পার দিতে সখা ?

অশ্বখামা (স্বগতঃ) ছরদৃষ্ট !
 (প্রকাশে দুর্ঘোষনের প্রতি)
 ভাল এখনি আনিব বারি ।
 এখনও মেটেনি তৃষা ?
 সহদেব, নকুল, অর্জুন,
 বৃকোদর, যুধিষ্ঠির,
 নাহি আর ইহধামে—
 এখনও মেটেনি তৃষা ?
 হস্তিনার সিংহাসন নিষ্কণ্টক;
 আছে শূন্য

লইতে তোমারে বক্ষে শুধু—
 এখনও মেটেনি তৃষা ?
 রয়েছ জীবিত,
 চেতনা তোমার হয়নি তো বিনিত্তিত ।
 যত্নপি অশক্ত তুমি
 চল বক্ষে করে ল'য়ে যাই
 ক্ষণেকের তরে বসাইতে শূন্য সিংহাসনে,
 শুনাইতে চারণের গীতি ।
 ধরনী পাণ্ডব শূন্য—
 এখনও মেটেনি তৃষা ?
 পার দিতে বারি ?
 অশ্বখামা । আঃ হুরদৃষ্ট !
 ভাল ভাল
 আনি বারি আগে ।

(ছর্ষোধনকে পরিত্যাগ পূর্বক জল আনয়ন, প্রদান ও পুনরায়
 ছর্ষোধনকে ধারণ)

ছর্ষোধন । হইলে কি পরিতৃপ্ত ?
 উষ্ণ বারি বড় সখা
 কৃধির আশ্বাদ ।
 নাহি স্নিগ্ধ বারি ?
 অশ্বখামা । পাণ্ডব নিধন বার্তা
 স্নিগ্ধতম বারি তবপক্ষে ছর্ষোধন,
 কর পান শ্রবণ কুহরে ।

তুর্ঘ্যোথন । হউক পাণ্ডব দীর্ঘজীবী ।
পাব বারি মরণাস্তে
শাস্ত আমি সখা ।
দীর্ঘজীবী হও
দিয়াছি অশেষ ক্লেশ ক্ষমা কর ।
যাও চলে আপন আগারে
একা রাখি আমারে এ অন্ধকারে ।

অশ্বথামা । (সচকিত্তে) মরণ প্রস্থানে
হইয়াছ অগ্রসর বলি
ভুলেছ কি মর্ষের দাহন ?
শত সহোদর হইল নিহত
যাহাদের অভ্যাচারে,
সাম্রাজ্য বিশাল শ্মশান করিল যারা,
কুরুরক্তে যারা করেছে তর্পন,
নিধন সংবাদ সেই পাণ্ডবের
পারেনি ফোটাতে স্নক্ষীণ আনন্দ রেখা
হৃদয়ে তোমার ?
কৃষ্ণ সুরক্ষিত মহাবীর পঞ্চভ্রাতা
একা—একা আমি করেছি সংহার,
এ সংবাদ পারেনা ফিরাতে
একটা শাস্তির খাস ?
ক্রুর !
শুধু বল—মিথ্যা করে বল

হইয়াছ আনন্দিত তুমি ।

বল—বল একবার—

ধন্য বীর অশ্বখামা অতুল ভুবনে

মেরেছে পাণ্ডবে একা

কৃষ্ণ সুরক্ষিত ।

দুর্যোধন ।

করুন পাণ্ডবে কৃষ্ণ অজেয় অমর ।

দেখ অশ্বখামা,

সমরের কোলাহলে হ'য়ে নিমজ্জিত

হয়েছিলু বিশ্বরণ,

আত্মীয়তা ব'লে আছে এক অমরবেদন

দিতে শাস্তি দারি মর্শ্বদগ্ধ জীবে ।

দেখ পড়ে মনে বাল্যকাল—

দিবাভাগে বৃকোদর সহ

করিয়া কলহ

ক্রোধ ভরে ফিরিতাম নিজ নিজ মাতৃ পাশে ।

ঘুমঘোরে হেরিতাম ভীমে

যেন ডাকিছে আমায় ।

দ্রুত ত্যজি মাতৃক্রোড় সস্তর্পনে

উষার আলোক ঈষৎ প্রকাশ হ'লে

যাইতাম গৃহপার্শ্বে তার,

ডাকি চুপে চুপে জাগাতাম ।

দুইজনে আসিয়া বাহিরে

আঁধার মিশ্রিত ক্ষীণ আলোকের মাঝে

চাহি পরস্পর মুখপানে
 থাকিতাম দাঁড়াইয়া ।
 কতু সে কতু এ অভাগা
 পূর্ব নিজ অত্যাচার স্মরি
 আর করিব না বলি যাচিতাম ক্ষমা ।
 কোথা হ'তে পুত আত্মীয়তা
 বারির আকারে বারিত নয়নে ।
 হায় সেই দিন !
 এক শত পঞ্চ ভ্রাতা মোরা
 গর্বে কহিতাম ।
 ভায়ে ভায়ে কলহ করিয়া
 যাইতাম যুধিষ্ঠির পাশে
 পাইতে মীমাংসা ।
 ওহো সেই দিন !
 বয়সের সনে কুট বিষয় বিপাকে
 দিয়াছিল মোহ আবরণ
 ঢাকিয়া সেই আত্ম বিনিময় ।
 ইচ্ছা হয় পেলে ফিরাইয়ে
 সেই পবিত্র শৈশব
 পেতে পুনঃ পাণ্ডবে সোদর সম ।
 ঘোর রক্ত প্লাবনের পর
 আজ মরণের পূর্বক্ষণে
 খুঁজিয়া পেয়েছি পুনঃ

সে পবিত্র আত্মার বন্ধন ।
 এবে মরণের ক্লাস্তি ল'য়ে
 শত ভ্রাতা মোরা
 অগণিত আত্মীয় স্বজন সহ,
 হ'য়ে রুধিরাক্ত কাতর তৃষ্ণায়,
 যেতেছি চলিয়া জীবনের পরপারে ।
 নিশ্চল কোঁরব বংশ রুধির সম্বন্ধে ।
 রহিল পাণ্ডব শুধু ।
 অসহায় অনাশ্রয়
 সে ঘোর আধারে,
 ভরসা হৃদয়ে পাণ্ডব ভ্রাতারা দিবে বারি
 তৃপ্তি মাথা করিয়া তর্পন ।
 কিম্বা যদি যাই স্বর্গধামে,
 বীরোচিত মৃত্যু লভেছি সমর-ক্ষেত্রে বলি,
 হেরিব সে দূরদেশ হ'তে
 বাণ সঞ্চালনে যারা করেছিল বক্ষ ভেদ,
 পুনঃ তারা পেয়েছে ফিরিয়ে
 সেই পুণ্য আত্মীয় বন্ধন ।
 আত্মীয় ভাবিয়া পুনঃ
 সেই ভ্রাতৃবৃন্দ মোর
 জীবনের অংশীদার,
 ঢালিয়া স্নেহাশ্রু করিবে তর্পনে তৃপ্ত ।
 দীর্ঘজীবি হউক পাণ্ডব ।

সখা হেরি এ মোহন দৃশ্য
 বড় সাধ প্রাণে ।
 অশ্বখামা । (বিক্রপ স্বরে) পেতে পার বারি
 পাণ্ডবের পুত্র হ'তে ।
 কিন্তু রাজা দুর্ভাগ্য তোমার
 নিহত পাণ্ডব ।
 তাল যত পার শোকাশ্র
 পাণ্ডবের তরে ।
 দুর্ঘোষ । অসম্ভব পাণ্ডব নিধন সখা
 ক'রনা বিক্রপ ।
 শ্রীকৃষ্ণ সারথী
 অজেয় পাণ্ডব ত্রিভুবনে ।
 যাও গৃহে যাও,
 দিও মোর শেষ বার্তা যুধিষ্ঠিরে
 পার যদি ।
 ঝাঁর ইচ্ছাবশে বিজয়ী এ রণাঙ্গনে,
 তাঁরই ইচ্ছাবশে চলিয়াছি ছাড়ি এই মরলোক ।
 তুল্য দোহে, গর্ব কি আক্ষেপ
 করিবার কিছু নাহি কারও ।
 দিও স্মরণ করায়ে
 আমাদের পুণ্য আত্মীয়তা ।
 যাও গৃহে যাও,
 সুখী হও ক্রমা কর ।

অশ্বখামা ।

হা প্রগলভ হা বধির !
 অসম্ভব হয়েছে সম্ভব—
 পাণ্ডব নিহত ।
 লহ পরীক্ষিয়া
 একে একে পাণ্ডবের পঞ্চশির ।
 ধিক্—ধিক্ কর্মে মোর,
 ধিক্ বীরত্বে আমার,
 ধিক্ মম কৃতকার্য্যতায়,
 গৌরবের তিল মাত্র
 নাহি যার অপেক্ষায় ।
 কিম্বা কিবা আসে যায়,
 ক্ষীণ কর্ণে তব মরণের সুরে
 নাহি হয় যদি উচ্চারিত
 বীরত্বের পুণ্য স্তুতি,
 রবে জাগিয়া ভুবন,
 দেবতা দানব যক্ষ
 রক্ষ গন্ধর্ভ কিন্নর
 পশুপক্ষী বৃক্ষলতা
 গাহিবে এ যশোগীতি,
 যতদিন রহিবে এ ধরণী বক্ষে
 মানবের ইতিহাস । (দুর্ভেদ্যধনকে ছাড়িয়া দিয়া)
 যাও হও নিদ্রাগত
 মরণের শাস্তি ক্রোড়ে ।

হটক সদগতি তব
 করি আশীর্বাদ ।
 শুধু জেনে যাও—
 শুধু শুনে যাও—
 চাহ যদি যাও পরীক্ষিয়া
 আপন নয়নে নিহত পাণ্ডব ।
 দুর্ঘোষন । আঃ ভাঙ্গিও না নীরবতা
 শেষ অনুরোধ,
 রচিয়া মোহন গাথা
 ক্রুর অসম্ভব কল্পনা লইয়া ।
 অশ্বখামা । তবে লহ—এই লহ শির কনিষ্ঠের
 সহদেব বলি যাহারে জানিতে তুমি । (শির অর্পণ)
 দুর্ঘোষন । (গ্রহণ পূর্বক) ওহো সুকোমল শিশু শির ।
 অশ্বখামা । (দ্বিতীয় মুণ্ড লইয়া) ভাল লহ মস্তক কঠিনতর
 ভাসায়েছি অকুলে নকুলে ।
 দুর্ঘোষন । (ঈষৎ সচকিতে) ওহো !
 কোথা হ'তে ঘোর নিশাকালে
 আনিলে হে বালকের ছিন্নমুণ্ড । আঃ—
 অশ্বখামা । হাঁ হাঁ বালক—
 ছরস্তু বালক ।
 কুরুব্রত্ৰ গ্রাসি মহারথী
 ফাস্তুনীর শির লহ এইবার ।
 পদে দল—পদে দল

দস্তে কর নিষ্পেষিত—
লহ প্রতিশোধ রাজা ।
দুর্যোধন । (গ্রহণ পূর্বক) কি দিলে—
সচেতন আমি—সজীব এগনও
ক'রনা বিক্রম ।
অশ্বখামা । তবু অবিশ্বাস ?
গভীর নিশায়
সংগ্রামে করিয়া তুষ্ট কালে,
একা আমি করেছি নিহত সবে
পাণ্ডব শিবিরে ।
পঞ্চ পাণ্ডবের দেহ হ'তে
নিছ করে করিয়া গণ্ডিত
আনিয়াছি এই পঞ্চশির ।
বীরেন্দ্র রাজন্
বজ্রকরে তব আসিয়াছে
বীর যোগ্য বল পুনরায় ।
ভাল এইবার পারিবে বৃদ্ধিতে ;
শত গদাঘাত তব
করেছিল উপেক্ষিত
মস্তক যাহার,
নিহত সে ভীম ।
এই লহ শির তার
বজ্র স্কন্ধিন ।

নাগের বস

[পঞ্চম অঙ্ক]

ছুর্যোধন । (কাঁপিতে কাঁপিতে লইয়া)
 দেখি—দেখি—আঃ দেখি—
 দাও অস্ত্র শির । (মুণ্ড করম্পর্শে চূর্ণ হইল)
 শিশু, শিশুর শির ।
 (যথা সাধ্য উঠিয়া) কি করেছ কাহারে করেছ হত্যা ?
 দেখি—দেখি—
 দেখ—দেখ—অন্ধকার মাঝে জ্বল চক্ষু
 হে বিধাতা !
 দাও বারেকের তরে চপলা জালিয়া—
 দাও ক্ষীণ আলোক রেখা
 বারেকের তরে ।
 দাও গো দাও বিশ্বের পতি
 ক্ষীণ আলো ক্ষীণ দীপ্তি—
 শুধু মুহূর্তের তরে জালিতে নয়ন ।
 দাও গো—দেখি গো—কার শির—
 সখা—সখা অশ্বখামা—
 হে ব্রাহ্মণ !
 অশ্বখামা । (সচকিতে ধীরস্বরে) না না—ভুল নহে ।
 ছুর্যোধনঃ (মুণ্ড ঘুরাইতে ঘুরাইতে)
 একটু একটু আলো !
 কার—ভীম !
 একটু আলো—একটু আলো—
 জগন্নাথ, যেন পরিচিত,

যেন যেন—আলো দাও প্রভু,
 দাও মুহূর্তের তরে
 ফিরাইয়ে নয়নের জ্যোতিঃ ।
 যেন যেন—অশ্বখামা !
 অশ্বখামা । কেন সখা হতেছ উন্মাদসম,
 কি ভাবিছ, কেন কেন ?
 ছুর্যোধন । (শির ঘুরাইতে ঘুরাইতে দৃষ্টি সঞ্চালন)
 অশ্বখামা !
 একটু—একটু আলো—
 দেখ অশ্বখামা —
 পরিচিত—না না—হাঁ হাঁ—
 অশ্বখানা—অশ্বখামা—
 যেন যেন যেন—
 স্তম্ভপুষ্ট কাল সর্প !
 কাল সর্প কাহারে দংশেছ
 কি করেছ—কি করেছ অকৃতজ্ঞ,
 কি করেছ মিত্ররূপী অরি ?
 নিভাও—নিভাও বিধাতা,
 চাই না আলোক আর ।
 নিভাও চেতনা—অন্ধ কর আঁখি,
 দাও—দাও বিশ্বতি ঢালিয়া ;
 চন্দ্র বংশ হয়েছে বিলুপ্ত ।
 এষে পাঞ্চালির পঞ্চপুত্র শির । (মুণ্ড দূরে নিক্ষেপ)

অশ্বখামা । স্বপ্ন না সত্য !
 দুর্ঘোষন । (মুণ্ড উঠাইয়া লইয়া) সত্য—সত্য ।
 ওরে কাল সর্প নিশ্চুল কৌরবকুল ।
 (মুণ্ড ফেলিয়া বক্ষে করাঘাত)

চিরদিন অন্নদানে
 পালিলাম মিত্র ভাবি,
 উপযুক্ত প্রতিশোধ তার !
 ঘুচাইলি বারিবিন্দু আশা ;
 কৌরব পাণ্ডব নিশ্চুল নির্বংশ ।
 (মুণ্ড উঠাইয়া বক্ষে ধরিয়া)
 প্রিয় বংশধর, প্রিয় আত্মার
 পরম আত্মা প্রাণ
 ননীর পুতলী বৃন্দ,
 সোহাগের কোমল প্রতিমা,
 চন্দ্রবংশ শেষ চূড়া !
 তস্করে করিল হত্যা ।
 আরে নহ তরে অরি পুত্র,
 নহ তরে পর অগ্র,
 আত্মজ—আত্মার স্নুলিঙ্গ কণা,
 আয় বক্ষে আয়—
 দেরে একটা চুষন !
 একটা—শুধু একটা চুষন দে—
 কুলঘাতী দুর্ঘোষনে । (চুষন)

কুলধ্বজ, কে দেবে বারি
 তুষাতুর কোঁরবে পাণ্ডবে ?
 পুত্র—পুত্র—পাঞ্চালীর অঞ্চলের নিধি !
 অভিমানে শত্রু ভাবি রয়েছ নীরব,
 কহিবে না কথা ?
 জীবন সর্বস্ব কোঁরবের !
 আর করিব না,
 শেষ হয়েছে সময়,
 ফুরিয়েছে রক্তক্রীড়া,
 যেতেছে চলিয়া তাত
 দুর্ঘোষন, নিষ্কণ্টক রাখি
 সিংহাসন তোমাদের তরে ।
 দাঁও—দাঁও একটা চুষন
 কর নারে অভিমান ।
 আর আর ঐ শোন—
 ঐ করে হাহাকার
 অগণিত আত্মীয় স্বজন
 দাঁড়াইয়ে বারি হীন প্রেতভূমে ;
 ঐ উচ্চরোলে ভেদিয়া গগন
 ব্যাখিত করেছে কর্ণ ।
 ঐ দুঃশাসন বারি বারি করি
 করিতেছে মর্শ্বস্তদ আর্তনাদ ;
 ঐ পিতৃলোক হয়েছে অস্থির ।

ঐ পুণ্যলোক হ'তে
 তীব্র শাপানল
 আসিছে নামিয়া দহিতে আমায় ;
 বল—বল জীবিত তোমরা ।
 কালসর্প—কালসর্প
 এ কিরে দংশন !

অশ্বখামা । (দুর্ষোধানকে বক্ষে ধরিতে উদ্যত)
 শাস্ত হও সখা ।

দুর্ষোধান । (প্রত্যাখ্যান করিয়া) দূরে যাও—দূরে যাও
 পিতৃলোক বারি অপহারী—
 দূরে যাও ।
 বিশ্বনাথ অনাথ শরণ
 পতিতের পরিত্রাতা !
 এস মিত্ররূপে মহাপ্রাণ ।
 হয়েছে নিশ্চূন,
 আর কেন জীবনের রেখা,
 ইচ্ছা তব—ইচ্ছা তব পূর্ণ হোক ।
 হ'তে পারে করিয়াছি মহাপাপ,
 হ'তে পারে মম পাপে
 পিতৃলোক মম হইয়াছে কলঙ্কিত ;
 ক্রুর, লোভী, সম্পদ-মোহাক্ত,
 বর্বর, অধর্ম পূর্ণ দুর্ষোধান,
 করিয়াছে লিপ্ত পাপের কালিমা

পুণ্য চন্দ্রবংশ পরে ।
 কিন্তু সে ত জানে—
 সে ত ভোলে নাই মুহূর্তের ভরে ।
 হোক যতই কলঙ্কী,
 দাস সম পালিয়াছে
 শুধু আঞ্জা তব হৃষিকেশ ।
 জগতের প্রাণ !
 তবু এত জালা—এত দগু—
 অসহ যন্ত্রণা, পুত্র—পুত্র—
 নির্মূল করিলু পুণ্য চন্দ্রবংশ ।
 নিজ করে নিভাইলু
 আপনার জীবন প্রদীপ ।
 পুত্র—পুত্র—জগন্নাথ—জগন্নাথ ! (মৃত্যু)
 (ক্ষণেক চুপ করিয়া)
 শেষ—যাকু—তবে ভুল ।
 পাণ্ডব জীবিত—যাকু । (অস্ত্রাদি নিক্ষেপ)
 বিধাতা জগন্নাথ ।
 হাঁ হাঁ আছে বটে ।
 নরকের সিদ্ধি দুর্ষোধান,
 তবু বন্ধ হতে তার ফুটেছে ও কথা ।
 জগন্নাথ—আছে বটে ।
 হাঁ হাঁ—বিপ্রপুত্র আমি,
 পুণ্য ব্রাহ্মণের বংশধর—

অশ্বখামা

আছে বটে—জগন্নাথ !
 চন্দ্রবংশ—ঠিক মিথ্যা বলে নাই,
 নিশ্চুল করেছি—ঠিক ভুল,
 সত্য নিশ্চুল করেছি ।
 ব্রাহ্মণ—ব্রাহ্মণ শোণিত
 প্রবাহিত ধমনীতে ।
 ভুল বটে—না না—পাপ ।
 সত্য পাপ—সত্য বটে
 বংশ লোপ—জগন্নাথ,
 বিচারক সাক্ষী !
 মহাপাপ—বুঝি মহাপাপ !
 আমারও ত আছে,
 পিতা পিতৃলোক সনে
 আমারও ত সম্বন্ধ শৃঙ্খল রয়েছে অটুট ।
 পুণ্য ব্রাহ্মণের আমিও ত বংশধর ।
 সেথা হবে নাকি শাপ বরিষণ ?
 সেথা ব'বে নাকি অশ্রুজল,
 সেথা উঠিবে না দীর্ঘশ্বাস,
 হেরি ঘণ্য বংশধরে
 চন্দ্রবংশ নানী ?
 জগন্নাথ—জগন্নাথ—কি দেখালে—
 কি করিলে—কি করিছু আমি !
 পাপ—সত্য পাপ ।

কি দোষ আমার ?
 ভ্রাতৃ বিরোধের দুঃস্বপ্ন আহব
 জালিয়া ভারত বক্ষে
 করিল শ্মশান ব্রাহ্মণের পুণ্যদেশ ।
 আমার কি দোষ ?
 যে যেখানে ছিল
 অস্ত্রধারী, আসিল উভয় পক্ষে
 অনল দর্শনে পতঙ্গের মত ।
 আমার কি দোষ ?
 দোষ কোঁরবের, দোষ পাণ্ডবের ।
 পিতৃঘাতী পাণ্ডব আমার,
 করিব পাণ্ডব বংশ সমূলে নির্মূল ।
 কোঁরব পাণ্ডব নাম
 দিব মুছি জগতের বক্ষ হতে ।
 নিশ্চয় আসিবে, জীবিত যখন,
 পাণ্ডব লইতে প্রতিশোধ !
 নিশ্চয়ই হইবে অগ্রসর করিবারে ব্রহ্মহত্যা
 পুণ্য কিম্বা পাপ হোক যা হবার
 ছাড়ি ব্রহ্মবাণ করিব নির্মূল
 এ দুঃস্বপ্ন ক্ষত্রিয়ের কুল ।
 বলি উচ্চৈঃস্বরে দুর্ঘোষন হতে,
 আরও উচ্চৈঃস্বরে বলি
 জগন্নাথ—জগন্নাথ । (অস্ত্রাদি লইয়া প্রস্থান)

কোড়াক ।



রাত্রিকাল—প্রান্তর ।

পূজার উপকরণাদিসহ বিশ্ববুদ্ধির প্রবেশ ।

বিশ্ব । রাত্রি বাঁ বাঁ করছে । ব্রহ্মাণ্ডে যত অন্ধকার ছিল বেটা জগন্নাথ এইখানটাতেই সব যেন ঢেলে দিয়েছে । নিরান্না জায়গা আর খুঁজে বার করতেও হয় না । জগন্নাথের রূপায় গোটা কুরুক্ষেত্রটা দিনরাত্রিই নিরান্না । উঃ এত বড় কুরুবংশটা সব খেলে—শ্মশান করে দিলে ! যাক্গে । এই-খানটাতেই বসি । ফল ফুল জল সব এনেছি । কোন গতিকে একবার নামাতে পারলে হয় । (উপবেশন ও পূজার ভান) ।
ওঁ বিষ্ণু, ওঁ বিষ্ণু, এস বাবা জগন্নাথ, এই নাও রাঙা টুকটুকে ফুল, এই নাও কচি কচি দুর্কাঘাস, এস বাবা নেমে এস । আমার বুকটার ভেতর থেকে বেরিয়ে, এইগুলি নিয়ে দেশ ছেড়ে চলে যাও বাবা । এই নাও জল নাও, এই দিব্য সুপক্ক রুস্তা নাও, ধূপ নাও, দীপ নাও, এস—দোহাই তোমার, আর কষ্ট দিওনা বেরিয়ে এস । জগন্নাথ—জগন্নাথ ! ঐ এসেছে ঐ বুকের ভিতর উঁকি মারছে । আঃ আজ বুকটার ভিতর যেন আলো হয়ে উঠল, এস তোমার পায়ে সাষ্টাঙ্গে প্রণাম করছি, বেরিয়ে এস । আঃ আলোয় দিক্ ভরে গেল । এ কি

হ'ল, আজ আমার এ কি হ'ল ! জগন্নাথ—জগন্নাথ ! তুমি এত আলো কোথায় পেলো ! তোমার সে ভয় মাখানো মূর্তি ছেড়ে এ কি আনন্দ নিয়ে এলে ! তুমি এত মিষ্টি তুমি এত আলো । না না নেম না—আমার বুকের ভিতরই থাক প্রভু জগন্নাথ—জগন্নাথ !

(শ্রীকৃষ্ণের প্রবেশ)

শ্রীকৃষ্ণ । এ অন্ধকারে একেলা বসে কাকে অমন করে ডাকছ ঠাকুর ?

বিশ্ব । (সচকিতে) আজে না আজে না । (সরিয়া যাইবার উপক্রম)

শ্রীকৃষ্ণ । (বাধা দিয়া) আজে না কি ? তুমি ত কাকে এই ডাকছিলে । এসব কি রুখে, গুজা করছিলে না কি ? কার পূজা করছিলে ? কাকে আদর করে ফুল ফল দিচ্ছিলে ? (হাত ধরিয়া) ভয় কি ঠাকুর, বল আমার, তুমি কাকে ডাকছিলে ।

বিশ্ব । (ভীতিস্বরে) আজে—আজে—সভয়ে বলব না নির্ভয়ে বলব ।

শ্রীকৃষ্ণ । ভয় কি—নির্ভয়ে বল ।

বিশ্ব । তবে নির্ভয়ে বলি, যা থাকে কপালে । আজ যখন এসেছ, তখন বুকের কপাট খুলে, নির্ভয়ে তোমার সঙ্গে কথা কইব । যদি এসেছ তবে আজ বহুকাল ধরে যে যন্ত্রণা দিয়েছ তা আজ তোমায় বুঝিয়ে দেব ।

শ্রীকৃষ্ণ । আমি তোমায় কি যন্ত্রণা দিলাম ? তুমি ডাকছিলে, কাকে ?

বিশ্ব । তোমাকেই ডাকছিলাম । তোমার জগ্নই এই ফল জল ফুল । যা কিছু আছে সব নাও । (জল লইয়া) এই নাও জল গণ্ডুস কর—খুব খেয়েছ—ক্ষত্রিয়কুলে বাতি দিতে কাকেও রাখনি । আর কেন জগন্নাথ, এই নাও গণ্ডুস কর !

শ্রীকৃষ্ণ । আমি জগন্নাথ তোমায় কে বলে ?

বিশ্ব । আক্কেলেই মালুম । আর যে মাগীটার ঘাড়ে চেপে ছুনিয়াটা ছারেখারে দিলে, সেই চোখে আঙুল দিয়ে দেখিয়ে দিয়েছে । জনটা পড়ে যাবে বাবা, গণ্ডুষ কর, দোহাই তোমার ।

শ্রীকৃষ্ণ । ব্রাহ্মণ তোমায় আমি বড় ভালবাসি । যাও বাড়ীতে ফিরে যাও, তোমার ব্রাহ্মণী রাণী হয়েছে । যাও স্থখে সংসার করগে ।

বিশ্ব । তুমি রাজা হওগে । একটা ক্ষত্রিয় মাগীর ঘাড়ে চড়ে ক্ষত্রিয় বংশটা লোপাট করলে । এইবার বুঝি ব্রাহ্মণীর ঘাড়ে চেপে ব্রাহ্মণ বংশটা লোপ করবার চেষ্টায় আছ । আর কেন ঠাকুর, শুনেছি দ্বারকায় না কোথায় তোমার রাজ্য আছে—দণ্ডবৎ সেইখানে তুমি চলে যাও ।

শ্রীকৃষ্ণ । তা হলেই তুমি তৃপ্ত হবে ? তোমার আর কিছু বলবার নেই ?

বিশ্ব । আজই সব দুঃখ শেষ করবে ? আমার দুঃখটা থাকুনা । ওটা যে বড় ভাল জিনিষ ; ওটা না থাকলে যে তোমায় বুকের ভিতর দেখতে পাইনা । না না যখন এসেছ তখন দাঁড়াও (নতজানু হইয়া শ্রীকৃষ্ণের চরণ বক্ষে ধরিয়া) তবে দাঁও— তোমার পা দুখানি এ দীন কান্দাল সাধন-সম্পদ শূন্য মূর্খ ব্রাহ্মণের বুকে একবার স্থাপিত কর । একবার—একবার তোমার নবঘনশ্যাম, শঙ্খচক্রগদাপদ্মধারী, চতুর্ভূজ মূর্তিতে দেখা দিয়ে এ অকিঞ্চন ব্রাহ্মণের আশা পূর্ণ কর । প্রভু জগন্নাথ অনাথশরণ—দয়া কর—ক্ষমা কর—আশা পূর্ণ কর । হরে মুরারে মধুকৈটভারে গোপাল গোবিন্দ মুকুন্দ শৌরে

যজ্ঞেশ নারায়ণ কৃষ্ণ বিষ্ণু নিরাশ্রয়ং মাং জগদীশ রক্ষ ।

(শ্রীকৃষ্ণের বিষ্ণু মূর্তি ধারণ)

বড় মিষ্টি বড় মিষ্টি তুমি । কিছু চাইনা শুধু বলতে দাও—
বলতে দাও প্রভু—

হরে মুরারে মধুকৈটভারে

গোপাল গেবিন্দ মুকুন্দ শৌরে

যজ্ঞেশ নারায়ণ কৃষ্ণ বিষ্ণু

নিরাশ্রয়ং মাং জগদীশ রক্ষ ॥

নমো ব্রহ্মণ্য দেবায় গো ব্রাহ্মণ হিতায় চ ।

জগদ্ধিতায় শ্রীকৃষ্ণায় গোবিন্দায় নমো নমঃ ॥

(প্রণাম)

(যুধিষ্ঠিরাদি পঞ্চভ্রাতা সহ দ্রৌপদীর প্রবেশ)

(বিষ্ণু মূর্তির তিরোধান ও কৃষ্ণ মূর্তির প্রকাশ ।)

দ্রৌপদী ।

ওই দূরে বহিছে সঙ্গীত শ্রোত,

ওই চিদানন্দ জ্যোতিঃ উঠিছে ফুটিয়া,

ওই কণ্টকিত ধরা

শ্রীবিষ্ণুর চরণ পরশে ।

ওই স্তব্ধ জড়াকাশ

হইয়াছে চক্ষুময়

হেরি পদ্ম-পলাশ-লোচনে,

ওই ক্রমরাজি হইয়া সজীব

ঢালিছে কুসুমাম্বলী,

ওই নিবারণী গৌরবে করিছে ধৌত
 পদ ব্রহ্মারাধ্য,
 ওই প্রতি ধূলিকণা লভিয়া চেতনা চক্ষু
 রহিয়াছে চাহি,
 ওই ভক্তের হৃদয়ে বহিয়াছে ভক্তি গঙ্গা,
 ওই প্রার্থনার ক্লিন্ন অক্ষধারা
 পাইয়াছে হৃদে দীপ্ত ইন্দ্রধনু
 প্রার্থিতের করুণা অরুণপাতে ।
 ওই সজল উল্লাসে পূরিত দিগন্ত,
 ওই সুষমা বিকাশে, ওই বনমালা হাসে,
 ওই পীতাম্বর ফোটায় কনক ভাতি,
 ভক্ত সনে মিলিয়াছে ভক্তাধীন ।
 ছুটে এস ছুটে এস শ্রীকৃষ্ণের পঞ্চসখা
 হেরি লীলা করুণার । (শ্রীকৃষ্ণের গলায় মাল্য দান)
 যুধিষ্ঠির ।
 হেথা তুমি তুষ্টি ভকতে
 ধর্মরাজ্য করি প্রতিষ্ঠিত ।
 আজ অভিষেক দিনে
 আসিয়াছ করিবারে অভিষিক্ত
 করুণায় ব্রাহ্মণ শরণাগতে ।
 আনন্দ উৎসব মাঝে,
 ভুল নাই বাড়াইয়া রাখিতে শ্রবণ
 শুনিবারে কাঙ্কালের ডাক ।
 ধর্ম প্রতিষ্ঠাতা, ধর্মের আরাধ্য গুরু !

আজ বসি হস্তিনার সিংহাসনে
 তব করুণায়,
 ক্ষুদ্র হৃদয়ের তুচ্ছ উপহার
 আনিয়াছি যথাসাধ্য
 শ্রদ্ধাভার পুষ্পাঞ্জলি ছলে,
 লহ সখা—লহ গুরু—
 লহ ব্রাহ্মণের পরম আরাধ্যপতি ।

(পুষ্পাঞ্জলি চরণে প্রদান)

নকুল-সহদেব । হরে মুরারে মধুকৈটভারে.....ইত্যাদি ।

ভীম ।

কে বলেরে বন্ধজীব
 মায়া মোহ ফাঁসে,
 তুমি বন্ধ তদপেক্ষা
 নামের নিগড়ে ।
 ধন্য তুমি—ধন্য নাম তব সমধিক ।
 নাম বলে গেলে ছুটি
 দিতে বস্ত্র দ্রৌপদীরে রাজ সভামাঝে,
 নাম বলে কাম্য বনে গিয়া
 তুষিলে অযুত বিপ্রে
 দিতে পরিত্রাণ ব্রহ্মশাপানে
 পাণ্ডুপুত্রগণে ।
 নাম বলে রাখিলে গোপনে
 পাণ্ডবে অজ্ঞাতবাসে,
 নাম বলে আপনি ভাঙ্গিলে

নিজ পণ ভীষ্মের সকাশে
 ধরি চক্র কুরুক্ষেত্র রণাঙ্গনে,
 নাম বলে বাঁচালে এ দীন ভীষ্মে
 অব্যর্থ বৈষ্ণব অস্ত্রে ।
 কি বলিব কি বলি করিব স্তুতি ।
 নাম বলে মায়া সঙ্ঘ্যা করিয়া স্থাপন
 বধিলে হে জয়দ্রথে,
 নাম বলে বসাইলে যুধিষ্ঠিরে
 ইন্দ্রপ্রস্থ রাজ সিংহাসনে ।
 নাম বলে আজি দিয়াছ এ দীন
 বিপ্র বক্ষে রাতুল চরণ ।
 দাও—দাও বারেকের তরে
 বাড়ায়ে ও রক্তিম চরণ ।
 ভীষ্মের এ ভীষ্ম বক্ষে,
 করি পূজা ধন্য হোক
 ভক্তি হীন-দ্বাস তব । (পুষ্পাঞ্জলি অর্পন)

নকুল-সহদেব । হরে মুরারে মধুকৈটভারে.....ইত্যাদি ।

অর্জুন ।

জীব কণ্ঠে কত আছে ভাষা
 প্রকাশিতে মহিমা তোমার ।
 নাম বলে হইলে সারথী
 ধরিলে অশ্বের বরা,—
 এ করুণা কি ভাষায় হইবে সুপ্রকাশ ?
 নাম বলে দেখাইলে দাসে

কাল বিশ্বরূপ মূর্তি তব,
 অমর সিদ্ধর্ষিবৃন্দ দেখে নাই
 কভু যাহা ।
 কি ভাষায় করিব বর্ণনা ।
 নাম বলে প্রবেশি উত্তরাগর্ভে
 রক্ষিয়াছ ব্রহ্মঅস্ত্রে
 একমাত্র বংশধরে ।
 চন্দ্রবংশ হইত নির্ঝংশ
 প্রভু তুমি না রাখিলে ।
 কি গাহিব কি করিব স্তুতি তব,
 ভক্তাধীন ভক্তাধীন তুমি জগন্নাথ ।
 লহ বিশ্ববাসী লহ নাম,
 রহ সজীব নামেতে,
 বল প্রাণভরে জীবনের শ্বাস
 না ফুরায় যতদিন—
 ভক্তাধীন ভক্তাধীন জগতের পতি ।

সকলে ।

হরে মুরারে মধুকৈটভারে
 গোপাল গোবিন্দ মুকুন্দ শৌরে ।
 যজ্ঞেশ নারায়ণ কৃষ্ণ বিষ্ণু
 নিরাশ্রয়ং মাং জগদীশ বক্ষ ॥

শ্রীকৃষ্ণ ।

“সর্ব ধর্মান্ পরিত্যজ্য মামেকং শরণং ব্রজ ।
 অহং হ্যং সর্ব পাপেভ্যো মোক্ষয়িষ্যামি মা শুচ” ॥

সমাপ্ত ।

শুদ্ধি পত্র ।

পৃষ্ঠা	পংক্তি	অশুদ্ধ	শুদ্ধ
১৩	১৭	সম	মম
১০	৬	দৌপদী	দ্রৌপদী
১০৯	১৫	মোব	মোর
১২২	৪	নর্দয়	নির্দয়
১৬৫	৬	নারায়ণামস্ত	নারায়ণানস্ত
২০৮	৮	বিষে	বিষে ।
২০৮	১১	বিশ্বসংহারক	বিশ্বসংহারক !
২২১	১৮	কিরিটাহারী	কিরীটাহারী
২৫০	১৬	ক্রুর	ক্রুর
২৮৫	১৯	নির্মল	নির্মূল
২৮৭	১	পঞ্চম দৃশ্য	ক্রোড়াক
২৮৮	১	ঐ	ঐ

শ্রীমৎ বিজয়কৃষ্ণ দেবশর্মা প্রণীত—

পুস্তকাবলী ।

বেদান্তদর্শন পূর্বভাগ ।

বেদান্তে নূতন আলোক । ঋষির সত্যদর্শন আবার জগতে প্রতিষ্ঠিত হইতে চলিল, বুঝি ঋষিযুগ আবার আসিল । দর্শন জগতে ইহা সম্পূর্ণ নূতন আলোক । সংসারের উপর সহস্র সহস্র বর্ষ ধরিয়া যে মিথ্যা ও বিষময় দৃষ্টি সংস্কার রচিত হইয়াছিল, কর্মকে সত্য প্রতিপাদিত করিয়া সেই দৃষ্টিকে অপনোদিত করিয়া জীব কর্মপথে ব্রতী হইয়া সংসারেই অমৃতলাভ করিতে পারে, এই ভাষে তাহার সন্ধান দেখান হইয়াছে । ইহা সত্যযুগের সত্যধর্ম, ইহার প্রচারে আবার সত্যযুগ সূচিত হইয়াছে । মূল্য ৩ । কাগড়ে বাঁধাই ৪ । উত্তর ভাগ যন্ত্রস্থ ।

ঋতসত্ত্বা বা সত্যপ্রতিষ্ঠা, প্রাণপ্রতিষ্ঠা, মন্ত্রচৈতন্য ।

দ্বিতীয় সংস্করণ—অত্যুত্তম কাগজে ছাপা ও একখানি চিত্র সন্নিবেশিত । মূল্য পূর্ববৎ রাখা হইয়াছে ।

সংসারী ও সন্ন্যাসী যে কেহ আত্মশক্তি ও ব্রহ্মবিদ্যা লাভে অভিলাষী, তাঁহারই পক্ষে এ পুস্তক পথপ্রদর্শক ও সাক্ষাৎ শক্তিপ্রদ তন্ত্রবিশেষ । সাধনার সফলতা কোন্ দিক দিয়া লাভ এবং কিসের অভাবে সাধনা বিফলবৎ হয় তাহারই রহস্য হইতে ভাবপ্রবন ভাষায় বর্ণিত । মূল্য ২ । কাগড়ে বাঁধাই ২।০ ।

ঐশোপনিষৎ ।

জ্ঞানকর্ষের সমুচ্চয়ই যে জীবনযাত্রার ঋষি-উপদিষ্ট পথ ইহাই প্রতিপাদিত হইয়াছে। বীৰ্য্যবলে ভাষা ভাবের প্রশ্রবন জ্ঞানের অপরিমেয় গাষ্ঠীর্ষ্য/বেদান্তের দুর্গম গিরিবন্ধ ভেদ করিয়া ভাবের স্নিগ্ধ অমৃত নিঃস্রবিত ইহাই অপূর্ব। মূল্য ১।০।

শিবের বৃকে শ্রামা কেন ?

মা আমার কাল কেন ?

মায়ের খেলা ১ম ভাগ

ঐ ২য় ভাগ

দশমহাবিষ্ণু (সচিত্র)

মুক্তি

বিজয় ভেরী

বৈজয়ন্তী তন্ত্রম (ঋতসুরা শরম)

আদর্শ ব্রাহ্মণ (নাটক)

ঐশোপনিষদ রহস্য বাগীতার যৌগিক ব্যাখ্যা—

১ম হইতে ৪র্থ সংখ্যা (প্রতি সংখ্যা)

৪ চারি সংখ্যা একত্রে বাঁধাই

ঐ কাপড়ে বাঁধাই

চারি সংখ্যায় প্রথম ও দ্বিতীয় অধ্যায় সমাপ্ত।

গীতার যৌগিক ব্যাখ্যা সংখ্যা হিসাবে বাহির হইবে।

প্রতি সংখ্যায় ১৫ ফর্ম্যা করিয়া থাকিবে।

প্রতি সংখ্যার মূল্য

৮ম সংখ্যা—ষট্টিশ।

শ্রীকুমুদরঞ্জন চট্টোপাধ্যায়,

ঐশোপনিষদ রহস্য কার্যালয়,

৬৪নং কালী বন্দোপাধ্যায় গলি, কোঁড়ার বাগান, হাওড়া

